

فتحية العسال

سبع
النساء

مسرحية من فصلين



سجن النساء

مسرحية من فصلين

فتحية العسال



المسئلة للكتاب والنشر والنشر

١٩٩٣

الغلاف والاقراج الفنى

جرس ممتاز

الإهداء

- الى عمق النهر وسماحته
- الى عبد الله الطوخى
- عشرة العمر الجميل

فتحية العسال

• 2

الشخصيات حسب الظهور

- ١ - سلوى .
- ٢ - ليلى .
- ٣ - أنصاف .
- ٤ - عدلات .
- ٥ - لواحظ .
- ٦ - عواطف ((صرصاره)) .
- ٧ - سنية ((ثوانى)) .
- ٨ - بخيته ((سجانہ)) .
- ٩ - هند ((ندم)) .
- ١٠ - الهام .
- ١١ - شفيقة .
- ١٢ - منى .
- ١٢ - وداد ((سجانہ)) .
- ١٤ - سليم .
- ١٥ - خوخة .

شخصيات ثانوية :

- ١ - ضابط مباحث .
- ٢ - مخبر .
- ٣ - كاميليا .
- ٤ - مهليبة .
- ٥ - مسجون .
- ٦ - عسكري (١) .
- ٧ - الأمور
- ٨ - عسكري (٢) .
- ٩ - سعدة
- ١٠ - نوال .

الفصل الأول

المنظر الأول :

- قبيل فتح الستار يندفع الى المسرح عدد من الراقصين والراقصات مرتدين ملابس من جميع فئات الشعب
- جميعهم في مراحل مختلفة من العمر ، يؤدون رقصه جماعيه تعبر عن التمرد تصاحبها اغنية تعبر عن شوق الانسان الى العدل والمساواة والحرية
- ندفع الى المسرح عدد آخر من الراقصين والراقصات في هجوم على المجموعة الأولى في رقصة تعبر عن التسايط والسيطرة
- يشتبك الطرفان في معركة شرسة ، وعندما تصل المعركة الى ذروتها تتجمد الحركة على المسرح وتظل كذلك لمدة ثواني
- يظلم المسرح

(اظلام)

المنظر الثاني :

— يضاء المسرح على صالة منزل جميل تنم عن ذوق بسيط ورفيق حيث يوجد بالديكور أركان صغيرة تشكل وحدات منسجمة معا صورة كبيرة للعائلة الأب والأم ، والابنة ، والابن

— عدد من المكتبات مزدحمة بالكتب عدد من الفازات مملوءة بالورود الطبيعي وعدد من التماثيل

— لوحات لرسامين عالميين (بعض الصور الأخرى للطبيعة وأيضا صور لبعض الشخصيات الوطنية والمحلية والعالمية) مثل جمال عبد الناصر وجيفارا على سبيل المثال

— تظهر سلوى عزمى وهى فى الأربعين تقريبا حلوة الملامح ملابسها بسيطة تدخل بسرعة وتغلق الباب كأنها مطاردة

— تعرج وتتوجع من أثر إصابة فى قدميها

— ملابسها مشعشة الى حد ما . تسرع فورا الى أقرب

مقعد تخلع حذاءها وتشرع في تدليك قدميها المصابة
وهي تتأوه

— تنهض سلوى من مكانها بصعوبة تتجه الى النافذة
وتفتحها تنبعث من الشارع صوت مفرقات

(نسمع أصوات بائعي الصحف تختلط ببعضها)

المسا اقرى المسا اقرى اخبار المظاهرات

المظاهرات من اسكندرية لحد اسوان

الأمن المركزي يحاصر المظاهرات

(سلوى تفلق النافذة وتنظر في ساعة يدها في قلق

تروح وتجيء في الصلاة)

سلوى اكيد حبيقي فيه بيان مهم دلوقتى تدير مؤثر
الراديو واذا بصوت فريد الأطرش نبعث في أغنية
يا عوازل فلفلوا ما قالى وقلت له (

معقول يا عوازل فلفلوا دلوقت (تدير المؤثر
مرة ثانية واذا بصوت عبد العزيز محمود ينبعث
يا شبشب الهنا ياريتنى كنت أنا)

سلوى وكمان يا شبشب الهنا والبلد بتتحرق

(جرس التليفون يرن سلوى تجرى عليه وهى
تعرج ترفع السماعه فى لهفة)

آلو ايوه يا كمال انت فين

ص كمال باكلمك من الشارع اسمعيني كويس
المظاهرات قافله الطريق وأنا مش عارف أوصل
للبيت

- سألوى** ايوه ايوه عارفه ما انا لسه جايه من
الجرنال ومادرتش بنفسى غير وأنا ماشيه فى
المظاهرة
- ص كمال** بلاش الشرح الوافى ده فى التليفون طمئنى
الأولاد فىن ؟
- سألوى** عند ماما بس هدى مخصمانى ومش راضيه
تكلمنى
- ص كمال** لها حق ما هو أنت غلط فى حقها
- سألوى** البنات فى سن خطر ولازم تتربى
- ص كمال** مش وقت الكلام ده واسمعينى اكسى البيت
كويس واوعى تخلى فيه حاجه
ايوه ايوه فاهمه
- كمال** وسيبى الشقة وانزلى على طول
- سألوى** الدكتوراه أمينة زمانها جابه عندنا اجتماع
- كمال** لا يا سألوى لا مفيش داعى لأى اجتماعات
دلوقت اخوانا البعده جايز يطبوا فى أى لحظة
- سألوى** المهم انت رايح فىن ؟
- ص كمال** وده سؤال برضه ثقيل فى التليفون
- سألوى** طب خد بالك من نفسك يا حبيبي
- ص كمال** وانتى يا حبيبتي خدى بالك من نفسك ومن
الأولاد
- سألوى** : (تضع السماعة ثم تجرى على المكتبة تخرج من بين

كتبها بعض الأوراق ترتفع الموسيقى لتعبر عن
حركتها السريعة وتخرج أوراقا من داخل
التمائيل

(من ظهر لوحه من داخل فازه من أعلى
ستارة تجمع كل الأوراق ثم تحضر سلة مهملات
من الصفيح وتضع فيها الأوراق وتشرع في حرقها
غير انها تسمع جرس الباب فتهمس لنفسها)

دى أكيد امينة

سلوى

(تشد السلة لتخبئها وراء مكتبة غير أن جرس
الباب يدق بشده وتواصل سلوى قلقه)
لا كده تبقى أكيد المباحث

(تجرى في سرعة تجمع الأوراق من السلة)

ايوه ايوه طيب طيب

(الجرس والخبط متواصلان سلوى ترفع
أجزاء من المكتبة في صعوبة ثم تضع الأوراق بين
جزئين من المكتبة الجرس مستمر)

قولنا طيب الله

سلوى تعدل من هندامها وتهدأ من توترها ثم
تتجه الى الباب تفتحه في تحفز)

(فور فتح الباب تندفع الى الداخل امرأة جميلة
تلهث في ارهاق وتختلف عن سلوى في المظهر حيث
أنها مرتديه ملابس فاقعة اللون غالية الثمن
تعنى بزيتها عناية مبالغا فيها اذ تضع كمية
من المساحيق على وجهها . شعرها مصبوغ باللون

الأصفر الفاقع غير أنها مشعثة الشعر ممزقة
الملابس يبدو أنها معتدى عليها بالضرب تمسك
في يدها فردة حذاء ومرتديه الفردة الأخرى
بمجرد أن تدخل وتنظر الى سلوى ترتدى على
صدرها باكية)

ليلى سلوى سلوى الحقينى يا سلوى غتيني
الهي ما يرميكي في ضيقه

سلوى ايه ده انت انتى مين يا ست انتى ؟

ليلى مش عارفانى يا سلوى نخونك العيش والملح
مش عارفه ليلي مختار زميلتك بتاعة زمان

(سلوى تنظر اليها في عدم تصديق)

سلوى مش ممكن ليلي مخ

ليلى هي بعينها

(تتماثقان في محبة)

سلوى انه ده يا ليلي ماعرفتكيش

ليلى لك حق ما تعرفنيش يا سلوى ما أنا انقطفت

بدرى وادبل شبابى آه شبابى

سلوى أنا سعيدة قوى انى شفتك يا ليلي دا انتى كنتى

وحشاني

ليلى وانى أكثر يا حبيبتى

سلوى طب كنتى فين اختفيتى فجأة ويقالك سنين

مابتجنيش ليه

ليلى غصب عنى يا حبيبتى حكم القوى ع الضعيف .

سَلَوَى

حَكْم مِين ؟

لِيلَى

حاحكى لك على كل حاجة بس أقعد القبط نفسى
(ليلى تتجه الى الأريكة تحاول ان تجلس غير انها
تتوجع ولا يمكنها الجلوس تحاول ان تعتلد
لا يمكنها تتأوه)

لِيلَى

آه آه آه نا رجلى - آه يا ضهري
آه نا كتفى آه نا ادى آه نا جدور رقبتي

سَلَوَى

حاولى تقعدى يا ليلى

لِيلَى

مش قادرة ناختى مش قادرة العصوصة
بتوجعنى آه يا عصوصتى آه

سلوى تساعد ليلى حتى تجلس ثم تخلع فردة
حذاءها وتفرك قدميها في صعوبة ساوى تنظر اليها
في دهشة)

سَلَوَى

فيكى انه نا ليلى ؟ انه اللى مبهلك كده ؟

لِيلَى

مرقوعه علقه سخنة

سَلَوَى

علقة

لِيلَى

ما اخدهاش حرامى في جامع علقه عمرى ما اخذت
زبها يا سلوى يا حبيبتى مفيش حتة في جتتى
سليمة دشدشنى يا اختى دشدشنى
ما خلاش من اول اند المقشه لحد شماعة الهدوم
وهات يا ضرب

سَلَوَى

مين اللى ضربك ؟

- ليلى** جوزى الهى أشوف فيه يوم
- سلوى** بس ده متوحش معقول يعمل فيكى كده وليه ؟
- ليلى** حاحكى لك يا اختى حاحكى لك على كل حاجة
- سلوى** تنظر فى ساعة يدها فى قلق (
- ايوه بس بس انا انا
- ليلى** بس ايه حاحكى لك صبرك بالله حاتعرفى كل حاجة المهم قوليلى (ليلى تنظر يمين ويسار ثم تهمس لسلوى) جوزك هنا ؟
- سلوى** لا ليه ؟
- ليلى** عايزة اقولك كلمة تحطيتها خلق فى ودناك
- سلوى** كلمة ايه
- ليلى** يا مأمنه للرجالة يا مأمنه للميه فى الغربال
- سلوى** تبتم فى سخريه (ميه ايه وغربال ايه ايه الكلام الفارغ ده
- ليلى** لا ما تقوليش كلام فارغ ولا انت لسه بتتفلسفى زى زمان
- لا يا سلوى يا اختى لا انتى ما تصرفيش الرجاله اسألينى عنهم أنا
- صوت الفرقعات يعلو ليلى تنتفض فى رعب
- بسم الله الرحمن الرحيم .. فيه ايه ؟

- سَلَوَى
ايه نا ليلي ما انتش عارفه فيه ايه ؟
- ليلى
ايه ناختى هي الحرب قامت
- سَلَوَى
لا دى دى قنابل مسيلة للدموع
- ليلى
والقنابل دى ليه ؟
- سَلَوَى
وانت جايه ما شفتيش البلد مولعة والمظاهرات
مالية الشوارع
- ليلى
آه صح شفت شفت شفت ناس كثير
صفوف صفوف صفوف جنب بعضها وبتصرخ بكلام
ما اعرنش هو انه الا ليه بيصرخوا نا سلوى ؟
- سَلَوَى
لأ الضغط بيولد الانفجار الناس انفجرت من
الظروف اللي هم عاشين فيها. خرجوا بصرخوا.
- ليلى
تتحرك في صعوبة وهي تشير على نفسها)
- زى يا اختى ما أنا كمان صرخت في وشه
وقلت له حرام حرام تعمل في كده ده أنا
عايشة معاك على الحلوة والمرّة ده يقولى يمين
اقولك حاضر يقولى شمال اقول آمين وبعد
ده كله بصى يا سلوى بصى المفتري الجبار
عمل في ايه ؟
- (ليلي ترفع كم فستانها وتظهر آثار الضرب)
- سَلَوَى
طب بس ما تعيطيش
- ليلى
ما عيطش ازاي ده أنا عايزه اعيط بدل الدموع
دم .. ده أنا تعبانة ومخنوقه والدنيا في عيني

قد فص الحاتم وحاكى لك عمل فيأ آيه
الخابن الغدار

سلوى
ايوه يا ليلي بس بس انا انا
تتوقف في حرج)

ليلى
انتى ايه ؟

سلوى
اصل انا مشفولة وجايه لى واحدة صاحبتى ولازم
ننزل فورا عشان

ليلى
اخص عليكى يا سلوى اخص عليكى هى
صاحبتك ابدى منى ابدى من عشرة العمر
والاخلاص يا استاذة يا صحفية نا كبيرة ما بقتيش
فاضية للستات الغلابة مكسورة الجناح اللى
زى آه يا جناحى المكسور يانى

سلوى
اصل انا لازم اسيب البيت دلوقتى

ليلى
(تخبط على صدرها فى دهشة يا مصيبتى
ليه هو انتى كمان زعلانه مع جوزك آه اكمنك
بتعرجى نقطعنى ما خدتش بالى هو أنت
كمان مضروبه علقه سخنه زى ؟

(ليلي تبكى سلوى تربت عليها جرس
الباب ليلي تنتفض فى رعب)

سلوى
دى اكيد امينة

ليلى
لا ده جوزى نا مصيبتى نا مصيبتى

(سلوى تتجه لتفتح غير ان ليلي تمنعها) .

- ليلى** استنى ما تفتحيش استخبي الأول خبيلى
خبينى
- سلوى** اخبيكى ليه ؟
- ليلى** ده اكيد سليم جوزى
- (جرس الباب دق ليلى تجرى هنا وهناك وهى تصرخ فى الم حتى تصل الى وراء البرقان سلوى تجرى وهى تعرج انضا حتى تصل الى الباب تفتحه واذا بمجموعة من الملابس المزقة يقذف بها الى الداخل مع صوت المكوجى)
- المكوجى** المكوى بتاعة حضرتك اهى
- سلوى** معقول دى المكوى ؟
- المكوجى** اتفصص منى فى المظاهرات
- (سلوى تطلق الباب تجمع الملابس ليلى تخرج من وراء البرقان تتنهد فى ارتياح)
- ليلى** الحمد لله ده انا رجليه ساب و اترعبت احسن يكون سليم جوزى
- سلوى** هو سليم جوزك يعرف بيتى ؟
- ليلى** وقد تذكرت (هه لا
- سلوى** معقول يا ليلى الحالة الى انتى فيها دى مالك خايفه كده ليه ؟
- ليلى** : لو عرف انى جيتلك حايموتنى .

سلوى ليه ؟

ليلى ما هو محرج عليا ما عرفكيش

سلوى انا ليه ؟

ليلى البراغيت

سلوى البراغيت ؟

ليلى ما هو مسمى السياسة براغيت ودايما يقولى

الناس بتوع السياسة دول فى دماغهم براغيت
بتنط من دماغ للدماغ

سلوى ساخرة (

وعشان كده مانعك تجى عندى ؟

ليلى خايف عليا من براغيتك

سلوى بس غريبة منين عرف ان لى علاقة بالسياسة

ليلى ما هو - ما هو اصله كان بيشتغل فى مكان

حساس

سلوى فى دهشة (

مكان حساس

لىلى تتقدم من سلوى لتهمس لها فى اذنيها

بتقولى انه

ليلى وبعد اسبوع استقال وهو دلوقت

بيزنس مان كبير قوى عنده بدل المشروع خمسة

وبدل الشركة عشرة وبقي ايه بيلعب بالفلوس

لعب وأول لعبة عملها حب واحده غيرى
ولما قلت له انى عارفة هجم عليه زى الوحش
الكاسر وشدنى من شعرى وهات نا ضرب لحد
ما دشدشنى وكسرنى والآخر قفل عليا الباب
بالمفتاح وسابنى طول الليل والنهاوده والصبح
ما عبرنيش انا قلت ما بدهاش وعنها وجبت
شاكوش وكسرت الباب وجيب لك اجرى تفتينى
الهى ما يرمىكى فى ضيقة

ليلى يا حبيبتى انتى جابه فى وقت صعب وانا
انا

سلوى

ما تكمليش ما انا عارفه خلاص ما عدش لى
قاب حنين خلاص مش لاشيه حد افضض له
بقلبى ومرارى

ليلى

افهمينى نا ليلى انا

سلوى

ولا افهمك ولا تفهمينى نا ماشية وكتر الف
خيرك (تهم ليلى بالقيام سلوى تنتظر
تنتظر قيامها غير أن ليلى تعود وتجلس مرة
ثانية بس انا بقى مش حازعل منك ومش منقولة
من عندك (فى هذه اللحظة جرس الباب يدق
الجرس بسيط يدق بلا أى الحاح سلوى تفرح
تتجه الى الباب وهى تردد)

ليلى

اكد دى الدكتوراة امينة صاحبتى اللى قلتلك
انها جايه (تفتح الباب فى هدوء وبلا أى ارتياب

سلوى

فيسدفع الى الداخل عدد كبير من العساكر
والمخبرين يتقدمهم ضابط مباحث في ملابس عادية
يتفرق المخبرون هنا وهنا داخل الشقة سلوى
تكاد تفقد توازنها امام العدد الكبير من المخبرين
والعساكر غير انها تتماسك بينما ليلى تتجمد في
مكانها في رعب الضابط بخرج مسدسه)

الضابط ما حدثت تتحرك من مكانه يشير للمخبرين
والعساكر)

فتشوا البيت سلوى تقف في مواجهة الضابط
في شجاعة بينما ليلى ترتعش)

سلوى بأى حق تتهجموا على بيوت الناس كده ؟

الضابط (الضابط يخرج لها بطاقته الشخصية) مباحث

ليلى تلطم خديها) يا مصيبتى مباحث

(ساوى تنظر البطاقة ثم تناولها له في تهكم

سلوى ما انا عارفة انك مباحث امال حاتكون انه يعنى

سلوى ترتعش ليلى سلوى تربت عليها تهمس لها)
ليلى بلاش تخليه يحس أنك خافه

ليلى دأنا مرعوبه مش بس خايفه (سلوى تلاحظ ان
الضابط نشد كتابا من المكتبة ويقذف به على الأرض
تجرى اليه)

سلوى : استنى عندك .. معاك امر تفتيش ..

الضابط

يا سلام طبعاً ما احنا عارفين انكو حريصين
على الشكليات وعشان كده جايب لك امر تفتيش.

بتسمى القانون شكليات

سلوى

خلاص يا ست ما تزعليش امر التفتيش اهو
وكمان امر القبض (ايلى تلطم خديها)

الضابط

قبض يا ليلتك السوده نا ليلى يادى المصيبه
اللى انتى فيها نا ليلى

ليلى

(ليلى تجرى وهى تعرج حتى تصل الى سلوى
تهمس لها) حانقبض عليكى يا سلوى وتسينى فى
المصيبة اللى انا فيها لوحدى طب مين اللى
حايقف جانبى ويروح للست اللى

سلوى

(مقاطعة فى ضيق) احنا فى ايه والا فى ايه دلوقت
يا ليلى ؟

الضابط

بتقدم من سلوى وليلى ثم يصرح فيهما بجدة
انتو بتتوشوشوا على ايه ؟

ساوى

وانب مالك انب مش جاي تفتش البيت فتش
على اقل من مهلك بس نكون فى علمك حاتتعب
نفسك على الفاضى احنا ما عندناش اى حاجة من
اللى بتدور عليها

الضابط

يا سلام والمنشورات اللى مالیه الشوارع ؟
اظن حاتقولى انها مش خارجه من عندكوا ؟

- ليسلى** تهمس لنفسها (منشورات) يعنى زى ما قال
سليم فى دماغها براغيت
- سلوى** احنا ما عندناش اى منشورات يا استاذ وفتش
زى ما انت عايز
- الضابط** تبقوا حرقتوها ما انتو اكيد عاملين حسابكو اننا
جايين يعود المخبرون من الداخل)
- مخبر ١** مفيش حاجة جوه نافندم
- الضابط** آمال الدكتور كمال فين نا مدام ؟
- سلوى** فى شغله طبعا فى الجامعة
- الضابط** ما هواش فى الجامعة ومسى هنا يبقى راح فين
اكيد هرب لك. حيروح مننا فين الضابط يشير
لأحد المخبرين وكان ننظر ناحية ليلى يتأمل الكم
الممزق بفضول واعجاب)
- الضابط** انت نا حمار باللى واقف خشن المطبخ فتش
على اثر لحريق الأوراق
- مخبر ١** حاضر نافندم المخبر نخرج)
- سلوى** تضحك فى سخرية قلتلك حانتعب نفسك على
الفاضى لا حاتلاقى منشورات سليمة ولا محروقة
- الضابط** احنا بقى عاوزين نتعب وجاين دلوقت وعارفين
ومتاكدين ان بيتكم ملغم بالمنشورات .

يا سلام وكمان متأكدين	سلوى
جات لانا اشارة نا هانم وقالت على كل حاجة وجاين وعارفين هانلاقى مين هنا كمان	الضابط
ليلى تلطم خديها نا مصيبتى تبقى عملتها يا سليم	ليلى
سليم سم مين ؟	الضابط
سليم جو تشخط سلوى فى ليلى)	ليلى
سمحى تسكتى خالص وماتتكلميش	سلوى
لا بقى لازم تتكلم الضابط بقرب من ليلى مين سليم ؟	الضابط
(فى خوف س س	ليلى
تشخط فيها) قلتك ما تتكلميش	سلوى
واز بأقولك اتكلمى	الضابط
سلوى والضابط بحاصران ليلى) ما تتكلميش اتكلمى	سلوى
تلطم خديها فى رعب انكلم ولا ما انكلمش	ليلى
قلتك اتكلمى	الضابط
واز قلتك ما تتكلميش	سلوى
بلاش مش لازم تتكلم دلوقت بس انا حاعرف اخليها تتكلم (المخبرون يعودون من الداخل)	الضابط

المخبر
الضابط
خلاص يافندم فتمشنا جوه مالفيناش اى حاجة
يبقى فتشوا هنا

(المخبرون يجرون على المكتبات بنزعون منها الكتب
ويرمونها على الأرض سلوى تنظر الى ما يحدث
فى قلاق تتركون المكتبة سلوى تنهد تتجهون
الى المقاعد نقابونها نم تتجهون الى الأريكة التى
تجلس عليها ليلى لمخبر الذى كان ينظر اليها فى
اعجاب بقرب منها ناظرا فى رقة)

المخبر
مكن نا هانم تسمحي وتتفضلى تقومى من على
الكنبه

ليلى
قادرة بيه

المخبر
(الضابط شخبط فى المخبر ثم يتقدم من
ليلى

الضابط
تمنى انه اقلب الكنبه

المخبر
الهانم مش قادرة تقوم

الضابط
قومى على حيلك

ليلى
حيلى حيلى انقطع نا بيه مش فادرة افق على
رجليه خالص يا

الضابط
يبقى نقومك احنا

سلوى
يعنى ايه . حاتقومها بالعافية . ؟

الضابط	جرى أياه يا أستاذة ؟ ما أنت عارفة طريقة التفتيش هي دي أول مرة
سلوى	قومي لو سمحني
ليلى	مش قادرة سلوى مش قادرة
الضابط	طبعا مش قادرة من اللي انتي عملتيه م الصبح في المظاهرات
ليلى	(ليلي في رعب) أنا يا بيه ؟
الضابط	أوعى يكون متهيألك اننا ما نعرفش عنك كل حاجة
ليلى	حاجة حاجة حاجة ايه ؟
الضابط	حاتعرفي في التحقيق
ليلى	(في رعب) تا ايه يا بيه ؟
الضابط	تحقيق تعرفيش معنى ايه تحقيق
سلوى	لو سمح اتكلم معايا أنا ومالكش دعوى بيها خالص
الضابط	على كل حال الكلام حاسقي معاكوا انتوا الاتنين وفي مواجعتكو انتو واللى كانوا معاكو
ليلى	(في عدم فهم) سلوى هيه ايه الحكاية أنا مش فاهمه حاجة
الضابط	حاتفهمي كل حاجة وانفضلي معايا يا أستاذة وانب يا دكتورة .

ليلى

في رعب) دكتورة أنا أنا دكتورة ؟

سلوى

قد فهمت باقولك ايه أنت معاك أمر تفتيش
وفتشب ومعاك أمر بالقبض على الدكتور كمال
ومالقوش ومعاك أمر بالقبض على وأنا اهو حامشى
معاك أكثر من كده مفيش

الضابط

(في سخريّة) الظاهر ان حضرتك ماقرتيش الأمر
كويس ؟

سلوى

ليه هو فيه ايه تانى ؟

الضابط

(نفتح الأمر ويقدمه الى سلوى وليلى ويقرا امام
اعينهم الأمر بالقبض عليكى وعلى الدكتور
أمينة

ليلى

تنهض تهلل في سعادة الحمد لله أنا بقى
ما اسميش أمينة ما اسميش أمينة

الضابط

ما انا عارف هو أمينة ده اسمك الحركى

ليلى

اسه يا بييه

الضابط

باقولك ايه عيب لما دكتوراه مناظرة زيك
تستمط

سلوى

تتقدم من الضابط.) انت فاهم غلط يا حضرة
دى ما اسمهاش أمينة ؟

الضابط

: أمال اسمها ايه ؟

ليلى (في تلقائية وخوف) ليلى يا معادة البيه اسمى ليلى

الضابط عارف عارف ما هو امينة اسمك الحركى

ليلى حركى ايه بيه نب بتتكلم عن ايه انا مش فاهمة اى حاجة ولا عارفة اى حاجة

الضابط لما حاشوفى نفسك صوت وصورة وانتي ماشية في المظاهرات حاتعرفى كل حاجة

ليلى انا يا مصيبتى انتوا صورتونى ؟

الضابط طبعا نا دكتوراه ما احنا مش قاعدين على ودانا احنا لينا عيون في كل مكان وعارفين عنك الصغيرة قبل الكبيرة

سلوى الست دى مالهاش علاقة بأى حاجة

الضابط الست دى الزاس المدبرة لكل حركتكوا نا استاذة وهى داوقت جاية لك في اجتماع مخصوص عثمان تدنكى منشورات تبث التمرد والعصيان وسط الجماهير ياالله اتفضلى يا دكتوراه امينة

ليلى نا بيه انا اسمى ليلى واحلف لك ع المصحف انى مش امينة احلف لك برحمة أمى وابويا وكل اللى خلفونى انى من يوم ما اتولدت اسمى ليلى ومن يوم ما وعيت ع الدنيا والكل بينادى لى ويقولى يا ليلى وابويا كان تدلعنى ويقولى نا لياتى وامى كانت تدلعنى وتقولى يالولا .. و ..

سأوى

(تنهر لىلى بحدّة)

لىلى انتى مش مطالبة تتكلمى دلوقت خالص هو
معاد امر بالقض علينا من النيابة ببقى كلامنا فى
النيابة وبس

لىلى

تردد فى عدم تصديق)

نيا نيا نيا

(لىلى تقع معشيا عليها)

(اظلام)

المشهد الثاني :

٣٣

(م ٣ - سجن النساء)

المكان

ساحة بسجن النساء

الزمان

ظهرا

يبدأ المشهد باستعراض غنائى يشترك فيه عدد
من المسجونات بملابسهن البيضاء كلمات
الأغنية تعبر عن قهر السجن للإنسان

بعد الاستعراض نظام المسرح قليلا ثم تضاء الأنوار
فناء سجن النساء به اعمدة دائرية
في الخلف تظهر نوافذ السجن ذات القضبان تطل
من ورائها بعض المسجونات

بالساحة عدد من المسجونات هنا وهناك
في بعض أركان الساحة نرى كل امرأتين
تجلسان معا

انصاف في الثلاثين من العمر حامل
عدلات في الأربعين تقريبا تضع رأسها على صدر
انصاف انصاف تنقى من شعرها الحشرات

خايفة يا عدلات يا أختى خايفة . احسن جوزى
يصدق في الشيء الفلانى .

انصاف

عدلات جرى ايه يا انصاف انت خايفة من جوزك ولا من
النيابة ؟

انصاف النيابة مسيرها تخرجنى لكن جوزى حايطلقنى

عدلات بطلقك ده انه ده انت شاتقاه بأربع بنات
والخامسة جاية فى السكة

انصاف بعد الشر اللي فى بطنى الدكتور عاطف ده انسا
ياما حاتم يا وجوزى ان اللي فى بطنى يطلق ولد
ونسيميه عاطف وعثمان كده خايفه أحسن قبل
ما أولد الدكتور عاطف جوزى كرامته تنقح عليه
ويطلقنى ويقول ما أقدرش يس مع واحده اللهم
احفظنا

(ترتفع ضحكة خلية من ركن آخر حيث تجلس
لواحد وهى امرأة شعبية فاردة قدميها على
طرف السلم عواطف وهى فى الخامسة والعشرين
خفيفة الظل يطلقون عليها اسم صرصارة تفرد
الحلاوة على قدم لواحد لازالة الشعر

لواحد تسلم انديكى ياب يا صرصارة كده جوزى بكره
حاندعيلك

صرصارة رجلىكى بقت انعم من بلاد الحمام

لواحد عقبال ما تهمسان لبعضهما ثم تضحكجان)
حقه أنا مش مصدقة انى بكره حا ابقى فى بيتى
وفى وسط عيالى وفى حضن جوزى عقبالك انت
كمان لما تخرجى بألف سلامة .

صرصارة بس أنا بيتى مالوش بيان ولا شبابيك ده مفتوح
منه للهوا

لواحظ ازاي يعنى شكله ايه بيتك ده ؟

صرصارة شارع كبير وحوارى صغيرة

لواحظ نيلك دمك خفيف يا مضروبه قصدك انك
حا تخرجى ع الشارع

صرصارة المهم أخرج أخرج وبس

انصاف (تزيح عدلات من على صدرها فى قرف) يا ساتر
مال شعرك كله قمل كده ليه ؟

عدلات حا أنظفه لمين نا حصرة للاعدام اللي مستنينى

انصاف لا ياختى تفى من بقك هو مش المحامى قال لك
انشاء الله مؤيد

(ركن آخر نرى سنية امرأة فى الثلاثين بطلقون
عليها اسم ثوانى تقف مستندة على عامود الساحة
مرتدية جلبابا ضيق جدا يظهر جزء من فخذها
تربط شعرها بشريط كالهنود الحمر تغنى فى
ميوعة)

سنية يا حبيبي تعالى الحقنى شوف اللي جوالى من
بعذك ترم ترم يدخل عسكري بصحبتة
مسجوننا يحمل أدوات تصليح المواسير ينظر ناحية
(سنية)

العسكري : تصلح الماسورة فى عنبر اتنين بسرعة .

المسجون سرعة ايه بس يا شاويش هو انا حاكروت الحاجة لازم تاخذ حقها

العسكري يعنى ايه ؟

المسجون يعنى الدينى فرصة اصلح الماسورة كويس وكله بتمنه

العسكري ايوه بس انت كمان لازم تصلح حنفية البيه المأمور لاحسن بتشر

المسجون انقى اجى اصلحها بكره نا سيدى

(المسجون فى صوت عال وكأنه سميع سنينة حاجى اصلح حنفية البيه المأمور بكره زى دلوقت (يخفض من صوته) كله بتمنه نا شاويشنا

العسكري خلاص خد راحتك المهم تصلح الماسورة قبل تمام عشان اسلمك فى سجن الرجال مجرد أن بتعد العسكري مع المسجون الى الداخل سنينة تغنى بصوت عال حتى سميع المسجون)

سنينة امتى حاتعرف امتى انى باحبك انت انت انت انت

عدلات قادمة تنظر الى سنينة مالك باب نا سنينة واقفة كده زى ، ما تكونى واقفة على عامود نور

سنينة سنينة تتقصع فى ميوعة من غير زى نا ابلتى عدلات

عدلات : يا بت انتى ما بتكسفيش .

- هو فيه حد يتكسف من رزقه يا ابنتي
عبدلات
سمنية
- بعضى بتعترفى أهو انك مش مظلومة ؟
سمنية
- تضحك فى ميوعة) أنا ملطوطة مش مظلومة
ما خلاص حاكذب على مين ما أنا أهو جوه
السجن
- تنزل على الأرض منكشمة على نفسها ثم تولول)
والسجن سوره على وخبى على الدنيا بره (تبكى
عدلات تقرب منها تربت عليها)
- ان حاترجى للعباط تانى ؟
عبدلات
- أعمل انه الدنيا سودة عنيه وفكرى عمال
يودى ويجيب مين اللى بلغ عنى مين ده أنا فى
حالى وقافلة بى عليا بكى فجأة)
سمنية
- اهدى نا سنينة اهدى يا حبيبتى
عبدلات
- جسمى مولع نار نا ابنتى ما بنمش الليل ولا النهار
ولو عملتى فيا خدمة تكلمى لى المعلمة خوخة تدق
لى دقة الحجر الأحمر أفقر أتهد أنام
- خلاص حاكلمها بس اهدى بقى وبطلى عباط
خسارة عنيكى العلووة
عبدلات
- تضيق من فستانها لتبرز جمالها) يعنى الجمال
ده خسارة فى البهدلة يا ابنتى ؟
سمنية
- الجمال ده عايز بيت العدل .
عبدلات
- قولى بيت العز .
سمنية

(تغنى سنبة بصوت عال) بيت العز نا بيتنا على
بابك عنبتنا (الجميع يغنون مع سنبة)

المسجونات

بيت المسجون نا بيتنا على بابك سجاننا
غنون بصوت عال فجأة تدخل بخيطة المسجانة
بشكلها التقليدى امرأة سمراء مرتدية ملابس
المسجانات من ورائها ليلى يبدو عليها الخوف
والانكسار

بخيطة

بس نا مره انتى وهيه

(الجميع بصمتون ثم نظرون الى ليلى يقتربون
منها بخيطة تشير لليلى على حافة السلم)

بخيطة

اقعدى هنا يا شابة

ليلى

(فى رعب) أقعد هنا

بخيطة

آه على ما نخلصوا الاجراءات مع زميلتك وتحصلك .

عدلات

تتقدم من بخيطة) ايراد جديد دى بخيطة ؟

بخيطة

عدلات ابعدى عنها وماحدش دعوى بيها
سامعين بالله باب انتى وهى ماحدش نقف
هنا بخيطة تتجه خارجه ليلى تنكمش من
الخوف عرصارة ولوأحظ وسنية وانصاف
يقتربون من ليلى)

لواحظ

ابه نا شابة تهمتك ابه ؟ شيك من غير رصيد ؟

ليلى

(فى خوف) هه لا . لا .

عدلات

: يبقى قتل .

سنية
قتل ايه بس ؟ يا ابنتى هو عشان ما أنت قاتلة يبقى
كل اللى بيخش السجن قتالين

لواحظ
تبقى مخدرات

ليلى
(فى خوف) لا لا

صر صارة
يبقى فى الأخضر شكلك كده تزييف

سنية
لا يا صر صارة لو كان على شكلها تبقى دعارة

ليلى
(تصرخ فى الجميع) لا لا أنا ماليش دعوة بكل
اللى بتقولوده ماليش دعوة لىلى تبكى تتقدم
منها عدلات تربت عليها)

عدلات
طب بس يا شابة ما تزعليش هم كده أول ما يخش
لهم يراد جدد بيقموا عايزين يعرفوا التهمة
ايه

ليلى
تهمة انه سب انب أنا مش متهمه خالص
أنا جابة ظلم ظلم

عدلات
ترب عليها وتحاول أن تأخذها على صدرها لىلى
ترفض (خلاص بلاش واهدى يا شابة مالك
متلبشة كده ليه ؟

لواحظ
حبيبتى از عارفة متأثرة من منظر السجن
بالك شابة كلنا اناثرنا زيك كده يوم ما دخلناه
لكن يوم ورا يوم أخذنا عليه وحبناه وأنا اهه
خارجة بكره لكن زعلانه عشان حا أسيب حبايى
اللى أخذت عليهم وأخذوا عليا

هو انت تهمتك ايه ؟

ليسلى

حرميايه

لواحظ

كدابه دى انت اللهم احفظنا وممسوكة آداب
زيننا

سسية

لواحظ

بس انا حرميايه وحاكى لك اللى حصل يا شابة
عشان تتسلى وتضحكى وتنسى الهم ينساكى
بالك يا شابة انا كنت داخلة اسرق شقة بتاعة
اتنين نسوان من اللى اللى اللهم احفظنا
الذهب عندهم يامه وبعد ما دخلوا الأوضة
وقفلوا عليهم البيبان والشقة بقف هس خرج
أنا من ورا الدولاب وانسحب ولبى الذهب
كله وراحة على باب الشقة ولسة حافتجه
وهب بوليس الآداب طب وكن اول واحدة
انقبض عليها لكن وحياتك وحياتك عمل
المستحيل لجل جوزى يعرف انى بريئة وشريفة
وعفيفة ليلى تندمج فى الحكاية)

قوليلها عملتى انه ناب نا لواحظ

صرصارة

لما البوليس اخدنى على القسم اول حاجة عملتها
جريب على بيب الراحة واسم الله على مقام ستى
لفيت الذهب فى منديل وخبيته فى حته حساسة

لواحظ

(ليلى فى عدم فهم) حته حساسة ؟

ليسلى

يوه جرا انه نا شابة ده انت الظاهر ست
الافرنكة وماتعرفيش حاجة

لواحظ

يبقى عرفيها قوليلها حته حساسة يعنى انه ؟

سسية

(لواحظ تهمس الليلى فى أذنيها ليلى تتنفض
صارخة)

با لهوى مش معقول

ليلى

لواحظ

بس حصل وحياة من جمعنا من غير ميعاد حصل
صحيح كان حاسوتنى بس استحملت ما أنا لازم
أثبت لجوزى انى شريفة وعشان كده ما قدرتش
أقول للبوليس انى حرامية ليه عشان أول هام
ما يخدش منى الذهب تانى هام عشان أثبت
براءتى لجوزى وفعلا أول زيارة لأمى ادتها
الذهب وحكيت لها اللى حصل وأول جوزى
ما أخذ الذهب وعرف الحقيقة جه زارنى وانه
بكره حاجينى من طلعة النهار بالطبل البادى
والمزمار ما أنا شريفة وعفيفة وعمر ما حد لعنير
وادنى قدامك أهو بقى لى هنا ست شهر وان
مظلومة (ليلى فى خوف وعدم
ذهول)

بغنى انه ممكن الواحد يفضل فى السجن
ده وهو مظلوم

ليلى

كلنا مظالم يا شابة

انصاف

(تصرخ فى هسترية) لا لا أنا لا يمكن أقعد هنا
لازم أخرج لازم أخرج (تدخل سلاوى مع
السجانة تراها تجرى اليها) الحقينى نا سلاوى
الحقينى

ليلى

مالك نا شابة النسوان دى عملت حاجة زعلتك .

بغيتة

: احنا يدوب بنسألها تهمتها انه

عدلات

مش يمكن زميلتنا تقف جنبها يا ابنتي **سئنية**

لا دول مش منكو خالص تشير على سلوى **بخيتة**
دى الست سلوى صحفية وكانت هنا زمان
ولما خرجت كتبت عن السجن واللى بيجرى فيه

تهمس لبخيتة (ماكنش المفروض تسيبى ليلى **سلاوى**
هنا أنا قلتك انها اول مرة تخش السجن

على عينى ست سلوى ما هى الادارى لسه **بخيتة**
ماقلتليش حا تسكنوا فين

طب حاولى تخاضى الاجراءات دى بسرعة **سلاوى**

من عنيه نا ست الكل نا اميرة يا اللى وحشتينا **بخيتة**
ووحشنى كرمك الزايد تتجه لتمشى تدخل
هند فتاة فى العشرين تنظر الى سلوى وليلى
والجميع ملتفون حوليهما هند تسأل انصاف فى
(همس)

دول نا انصاف ايراد جديد ؟ **هند**

لا دول ناس الفرنكه والست دى صحفية وانا **انصاف**
حاحكى لك حكايتى اللى تصعب ع الكافر عشان
تكتيبها فى الجرنال جوزى يقرأها ويعرف انى
مظلومة وشريفة وربنا يجازيها اللى كانت السبب

تتقدم من انصاف فى عصبية صارخة فى وجهها (**هند**
ماتشاوريش عليا نا دلعدى مش أنا السبب فى اللى
جرالك ده انتى السبب فى اللى جراللى وروحى
منك لله ضيعتيني وربنا نتقم منك .

انصاف

كل واحد منه لله يا حبيبتى وانا ما ضربتكيش على
ايدك انتى اللى جيتى ووقعتى فى عرضى وقتلى لى
خدنى معاكى بيت الشغل عملت فىكى معروف
واخذتك ببقى ده جزائى

هند

(باكية) كنت جعانة وعريانة ومش لاقية للقمه
عمرى ما اشتغلت فى بيوت لكن لما أبويا رقد عيان
قرصنى الجوع وكان لازم أخرج واشتغل

انصاف

(تقترب من هند ترب عليها فى حنان ثم تنظر
لسلوى ولىلى غلبانه وصعبت عليا ومن طيبة
قلبي اخذتها معايا شقة مفروشة أنا مسئولة
عنها وباشتغل فى سابعة زيها وقتت وماله أهى
تسترزق معايا والقرش اللى اقبضه نقسمه

هند

وكانها تكمل حكاية نصاب) واشتغل معاها
لكن البيه جه وقالى أنت بالذات يا هند اللى
تنضفى لى أوضتى

انصاف

ويوم ورا يوم بدل ما تنضفى أوضته سمعتى كلامه
وعملتى الشئ الفلانى وكنت أنا باقف احرس لكم
الشقة

هند

كنت بتاخدى حقك وماهيتك زادت

انصاف

ماقلتش لا ماينكرش ده حصل بس بشرفى وعمر
انا ما عملت حاجة لكن لما طب البوليس اخدنى
معاكى والتهمه بقت لبسانى وياكى (تبكى)

وجوزى لا يمكن حيايصدق انى شريفة وبكره يطلقنى
ويرمىنى فى الشارع وأنا مظلومة

أنا اللى اتظلمت معاكى وضيعت بقية عمرى وخلص
أترميت للمقدر والمكتوب

هند

ما بس بقى يابت هو كل يوم والثانى تقوليلها
الكلمتين دول خلاص اللى جرى جرى باندم
يا بنتى

عدلات

اسمك ندم

سلوى

اسمها هند لكن هى اللى مسمية نفسها ندم

عدلات

ندمى ندمى على اللى راح وماعدش يرجع تانى
ندمى على دى اللى ساح منى فى غمضة عين
ندمى على شرفى اللى راح منى من غير زفة
ولا زغروده ده أنا عشب عمرى كله احافظ عليه
لجل يوم فرحى أمى وأبويا يستنوا ورا الباب
عشان بفتوا ويقولوا بيضتى الشاش نا عروسة
بيضتى الشاش نا عروسة هند تدق على
الأرض وتشد طرحتها وتظل تفنى وتلف وتدور
كما الدجاجة المدبوحة عدلات تحتضن هند فى حنان
كى توقفها عن الدوران وتبعدها عن سلوى
وليلى)

هند

اوعوا تتأثروا نا ستات دول كل يوم يعملوا الشوية
دول مايبصدقوا يلاقو حد جندد عشان يفكو
الهم من على قلوبهم ويحكوا اللى حصل بدل
المره عشرة .

عدلات

سنية

(تقدم من سلوى وليلى وهى مستفرقة فى الضحك) أنا بقى حكايتى مسخرة خالص
حاضحكوا مش تبكيكوا حكايتى تنفع السيمما
ولو عملتى جميل ناسب يا صحفية تحطى لى
صورة بالألوان حجم كبير وتكتبى عليها سنية
ثوانى انس الليالى شريفة وعفيفة وتهمنى
بادوب رقاصة

لواحظ

مانسبهيش الرقصات يا مفضوحة وقوليلها
تهمتك ايه بالضبط

سنية

تهمة بسيطة وحياتك ناست يا صحفية كل اللى
باعمله انى باحب الرقص

سلوى

وهو الرقص تهمه

سنية

لا بس ما هو أنا أصلى بارقص من غير هدموم

سلوى

ايه .

سنية

باحب أرقص عري غيه فيها حاجة دى
مزاج بعيد عنك يبقى عيب ولا حرام

سلوى

يترقص فين معنى

سنية

فى بيتى وقافلة بابى على ومابتناقش منه
ما هو يا حبيبتى الرزق يحب الخفية الرجالة
العواجيز المهاطيل اللى بيجوا من كل بلد شكل
عارفين بيتى وبيجونى لحد عندى هم يتفرجوا
ويدفعوا وأنا أرقص وأخذ يبقى البوليس بتاع
الأداب يتحشر فى اللى مالوش فيه ليه وبيجى

يقبض عليه ده انا شريفة وعفيفة ووحياتك
يا ست انا بنت بنوت ولسه بختم ربي

يا معارة

صرصارة

أنا معارة قال على رأى المثل لا تعابرنى ولا أعايرك
ده اللهم بانى وطايلك طب ان كتب شاطرة قولى
تهمتك ايه يا ست صرصارة

اسمك صرصارة؟

سالى

اسمى عواطف بس بيدلعونى صرصارة لانى منمنمة
ومسممة زى ما أنت شايقة

صرصارة

ماتلوعيس فى الكلام وقوليلها تهمتلك ايه

سنية

فى حرج وكسوف تهمتى تهمتى آه انا انا
جلابة حشيش معتبر من اللى يعدل الدماغ
ويصحح النافوح

صرصارة

أنا بقى اللى معارة ولا أنت ماتقولها على طول ان
تهمتك اللهم احفظنا

سنية

تقوليلها نا بب ان تهمتلك المقدر واللى مكتوب
ع الجبين لازم تشوفوا العين حاستعرى من
تهمتك ليه نا بب نا صرصارة هو أنت احسن
من مين

هنيد

أنا عارفة ما احنا كلنا فى الهم شرحه ولا عايرة
تقولى قدام الهوانم انك شريفة

سنية

فجأة تهجم على سنية تشمدها من شعرها فى
غضب وهى تصرخ بها ايوه شريفة وغضب عنك

صرصارة

وعن اللى يتشدد لك شريفة ما أنا كنت توبت والله
العظيم كنت توبت توبت توبت صرصارة
تتشنج وهى تلطم خديها وتردد كلمة توبت سنينة
تجرى عليها وتأخذها فى حضنها وتربت عليها)

سنية
نقطعنى حبيبتى ماكنش قصدى ده أنا باهرز
معاكى بابت

هند
ياختى ومالك مكرهاها قوى كده يا صرصارة
ما احنا كلنا فى الهوا سوا

سنية
تضحك وتغنى وانب فى الهوا من صفرنا
سوا يا هوا يا هوا اضحكى بقى يا صرصارة
وماثقلبيش الحكاية جد هو احنا ناقصين نكد

ليلى
(تنظر الى ما يحدث فى رعب) (تهمس) سلوى
خرجينى من هنا خرجينى

سلوى
السحانة بتحضر لنا الزنزانة

ليلى
يا مصيبتى زنزانة تانى

سلوى
اطمنى يا ليلي زنزانة السجن أنصف من تخشبية
القسم بكثير

عدلات
يا حزننا هو انتوا بيتوا فى التخشبية

سلوى
ليلتين

عدلات
ليه يا اختى انتوا مش باين عليكو وش ذلك .

سلوى : ذلك ايه . احنا معتقلين .

سياسة يعنى ؟ سسئية

آه سلوى

وليه يا أختى هو الملك فاروق رجع تانى ؟ عدلات

ايه ماسمعتوش عن المظاهرات اللى كانت فى الشوارع عشان الأسعار زادت سلوى

يوه اسوه يبقوا انتوا الاتنين محبوسين فى السياسة هند

تصرح فجأة (لا لا انا مش سياسة لا أنا ماليش ليلى
فى السياسة لا أنا مافهمش فى السياسة لا

امال بتفهمنى فى ايه يا أخه سسئية

اخه ليلى

تهمس لليلى فى هدوء (لو جارح فى النيابة سلوى
اديتهم بطاقتك ولا باسبورك كانوا ادلوا على
شخصيتك وماكنش زمانك معايا دلوقت

عايزانى ادلهم على شخصيتى عشان جوزى ليلى

يعرف ويجى بدبحنى ده كان يوم اسود يوم
جتلك كان لحظة منيلة ستين نيلة ساعة
ما فكرت اجيلك تفتينى

وبدل ما تفتينى وقعتينى فى مصيبة ده لو حد
عرف وبلغ سليم حايبقى آخر يوم فى عمرى

(فجأ تسمع صوت ضجة نرى الهام
امراة فى الخامسة والثلاثين من عمرها مرتدية

ملابس قريبة من ملابس ليلي حولها اربعة فتيات
جميعهن بملابس فاقعة اللون عدلات تشير
لسلوى)

عدلات ما دام حضرتك صحفية اكتبى عن ستات آخر
الزمن دول

سلوى ايه دى ؟ ممسوكه فى ايه ؟

عدلات بتاجر فى الأبيض

سلوى الأبيض ؟

عدلات السيم الهارى البودره بعيد عنك ووقع البنات
دول معاها

الهيام (الهام قادمة تنظر ناحية ليلي فى دهشة ثم تصيح)

مش ممكن مستحيل انت هناك يا ليلي

ليلي تنظر اليها فى رعب هه أنا أنا

الهيام ايه انت مش عارفانى

ليلي تحاول أن تدارى وجهها بعيدا) هه لا لا أنا

ما اعرفكيش ما اعرفكيش

الهيام تضحك فى سخرية) طيب عيني فى عينك كده

الهيام تحاصر ليلي ليلي تصرخ فى وجه الهام

فى عصبية غير طبيعية)

ليلي : أنا ما اعرفكيش.. ما اعرفكيش ما اعرفكيش..

(ظلام)

المنظر الثالث :

المكان

زنزانة بسجن النساء

الزمان

غروب

– ممر صغير يؤدي الى زنزانة

– حين تضاء الأنوار نرى سلوى وليلى قادمتان
مع السجنانة متجهين الى الزنزانة

– اضاءة على زنزانة جدرانها فاتمة بها أربعة أسرة
من طابقين السجنانة تسبق سلوى وليلى وتفتح
لهما باب الزنزانة

بخيتنة

خشى يا ست سلوى خشى يا حبيبتى
(ليلي تقف في الممر وترفض الدخول الى الزنزانة) .

بخيتنة

مالك يا شابة خافدة كده ليه ده كفاية ان
الست سلوى الطيبة الأميرة معاكى

سلوى

متشكرة يا بخيتنة المهم جبتى اللي قلتك عليه

بخيتنة

طلباتك أمر جبت لك أربع مراتب أهم .

(تفرد المرانب عبارة عن خرق ممزقة ليلى
تنظر اليها فى ذعر)

وكل اللى تأمرى بيه أنا تحت أمرك فيه انت
وحشتينا ووحشنا خيرك الزايد على فكرة أنا
لما فتشتك سبت لك شوية فلوس خبيهم بنفعوا
لروم الاكراميات

سلاوى عارفة ومتشكرة تخرج نقودا من صدرها
تهطيها لبخيتة تتننع قبولها)

بخيتة لا لا خيرك سابق (تأخذ النقود) بس او ماكنتيش
تحلفى

سلاوى المهم مين معانا فى الزنانة هنا

بخيتة انتى وحبيبتك اللى معاكى وبس ويدوب شابة
جاية من شوبة أبصر الادارة مش راضية كنها
مع الشبابات اللى ممسوكين فى السياسة

سلاوى وهو فيه سمات تانيين مقبوض عليهم فى السياسة

بخيتة كثير ناختى بنات حلوين وموظفين بس الادارة
مقعداهم فى عنبر لوحدهم

سلاوى فيهم واحدة اسمها الدكتورة أمينة

بخيتة لا ده فيهم واحدة اسمها المزميل نورا وواحدة
اسمها المزميل حنان وواحدة تانية اسمها مزميل
سهام وما تعدش لكن مفيش واحدة اسمها
أمينة ؟ .

ليلى

طب اللى جات من شوية دى اسمها ايه ؟

بخيطة

لا دى تلميذة من بتوع الجامعة وزى اللى اسمها
منى وبعد ما يخلصوا معاها الاجراءات
حاجبها زميلتى بتاعة بعد الظهر لأن انا ورديتى
خلصت وعازة أروح أعمل لأبو سيد كوارع
تستاهل بقى السامعين وبكره الصبح حاكون
عندكو (بخيطة تخرج ليلى ما زالت واقفة خارج
الززانة تنظر حولها فى ضيق سألوى
تتجه اليها)

سألوى

خسى نا ليلى انت واقفة بره ايه ؟

ليلى

واخش جوه ليه

سألوى

هى دى ززنتنا

ليلى

ززانتك انتى لكن مستحيل اخش هنا
لازم خرج لازم أخرج

سألوى

ليلى دخولك فى السجن دلوقتى لا باسدى
ولا باندك دى ظروف ولازم تتحملها

ليلى

مش قادرة مش قادرة

سألوى

حاولى نا ليلى حاولى واهدى واقعدى ارتاحى
على ما أحضر لك أنا السرير تبدأ فى فرش
المراتب)

ليلى

: أنا . أنا أنام على السرير ده .

- سلاوى** آه وحا أخط لك مرتبتين
- ليلى** قولى ورقتين
- سلاوى** ليلى احنا فى سجن مش فى اوتيل ولازم تواجهى
الأمر الواقع
- ليلى** ش قادرة مش قادرة تبكى فجأة)
- سلاوى** ليلى أنا عايزة أسألك سؤال محدد ولازم تردى
عليه وبصدق
- ليلى** ايه ؟
- سلاوى** من ساعة ماشفتى السب اللى اسمها الهام
دى وان مش على بعضك انتى تعرفيها نا ليلى ؟
- ليلى** فى خوف وتوتر وارتابك هه لا لا أنا
حا أعرف الأشكال دى منين ؟
- سلاوى** غريبة متهيالى انها تعرفك دى ندهت لك
باسمك
- ليلى** (فى غضب) بس أنا ما أعرفهاش ما أعرفهاش
قلتلك ما أعرفهاش هوه تحقيق
- سلاوى** ايود تحقيق ولازم أعرف الست دى بالنسبة
لك ايه ولو كنتى مش عايزة تقولى دلوقت نأجل
كلامنا لبعدين فجأة بفتح باب الحجرة وتدخل
شفيقة امرأة فى الخمسين مرتدنة ملابس السجن
مكحلة العينين على صدرها عدد كبير من أغطية

زجاجات البيبسي تضعها كأنها نياشين في وسطها
حزام كما الراقصات وتمسك في يدها مبخرة)

شفيفة
السلام عليكم ورحمة الله وبركاته وصلوا ع
الرسول وأعوذ بالله من الشيطان الرجيم وباسم الله
الرحمن الرحيم يا قادر يا عظيم يا مسامح يا كريم
ارحم الصبايا من غدر الزمان واشفع لهم يوم
المات

سساوى
تدقق النظر في شفيفة (مين ؟ شفيفة ؟
ماعرفتكيش ازيك يا شفيفة تحضنها)

شفيفة
وحشتيني نا ست سلوى ووحشتنى حنيك
وحدثك اللي يرد الروح

تنظر الى ليلي اهلا نا شابة دى برضة
سياسة

ليلى
لا لا انا مش سياسة وماليش دعوى بالزفة
الى اسمها سياسة دى

شفيفة
امال لياخذة جاية فى ايه

سساوى
حا ابقى أحكى لك بعدين المهم قوليلي انت لسة
هنا نا شفيفة

شفيفة
وعمرى ما حا أخرج من هنا

سساوى
ياه انت بقالك قد ايه ؟

شفيفة
: ما تعديش .

سلوى

وخارجة امتى ؟

شفيقة

ما بعدش

سلوى

هو اتحكّم عليكى بايه ؟

شفيقة

بالعمر كله و خلاص السجن بقى دارى وسترى
وغطايا ونسيت الدنيا بره وكفاية قعدتى هنا فى
وسط اجبابى يو الكلام حاياخدنا ما تعرفيها
بى يا ست سلوى قولى لها انا مين

سلوى

دى الست شفيقة

شفيقة

تفرد جسدها فى زهو (شفيقة التختروان
راقصة الشمعدان.. شارع محمد على كله مكنش
فيه غير شفيقة واحدة كنت صاحبة تخت وتخت
أبدى الطبالين والزمارين وكافة الآلاتية ده غير
سبعتاشر رقاصة تربية أندية شفيقة اللى قدامك
دى الكل كان بيحلف بحياتها وجمالها ورنه خلخالها
والشمعدان كان تاج على رأسها بالك رقصت
قدام البشوات والبهاوات والنياشين دى كلها
من المعجبين (تشير الى أغطية البيسى)

النيشان ده من الخديوى اسماعيل والنيشان ده
من الملك فؤاد الأول وده من الملك فاروق الثانى
وده من الرئيس جمال عبد الناصر وده من الرئيس
السادات وده من من سليم

ليسلى : سليم سليم مين ؟

شقيقة

سليم الأول وده من سليم التانى وده من التالب
وده من الرابع معجيبنى كانوا كثير وعشاقى اكر
وأكثر والكل كانوا بيفرشوا الأرض تحب رجليه
بالورق الأخضر لكن أنا بقى أنا

فجأة شقيقة تدور حول نفسها فى رقصة محمومة
وهى تردد) حبيت اتخميت قتلت ارتاحت
حبيت اتخميت قتلت ارتاح تظل تردد
بهستيريا حتى تخرج من الزنانة

تسأل فى دهشة) ايه حكاية الست دى ؟

ليلى

ما عرفش غير الأربع كلمات دول من يوم ما دخل
السجن وهى بتقولهم

سلاوى

(تبتعد عن سلاوى وهى تتمتم) حبيب تخميت
قتلت ارتاحت صوت نجدة من الخارج مع
صوت منى وهى تردد)

ليلى

ممنوع ممنوع ممنوع هيه كل حاجة نقوليلى
ممنوع

منى

تدخل منى تقف عند المدخل منى فى العشرين
تقريباً مرتدة بنظون جينز وقميص مشجر ومعها
حقيبة ملابسها تدخل مندفعة مع سجانة أخرى
تبدو عليها الشراسة شكلها يعبر عن السجانة
التقليدية بكل بشاعتها

ايوه ممنوع ماتعرفيش يعنى ايه ممنوع
يا دلعدى ؟

السجانة

منى : اتكلمى كويس .

السجانة
ما تمسكى مسطرة وتأديبيني يا مزميز عشان
بأقولك ممنوع ايوه يا اخه الكتب ممنوعة
والورق الأبيض برضه ممنوع ودى أوامر المأمور

قتلك ودى للمأمور

ممنوع

السجانة
ممنوع
بقى تجيبلى لائحة السجن أقرأها وأعرف ايه
اللى ممنوع بالظبط

ممنوع

السجانة
ممنوع أقرأ اللايحة

السجانة
كله ممنوع نا ضنانا ودى أوامر وأنا عبد المأمور
نا دلعدى وأنا ما على غير أقول ممنوع

ممنوع
بس دى أبسط الحقوق وأنا لاسمك حافط فى
سامعة ؟ وبلغى المأمور انى عايزة أقابله
ولو رفض أنا مش حاسك

السجانة
حانعملى ايه نا أخه

ممنوع
حا أضرب عن الطعام

السجانة
عجاب عليكى قد الزيلة ومقاومة التيار

ممنوع
بطلى الكلام الفارغ ده وروحى هاتى لى اللايحة
عشان أعرف اللى ليا واللى عليا

السجانة
بقى اكتبى طلب وقولى انك عايزة اللايحة واکتبى
على عرض حال دمغة .

منى

وانا اجيب العرض حال ده منين ؟

السجانة

اهرشى وانا اجبلك كل اللى انتى عايزاه (تهمس لها) بس فى السر

منى

تبقى رشوة انا حاوديكى فى ستين داهيه (تحاول أن تخرج السجانة تشدها وتدفع بها داخل الزنانة)

السجانة

جرى ايه نا شابة مالك جابة متقنعة ليه انتى الظاهر ما دخلتيش سجن قبل كده خشى باقولك

منى

سيبى ايدى سيبى ايدى (منى تعافر بدها من يد السجانة سلوى تجرى عليها)

سلوى

ايه ده اوعى كده سيبى ايدى نا اتجننر

السجانة

مدوخانى من ساعة الادارة ما سلمتها لى وهى هات نا شخط فيا

سلوى

طب بس واتفضى انتى نقى

(السجانة تدفع منى داخل الزنانة ثم تغلق الباب فى عنف سلوى تفتح الباب تمشط فى السجانة)

ما تقفليش الباب لسه ميعاد قفل البيان مجاش.

السجانة

ده انت متودكة بقى

(تخرج سلوى تقترب من منى) .

اهلا خشى يا	سلوى
منى عبد السلام	منى
وانا سلوى عزمى	سلوى
الصحفية	منى
بالضبط	سلوى
قريب لك كثير	منى
كويس عشان اسمع رايك	سلوى
مش حابعجيك لانى مختلفة معاكى فى وجهات النظر	منى
لا يبقى كده انا عايزة اسمع المهم خشى دلوقت عشان ترتاحى واقدمك زميلتنا فى الزنانة ليلى مختار	سلوى
(ليلى جالسة كالمزهولة منى تتقدم منها وتمد يدها بالسلام)	
اهلا وسهلا	منى
قوليلى تحبى تختارى انهى سرير	سلوى
اللى حضرتك تشوفيه	منى
حضرت السرير ده ليللى وانت اختارى (منى تنظر الى اعلى)	سلوى
بيتهياالى انا اختار السرير اللى فوق انا اقدر اطلع لكن انتو ممكن يكون صعب عليكو الطلوع	منى

(تحاول أن تصعد الى السرير غير انها تتوجع)

أى أى

مالك ؟

سلوى

شومة ع الماشى جات على رجلى

منى

انتى كنتى فى المظاهرات

سلوى

امال معنى حايبقى مقبوض عليه فى ايه ؟

منى

قبضوا عليكى فى الشارع ؟

سلوى

آه وبعد كده خدونى على البيت فتشوا وعشان
كده جيب هدومى

منى

على فكرة فيكى شبه كبير من بنتى هدى

سلوى

عندك بنت حلوة زى كده

منى

قمر فى أولى آداب عين شمس

سلوى

از نس آداب القاهرة

منى

عين شمس والقاهرة خرجوا مع بعض فى المظاهرات.
مش كده ؟

سلوى

مش بس الجامعات معظم المعاهد كمان بنتك
من اللى خرجوا معنا ؟

منى

ايه لا المهم انا سعيدة سعيدة قوى ب

سلوى

بانه ؟

منى

بان شباب القمصان المشجرة والبنطلونات الجينز
تنزل الشارع .

سلوى

- مبنى (نضحك) ولسه
 سلوى كمال جوزى دايمًا نقولى بلدنا عايشة على
 بركان
- مبنى السب والراجل مع بعضهم اللي حانفجروا البركان
 ده مش كده
 طبعا
- سلوى امال كتابتك ومناقشتك بتقول غير كده ليه ؟
- مبنى بتقول انه ؟
- مبنى حضرتك مهتمة بقضية المرأة وانا مش مؤمنة
 اطلاقا ان فيه حاجة اسمها قضية مرأة القضية
 الحقيقية هى قضية المجتمع كله
- سلوى تبسم فى سخرية ورفقة ده صحيح يا منى بس
 فيه خصوصية لقضية المرأة
- مبنى خصوصية انه السب واخدة كل حقوقها المهم
 انها تمارسها وتعيشها لكن نقوللى خصوصية لا
- سلوى ليه هى لما الست بتبقى قاعدة فى بيتها وتجيلها
 ورقة طلاقها دى مش خصوصية ؟ ولما جوزها
 بتجوز عليها ويقولها ان كان عاجبك وي تتحمل
 يا اما بيتها بيتخرب دى مش خصوصية
- مبنى بس فيه رجالة كثير مقهورة وتعبانة ومظلومة
- ليلى قطعوا الرجالة عمرهم ما بيتظلموا هم
 بيظلموا بس .

مفئش حد بيظلم حد غير لو الحد ده يستسلم
للظلم

(في هذه اللحظة بفتح باب الزنانة وتدخل السجنانة
في يدها كمية من المفاتيح تشخسح بيهم)

ياالله يا نسوان خشوا اعملوا زى الناس عشان
حاقفل عليكم الزنانة

مسنى (تنظر الى السجنانة فى غيظ) نسوان ايه يا ست
انت ؟ مش تهذبى الفاظك ؟

السجنانة مالها الفاظى نا دلعدى عايزانى اقول ايه
يا هوانم

مسنى ولا هوانم انت عارفة انتى بتكلمى مين

السجنانة ايه السفيرة عزيزة ولا الملكة فريدة ؟

سلوى خلاص انت عايزة ايه ؟

السجنانة انا مش عايزة حاجة انا كنت بس جابة اعمل
بأصلى واقول خشوا بيت الراحة قبل ما أقفل
عليكوا لكن خلاص حا أقفل والجرادل أهى
(تتجه السجنانة لتخرج سلوى تعترض
طريقها)

سلوى استنى شوية حانروح الحمام وبعدين ابقى
اقفلى

السجنانة لا بقى انا المفريت ركبى حاكم أنا ست
شرانية . ولما باتعصب ما باعرفش أبويا والشابة

ذى من ساعة ما جاك وهى معصبانى قال
رشوة قال هو انا لما اقولها اهرشى ابقى
باطلب رشوة

سلوى خلاص حرك علينا انا وقوللى انت
اسمك ايه ؟

السجانة وداد وبيلعونى بوده

سلوى طب نا ست وده لو سمحتى استنى شوية
لحد ما تدخل الحمام وبعدين اقفلى زى ما انتى
عايزة صوت صفارة التمام)

السجانة فات الميعاد نا عنية صفارة التمام ضربت ومادام
الهرش عندكو رشوة بالأذن مضطرة اقفلى عليكو
بالأذن يا جيبتى

تبعد سلوى عن الباب ثم تفلقه بالمفتاح فى غلظة
متعمدة ان تظهر سطوتها ليلى تجرى على الباب
تمد يدها كى تفتحه فى عصبية تصرح فجأة)

ليلى يعنى ايه ؟ خلاص باب الزنزانة اتقفلى علينا ؟

سلوى ما هو بيتقفلى كل يوم من سته المغرب لحد سته
الصبح

ليلى وبعد كده نخرج

سلوى لا طبعا احنا يدوب لينا فسحة صغيرة بره فى
الحوش لكن من حقنا نخرج فى المردده ونروح
التواليت .

يا مصيبتى يا مصيبتى يا مصيبتى يعنى أنا
دلوقت جوه السجن

ليلى

فى عتاب تنظر الى ليلي فى دهشة (لا بقى اللي
بتعمله ده هو اللي حايلينا نحس اننا فى سجن
فعلا وعيب لما احنا نعمل كده احنا ناس
سياسيين وعارفين اننا حانخش السجن فى اى
وقت

مسنى

انا بقى ياختى مش سياسية وماليش فى الكلام ده

ليلى

بأقول ايه احنا دلوقت لازم نهدى وخلص
اتقفل علينا باب واحد وفيه حاجات لازم نتكلم
فيها

سسلوى

انا محتاجة اسمعك لأن اول مرة اخش فيها
السجن

مسنى

بغنى انتو الاثنين اول مرة تخشوا وعشان كده
الليلة دى اصعب ليلة عليكو لكن من بكره
حا تتعرفوا على عالم السجن وحا تبقى تجربة
تعيشوا تحكوا عنها العمر كله

سسلوى

تجربة دى نصيبة وحلت على نصيبة نصيبة

ليلى

المصيبة الحقيقية بقى انك تقعدى تولولى كده

مسنى

جربى انه ياختى هو أنا نقصاكي بأولول
على حالى وعلى غلبى وعلى مرارى

ليلى

وبعدين يا جماعة مش ممكن تكون دى البداية

سسلوى

فأحدث عارف احنا حنفضل مع بعض هنا
قد ايه

تفى من بقك أنا لازم اخرج لازم تشج
بالكء وسلوى ترب عليها فجأة نسمع صوتا
آتيا من النافذة هو صوت المعلمة خوخة (

ليسلى

يا ست نا بتاعة الكتوبة

خوخة

مين ؟

سلوى

انا نا اختى بادحرج المسا نا حبيبتى

خوخة

اهلا وسهلا

سلوى

خدى الأسانسير باعته لك فيه هدية صغيرة على
ما قسم (نرى حبلا هابطا من أعلى على نافذة
الحجرة ذات القضبان سلوى تمسك الحبل نرى
مربوطا فيه كراسة وقلم وعلبة سجائر وباكوشاى
وكيس سكر)

خوخة

ايه ده ؟

سلوى

كراسة وقلم للكتوبة وعلبة السجائر تعدل بيها
دماغك والشاى والسكر لزوم المزاج والصحبة
الحلوة

خوخة

وهى تمسك الأشياء من الحبل أنا متشكرة
قوى يا

سلوى

: المعلمة خوخة جارتك ساكنة فى الجناح اللى فوقك

خوخة

سألوى (تقدم الأشياء لمنى وليلى وهى مستفرقة فى الضحك مش باقولكو تجربة شانفين زميلتنا فى السجن بتحيينا ازاي) ؟

منى زميلتنا ايه بس ؟ دى تلقىها حرامية ولا قتالة قتلا

سألوى ايا كانت المهم انها بتتصرف معنا من اول يوم بانسانية

(ليلي تضع بدها على بطنها)

ليلى طب الحقينى وقوللى اعمل ايه فى المصيبة اللي انا فيها دى ؟

سألوى فيه ايه ؟

ليلى عايزة عايزة اعمل تواليت

سألوى حالا حبيبتى حاضر لك تواليت

ليلى هنا

سألوى آه فى الجرادل

ليلى يا مصيبتى فى الجرادل

سألوى الضرورة لها احكام يا ليلي والمضطر يركب

الصعب الزنزانة حاتفضل مقفولة للصبح

حاتعملى ايه ؟ حاتفضلى تتلوى كده ؟

ليلى مقدرش جردل لا مقدرش مقدرش فجأة

يسمع صرخات مدوية) يا مصيبتى ايه ده ؟

- سلوى** تتجه الى النافذة (يا ست وده
السجانة من الخارج) ايوه عايزة ايه ؟
سلوى اسه الصريخ ده ؟
السجانة انصاف بتولد الهى زبنا ينتعها بالسلامة
سلوى طب ما تلحقوا تودوها المستشفى
السجانة الوجع جالها على غفلة وعدلات بتولدها
ليلى معقول معقول كل ده بيحصل فى السجن
سلوى مش بأقولكم تجربة غنية لازم نعيشها
منى يوه بس ده شىء مش حضارى معقول تولد فى
زنزانة مفياش اى تجهيزات
سلوى يا ما حصلت فى السجن قبل كده
تتجه الى بطانية تشدها)
منى حاتملى ايه ؟
سلوى حاعمل تواليب معتبر ساعدنى منى تساعد
سلوى وهى ترفع البطانية على الحائط ثم تشيتها
فى مسامير تدارى بها الجرادل ثم تشير لليلى وهى
مستفرقة فى الضحك اتفضلى يا مدام ليلى
التواليب جاهز
ليلى لا لا انا عمرى ما عملتها فى جردل
منى بصراحة ولا انا .

سلوى
انا بقى عملتها عن اذنكو (تدخل سلوى وراء
البطانية) صوت صراخ انصاف يعلو وسلوى
تخرج من وراء البطانية فى سرعة) ربنا ينتعك
بالسلامة

مسنى
دى مسكينة قوى الظاهر انها تعبانة (الصراخ يعلو
وليلى تتوتر ترفع يدها للسماء

ليلى
يارب (اصوات النساء آتية من الزنزانة العلوية
مع اضاءة الى اعلى ترى عملية الولادة وعدد من
المسجونات وهم ساعدن انصاف)

ص ١ شدى حيلك نا انصاف الطلق حمى نا حبيبتي

ص خوخة القرن طش يا عدلات ولا لسه ؟

ص عدلات لسه نا اختى فرجه قريب يا حبيبتي

ص خوخة لو بالنهار كنت جيت ولدتها لكن على عيني قفلة
الزنزانة

ص انصاف آه آه

ص عدلات نا كريم نارب الحمد لله القرن طش

ص ٣ ساعدى عيلك نا اختى ساعدى نا انصاف

ص عدلات راس العيل فى ايدى آهى ما تخدش نفسك
نا حبيبتي

نصاف تصرخ منى وليلى وسلوى فى حالة
ترقب معانا يا انصاف معانا نا اختى الطلقة
حامية ما تخليهاش تهوي منك

نفسك لتحت يا انصاف اكنمى نفسك يا حبيبتى
ايوه ايوه اصملى عليكى اصملى يا اختى
كمان كمان (صرخة مدوية من انصاف تعقبها
صرخة من المولود منى وسلوى يقبلون بعضهما
في حالة سعادة ليلى ذاهلة صراخ المولود
يعلو ويعطو في سكون الليل)

(فلام)

المشهد الرابع :

المكان

الزمان

الزنزانة

منتصف الليل وقرب الفجر

— اضاءة خافتة جدا لنتبين الزنزانة بصعوبة نرى
منى نائمة في السرير العلوى وسلوى نائمة في
المقابل لليلى ليلى تتقلب في فراشها ناظرة
الى ركن ما في الزنزانة

— فجأة تفتح فجوة من الحائط مع تغير الاضاءة
الى ألوان متعددة حتى تصل الى مستوى آخر
من المسرح تبين ديكور عبارة عن حائط به
رسومات فاقعة اللون الاضاءة فيه غير ثابتة

— مجرد ان تضاء الأنوار في هذا المستوى ترى
سليم الأنصارى قادما من الخارج فارع الطول
لامع الشعر في يده سلسلة تلفها حول أصبعه)

الصداع جبك نا ليلى تدخل من ورائه ليلى
مرتدية نفس الملابس التى كانت بها من البداية

سليم

ولكن قبل تمزيقها ليلي في كامل زينتها على كتفها
فراء غالى الثمن بمجرد دخولها تقذف به على
مقعد)

- ليلى
سليم
ليلى
سليم
ليلى
سليم
ليلى
سليم
ليلى
سليم
ليلى
سليم
ليلى
سليم
ليلى
سليم
ليلى
سليم
ليلى
سليم
ليلى
سليم
- غضب عنى نا سليم نا حبيبي آسفة جدا
(يواجهها) انه بقى حكاية الصداق اللى ما بيشرفش
غير لما نكون فى بيت الهام هانم ؟
(مرتبكة) انه ؟ هو مش صداق قوى يعنى هيه
دوخة كده
بابسامة صفراء) دوخة ؟ لتكونى حامل
كالأطفال) حامل ياريب
يضحك بقوة
محبطة بتتريق على نا سليم ؟
ابدا انا باضحك على الأوهام اللى أنت عاشة
فيها
أوهام مش ممكن ربنا
بحسم أنت عارفة ان مافيش فادة
باستلام آد عارفة
ولا نرجع نلف على كل دكاترة البلد تانى
لا لا مافيش فادة
بقى نلتف لشغلنا وما دام ما عندناش عيال
تبقى فلوسنا هيه عيالنا .

- ليلى
صحيح فلوسنا هيه عيالنا
سليم
ومش لازم نسمح لأى حد ياكل عيالنا
ليلى
آه طبعا
سليم
احنا فى زمن خسيس وابن كلب السمك الكبير
بياكل السمك الصغير والحيتان بتاكل الكل
ليلى
(كأنما تحتمى به ايوه يا سليم يا حبيبى
سليم
واحنا لازم نكون حيتان كبار عشان مانبقاش
سمك صغير
ليلى
لا بن حنبقى سمك صغير يا حبيبى
سليم
(تأملها بعمق للأسف انتى ولا حتى من
السمك الصغير انتى بسريانة
ليلى
يعنى انه بسريانة
سليم
حتى دى مش عارفها
ليلى
طب فهمنى علمنى
سليم
علم فى المتبلم نصبح ناسى
ليلى
ناسى انه يا سليم يا حبيبى ما انا باحاول
سليم
بس نت ما بتشوفيش الستات اللى قدامك
وابتتعليمش منهم ؟
ليلى
اتعلم منهم ايه ؟
سليم
: تتعلمى ازاي تبقى حوت .

أنا ما شفتش سنات شبه الحوت	ليلى
الهام	سليم
كانما تلقف صفة على رأسها (الهام	ليلى
عشر حيتان في بعضها أسد بيحكم غابة ست	سليم
من حديد غسل ولبن مصفى ست زى النار	
شوفى ارادتها شوفى عقليتها العبقرية	
(مستنفرة) اشمعنى الهام بالذات ؟	ليلى
لانى باحلم تبقى زيها	سليم
بتصلب (مش حاقدر أبقى زيها	ليلى
ليه ؟	سليم
لانى ما أحبش أبقى زيها	ليلى
ليه ؟	سليم
صارخة (مش حاقدر هتس حاقدر أبقى زيها	ليلى
بعنف) ليه ؟ ليه يا غبية ؟	سليم
بنظرة رهيبة معنى اخونك ؟	ليلى
مصدوما انه قلتى ايه ؟	سليم
تحاول السيطرة على نفسها) ولا حاجة	ليلى
انطقى حالا قلتى انه ؟ عن ستك	سليم
: ستى	ليلى

طبعاً الهام سب محترمة غضب عنك وعن أبوك	سليم
أنت بتشتمنى يا سليم ؟ ده انا عارفة كل حاجة وساكتة وبأقول لنفسى يا بت	ليسلى
مقاطعا عارفة عارفة ايه ؟	سليم
ولا حاجة ولا حاجة	ليسلى
لا انطقى عارفة ايه حاكسر عضمك حانسفك وماحدث حيعرفلك طريق جره نصفعها)	سليم
أنت بتضربنى يا سليم	ليسلى
وحاقتلك كمان لو ماقلتيش تعرفى ايه يشدها من شعرها)	سليم
آه سبنى سيب شعرى	ليسلى
انطقى يا حيوانة لأشرب من دمك والليلة تبقى آخر ليلة فى عمرك انطقى قولى عارفة ايه	سليم
متأللة) عارفة شقة المعادى هه	ليسلى
المعادى واهه كمان	سليم
وانكو بتتقابلوا هناك سيب شعرى بيوجمنى .	ليسلى
من اللى قالك ؟	سليم
مشيت وراك وعرفت .	ليسلى
: امتى .	سليم

الأسبوع اللي فات

ليلى

واية كمان قولى تعرف ايه كمان

سليم

تبكى (هوه فيه اكر من كده

ليلى

تبدو عليه علامات الراحة يترك شعرها
بتتجسسى على يا ليلي هيه دى آخرة العشرة ؟
بتمشى ورايا ضميرك سمح لك اسبوع وعاشة
معايا من غير ما تنطقى

سليم

وكاتمة فى قلبى وبأقول نا بت ضل راجل ولا ضل
حيطة وأديكى عاشة وكافية خيرك شرك
وما تخربيش بيتك بأيدك لكن ما دام وصلت انك
تضربنى يبقى خلاص لازم اخرب لها بيتها وحاروح
لجوزها وأقوله على كل حاجة وعلى وعلى أعدائى .
(ليلي تجرى الى الخارج سليم يشدها فى عنف)

ليلى

تعالى هناك يا مجنونة حاتعملى ايه ؟

سليم

حارب بيتها وأفضحها حاقول لكل الناس
على اللي بيتكوا

ليلى

يا مجنونة عاشة غبية وحشوتى غبية عاوزه
تضيهينى وتضيعى نفسك (تتخلص من بد سليم) .

سليم

انا خلاص خلاص فاض بى خلاص انا عملت
كل حاجة عشان ارضيك ده انا العمر كله واقفة لك
على شعرة من دماغى ده انا عمري ما قلتلك تلت
الثلاثة كام ده انا طول عمري قايده لك صوابى
العشرة سمع ده انت يا راجل يا ظالم يا مفتري

ليلى

فِي يَوْمِ بَصِيَّتِ لِي وَقَلْتَلِي أَنْتِي تَخِيثُنِي وَأَنَا بِأَحَبِّ
السَّتِ الرَّشِيْقَةِ غَضِنَ السَّالَ عَشَانَ تَمْشِي جَنْبِي
أَتْبَاهَا بِيهَا فِي السَّهْرَاتِ وَالْعَزُومَاتِ قَلْتَلِكِ حَاضِرُ
حَرَمَ نَفْسِي مِنَ النَّقْمَةِ وَبَقِيْتُ أَجْرِي كُلَّ يَوْمِ الصَّبْحِ
فِي النَّادِي وَأَلْفَ التَّرَاكِ سَبْعَ مَرَاتٍ وَأَرْوَحُ السُّوْنَةَ
وَأَعْمَلُ الْمَسَاجِدَ وَأَشْرَبُ مِئَةَ سَخْنَةَ عَ الرِّيْقِ . . . عَشَانَ
أَبْقَى رَشِيْقَةً لِحَدِّ وَشِي أَنْصَفْتُ وَبَقِيَ لَوْنُهُ
زَى الْكِرْكُومِ الْأَصْفَرِ وَبَقِيْتُ أَخْبِيهِ بِالْمَكْيَاجِ
وَاحْطَ بَدَلِ رَاقِ الْبَدْرَةِ عَشْرَةَ وَاحْطَ أَحْمَرُ
الْخُدُودِ التَّفْتَةَ الَّلِي بَلُونِ الدَّمِ عَشَانَ صَفَارِ وَشِي
يَسْتَخْبِي وَبَعْدَ دِهِ كُلَّهُ بِحَلْقَبِ فِي وَشِي وَقَلْبِ لَا لَا .
دِهِ أَنْتِي خَسِيْتِي قَوِي أَنَا عَايْرُكَ تَرْجَعِي كَلْبُوطَةَ
زَى مَا كُنْتِي وَوَشَكِّ يُوْرِدُ زَى زَمَانَ قَلْتَلِكِ عَنِيهِ
وَرُوحَتِ أَشْتَرِيْتُ مَرْبَةَ خَرَزَةَ الْبَقْرِ وَجَبْتُ الْقُرْطَاسَ
الَّلِي بِيْتَخَنُ السَّتَاتِ وَفَضَلْتُ أَكُلُ مَحْشِي وَبَطَاطِيسَ
وَمَهْلَبِيَّةَ وَهَرِيْسَةَ وَبِسْبُوسَةَ وَكُلَّ حَاجَةَ بِيْتَخَنُ
بَقِيْتُ أَكْلَهَا وَأَدْفَسَهَا لِحُجُوتِ وَأَقُولُ فِي نَفْسِي عَلَي رَايِ
أُمِّي أَلْفَ رَحْمَةٍ عَلَيهَا كُلِّ وَدَسَ لِحُجُوتِ إِنْ مَا نَفَعَشَ
سَمْنَةَ نَفَعُ قُوَّةَ لِحَدِّ مَا تَخَنْتِ وَبَقْتُ أَمْشِي زَى
التَّخْتِرُونَ وَأَقُولُ لِلْأَرْضِ إِيْتَهْدِي مَا عَلَيْكَ قَدِي
وَفَجْأَةً لَقِيْتِكَ بِتَبْصَرِ لِي وَتَقُولِي التَّخَنُ قَصْرُكَ
وَكَعْبْرُكَ قَلْتَلِكِ مِنْ عَنِيهِ حَاطُولُ عَشَانَ خَاطِرُ عِيُونِكَ .
(فَجْأَةً تَتَغَيَّرُ الْأَضَاءُ وَتَخْتَفِي الطَّاقَةُ الْمَفْتُوحَةُ فِي
الْحَائِطِ وَنَرَى لَيْلِي جَالِسَةً عَلَي سَرِيرِهَا فِي الظَّلَامِ
وَلَكِنَّا نَنْهَضُ فِي عَصِيْبِيَّةٍ وَهِيَ تَتَكَلَّمُ وَكَأَنَّ سَلِيمَ
لَا يَزَالُ إِمَامَهَا .)

وجبت عقلة في البيت وكل يوم كتب أمسكها وأفضل
أشد في جسمي ليلي تمثل شد جسمها على
العقلة) لتحت لفوق لتحب لفوق عسان أطول
وأعجبك وأقول في نفسي مش مهم التعب المهم أرضي
جوزي عايزنى ربيعة أرفع عايزنى تخينة أتخن
أرفع أتخن أقصر أطول أتخن أرفع
أطول أقصر وده كله ومش عاجبك يبقى عليا
وعلى أعدائي وحاروح أقول لجوزها وحارح بيتها
صوت سليلي

يبقى أنا حاكسحك قبل تخرجي صوت
ضرب سليم المتوحش لليلي وليلي تصرح تنهض
سلوى في فزع ومنى أيضا تنهض وتهبط من على
سريرها منى وسلوى ييطان بليلي ليلي
ما زالت تصرح)

ص سليم

ليلي اصحى يا ليلي

سلوى

مالك يا ليلي

منى

ليلي تنهض تشيخ بوجهها حزن وأسى)

انه ده انب كنتي بتعلمي

منى

لا ده مش حلم ده كان كابوس منى تحضر
لها كوب ماء)

سلوى

طب خدى اشربي بان تروقي ليلي تنهض
تجري على الباب تحاول فتحه وهى تصرخ

منى

- ليلى** أنا عايزة أخرج من هنا عايزة أخرج صوت
المفتاح في الباب ثم نفتح وتدخل السجانة وده)
- السجانة** المعلمة الكبيرة قوى قوى المعلمة خوخة جانة
تصبح
- تدخل المعلمة خوخة وهى فى الأربعين طويلة
عريضة كحيلة العينين)
- خوخة** يا صباح الورد والريحان على الستات الجدعان
- سلاوى** اهلا وسهلا اتفضللى خوخة تشير بيدها
للخارج)
- خوخة** خشى يا ب خشى يا مهلبية تدخل فتاة
بيضاء سمينة تحمل صينية عليها براد الشاي
واكواب الشاي باللبن الحليب الف هنا وشفا
ومن النهاردة طلباتكو من عنيه الاتنين أنا تحب
أمر بتوع السياسة والكتوبة أنا تحب أمر الناس
الهلايف وحببىتى مهلبية الحلوة القمر دى
تحب أمركو انتو تأمروا وهى تنفذ
- سلاوى** على فكرة احنا متشكرين على الحاجات اللى
نزلتيها لنا امبارح
- خوخة** لا شكر على واجب يا حبيبى انتى تأمرى .
- سلاوى** هو حضرتك قضيتك ايه ؟
- خوخة** مزاج
- سلاوى** مزاج ايه يعنى ؟

مخدرات بس مش أنا اللي كنت بتاجر فيها
لا ده جوزى مصطفى اللوندى تاجر كبير
ومشهور قوى ماسمعتيش عنه

هه لا سلوى

لا ازاي دي الجرائن نامة كتبت عننا بالك
يوم ما جم قبضوا عليه أنا هربته وشلت القضية
بداله وغلاوتك

ازاي يعنى منى

البضاعة كانت مالية اليب طب البوليس هرب
جوزى وقلب دي بتاعتي أخذت فيها مؤبد

مؤبد سلوى

امال اسيب جوزى حبيبي ابو عيالى عشرة عمري
يضيع هو فيها لا ده فاتح بيوت ويصرف على
رجالته ولازم هو بفضل بره وأنا مش مهم أبقي
جوه وأهو مهينى فى السجن وصارف عليا بدل
الجنيه الف ده انا عاشة هنا عيشة ملوكى

بمعنى انتى مش تاجرة حشيش ؟ سلوى

لا يا حبيبتى انا كودية زار خوخة

زار ؟ منى

آه يا شابة ان كان جتتك متلبسة أنا تحب
أمرك . خوخة

مبنى

لا لا أصلى بأعمل بحث عن الزار كموروث
شعبى وبأبحث عن جذوره وأصوله ومن امتى
ابتدى بالطبط

خوخة

خلاص المعلمة خوخة تدلك على كل أسرارها ابقى
اطلعي لى جناحى فوق وأنا أحكى لك على كل
حاجة جناحى أبهة التلفزيون والتلاجنة
وأى شىء تشتهي الأنفس تلاقيه عندى ليلنى
حالسة ساهمة وخوخة تريث عليها) مالك يا شابة
سايبة الهم راكز على قلبك ليه ؟

ليسلى

هه لا لا أبدا

خوخة

أبدا انه ما أنا بلعنى اللى حصل امبارح لما الست
بتاعة الأبيض زعلتك

ليسلى

مين ؟

خوخة

اللى ما تتسماش اللى اسمها الهام ومقبوض عليها
بالسم الأبيض الهارى

مبنى

قصداك هيروين

خوخة

وجبت أخبارها من ساسها لراسها بتشتغل
لحساب تاجر كبير كان زمان بيشتغل فى الأسود
ويبتاجر فى الأبيض دلوقت

ليسلى

اسمه انه ؟

خوخة

لا احنا ولاد كار وما أحبش أطلع الأسرار
صحيح احنا مانحبهمش لأنك احنا الأصل لكن
برضه احنا عندنا أخلاق .. بس يكون فى علمك

لو الست دى زعلتك تانى أنا اكسحهاك أنا
أعز بتوع السياسة قوى أصلهم نسوان جدعان
ومن دلوقت كل طلباتكو أنا مسؤولة عنها
عايزين تهربوا أوراق أنا فى الخدمة عايزين تدخلوا
ممنوعات أنا فى الخدمة عايزين رادسو
كوتشينة تتسلوا برضه أنا فى الخدمة حبيبتى
مهلبية تهرب لكم أى حاجة فى العيش بس
انتوا اطلبوا

احنا مشكرين قوى قوى

سلوى

تمد ندها بشى وتعطيه لسلوى يبقى فتك
بعافية وحدى الهدنة البسيطة دى حاجة كده على
ما قسم

خوخة

اسه ده ؟

سلوى

قرش حشيش ماركة خد الجميل ما تلاقيش منه
فى السوق أبدا مصطفى اللوندى جوزى هو بس
اللى شغال فيه

خوخة

لا لا متشكرة

سلوى

لا ليه اعدلى دماغك نا اختى عشان الكتوبة

خوخة

معلش بلاش متشكرة

سلوى

بشوقك ويالله نا بت نا مهلبية يو كنت
حانسى أنا جايبالك جرنال امبارح وأول امبارح
وأول وأول كمان . تخرج الجرنال من
ملابسها) .

خوخة

- سلاوى** ايوه هى دى الخدمة اللى انا طلباها منك كل اشوف الجرائد
- خوخة** طلباتك اوامر حيبى تخرج منى تشد جريدة وسلاوى جريدة ويقرآن فجأة تنهض سلاوى فى فرع)
- سلاوى** با ولاد الكلب با سفلة
- ليلى** فيه به ؟
- سلاوى** مش ممكن مش معقول
- منى** ايه فيه ايه ورينى
- سلاوى** تصورى منى تصورى قال احنا متهمين فى قضية تخابر
- ليلى** تخابر تخابر معنى ايه
- سلاوى** معنى جواسيس لحساب جهات اجنبية
- ليلى** اسمى مكتوب
- سلاوى** ايوه
- ليلى** تنظر فى الجرنال) با مصيبتى انا ضعت دلوقة سليم نقراه
- سلاوى** احنا فى سليم دلوقة ولا فى المصيبة دى
- منى** احنا نبع احتجاج للنائب العام ونرفع قضية فوراً على الجريدة دى تصورى اسمى واسمك فى قضية واحدة وانا اول مرة اشوفك ،

ليلى
نا مصيبتى أنا ضعت ضعت لو سليم قرى
الخبر حانعمل فى ايه ؟

سلاوى
حانعمل فيكى ايه اكر من اللى عمله هو مش
رقعك علقه ومدشدشك أهو

ليلى
هامسة الهى ننضرب فى ابده ويتشك فى قلبه

سلاوى
بتقولى ايه ؟

ليلى
باقول عايزة أخرج من هنا أنا لا لى دعوة بيكو
ولا باللى اسمه ايه ده التخابر السجانة قادمة

السجانة
السم لىلى مختار

ليلى
انا فيه ايه ؟

السجانة
كلمى المأمور

ليلى
ايه يبقى حاخرج نا سلاوى

سلاوى
افى خوف مصيبة احسن نكونوا قبضوا على
أمينة

ليلى
يا رب

السجانة
بالله نا شابة كلمى المأمور

تراجع سلاوى انا خافه ما تسبينيش
تعالى معانا

سلاوى
ماقدرش طبعاً روحى انتى شوفى المأمور
عايزك ليه وتعالى طمننى لىلى فى قلق وارتمالك

تخرج منى تنظر الى سلوى وقد بدأ عليها
القلق

منى مالك يا مدام سلوى

سلوى قلقانة قوى على ليلى

منى ؟ مش يمكن حاتخرج ؟

سلوى لا هاتخرج كانوا قالوا لها على طول

منى برضه مش فاهمة حضرتك قلقانة عليها ليه ؟

سلوى ليلى طيبة وطول عمرها مجرد سب بيت

ومتجوزة راجل العوبان وممشيها زى ما هو عايز

منى بعنى فعلا هى مالهاش فى السياسة

منى نهائى

منى امال مقبوض عليها ليه ؟

سلوى كانت بتزورنى والمباحث طب

منى وحضرتك خافعة عليها قوى كده ليه

سلوى المباحث تستغلها

منى طب كنتى نهميها

سلوى لما نرجع فعلا لازم اتكلم معاها وأفهمها

وخصوصا انا قلقانة من اللى اسمها الهام ..

(ليلي تدخل في هدوء وقد بدا عليها الحزن الكثيف
حقيقية ملابسها في يديها تنظر في صمت سلوى
تجرى عليها

ليلى فيه انه ؟ الأمور كان عايزك ليه ؟

تضع الحنينة على الأرض وتتمتم سليم باعت
لى هدمى

باعتك هدمك

وطلقنى

ليلى

سلوى

ليلى

المشهد الخامس :

المكان

فناء السجن

الزمان

الساعة نية عشرة ظهرا

بمجرد اضاءة المسرح نرى عددا من المسجونات
متفرقات هنا وهناك ليلى وسلوى جالستان في
ركن الساحة ليلى متكورة على نفسها في حزن
تبكى في تشيخ مكتوم ساوى تلاحظ هذا تريث
عليها في حنان

مسلموى

وبعدين نا ليلى مش كفاية عياط بقى

ليبيسا

ن وشجيرة مش قادرة اصدق اللى حصل
معقول في غمضة عين حياتى كلها تتلخبط كده
معقول معقول العشرة دى كلها تهون على
سليم بالمساطة دى جاب لى شنطة هدومى
وطلقنى معنى خلاص كل شىء بيننا انتهى طب
كان يستنى لما اخرج وبعدين يطلق زى ما هو
عايز .

ما يقدرش	سلوى
ما يقدرش ؟	ليلى
طبعا ما هو اللى عمله ده اعلان موقف	سلوى
(فى دهشة) يعنى ايه اعلان موقف	ليلى
خاف طبعا على مصلحته انتى مش بتقولى انه	سلوى
راجل أعمال وعنده مشاريع وشركات فى كل	
مكان	
وافرضى نقوم بيعنى فى غمضة عين	ليلى
عشان يشتري نفسه	سلوى
نسمع زغرودة آتية من عمق المسرح لواحظ قادمة	
بملابسها العادية تحمل حقيبة ملابسها شعرها	
مسدل على كتفها ووجهها مصبوغ بالمكياج سنينة	
وهند يسكانها من ذراعها وهما يقنيان)	
اتمخبرى يا حلوه با زينه نا ورده من جوده جنينه .	سنينة
تقرص لواحظ فى ركبتها فى مرح افرصك فى	هند
ركبتك ممكن احصلك فى جمعتك	
أمنك امانه نا لواحظ اول راجل يقابلك بره	سنينة
تبوسيه وتقوليله البوسه دى من ثوانى أنس	
الليالى	
يبقى جوزى ما هو اول راجل حا أقابله (لواحظ	ز لواحظ
تمر على ليلى وسلوى عقبالكوا يا ستات	

دا السجن مهما يطول مسيرنا نقوله باى باى
يا غسل

سألوى

مع السلامة يا لواحظ

السجانة

ياالله نا بت نا لواحظ أحسن جوزك بره واقف
مستنى بالطبل والمزمار

لواحظ

طبعا لازم يزفنى وأنا خارجة له ما أنا شريفة
وعفيفة

سنية

طب ياالله بالله باحرامية نا بنت الحرامية

لواحظ

حرامية آه نا حبيبي بس بشرقى وعمر
ما حد قرب من جتتى ولا حتى لطنى

سنية

(تضربها فى مرج) طب اخرجنى بقى بدل ما اخرجك
على نقالة الجميع يضحكون تظهر خوخة

خوخة

الحمد لله انى لقيتك يا لواحظ لانى عايضة منك
خدمة

لواحظ

عنيه بالمعلمة

خوخة

خدى ده عنوان بيتى تروحي لصياني تقابلى
الواد الدوكش وتقويله فى الزيارة اللى جاه
يجيب بندق ولوز وملبس عشان نعمل سبوع لابن
انصاف

سنية

حانعملى لابن انصاف سبوع

خوخة

طبعا حاخذ أمر من الادارة وحانعملها سبوع
مفيش كده .

عقبالى يارب لما اجيب الواد عصفور ونعمل له
سبوع

هند

انتى بتحبى يا هند

منى

آه باحب واد نشال وتاب

هند

جايه ابوسك يا لواحظ لانى ما عدتش اشوفك
تانى (عدلات ولواحظ يقبلان بعضهما

عدلات

ليه بعد الشر اول ما تخرجى تيجى تزورينى
وعنوانى هنا مع سنية

لواحظ

لا يبقى نتقابل بعد عمر طويل فى الآخرة
بقى

عدلات

يا وليه نفى من بقك حاتاخذى من مؤيد انشاء
الله

هند

يا الله نا لواحظ يا الله نا بت بلاش عطلة

السجانة

(سنية وهند تخرجان وراء لواحظ حتى آخر
الساحة وهما يزگردان كل واحدة متجه الى ركن
الساحة

عقبالك لما تخرجى نا ليلى ليلى فى سخريه
ومرارة)

سلوى

أخرج هى ده كان حلم امبارح لكن انهارده
حأخرج أروح فىن أنا ماليش الا خالة عجوزة
فى اسكندرية ويدوب بتأكل نفسها اخص عليك
يا سليم لكن اخص ليه هو أنا حاسكت
له لايمكن ده أنا لما أخرج حاطرقها على دماغه.
ده أنا يامه صبرت على فقره لما أظهر وأطرد من
المباحث .

ليلى

سلوى

بعضى هو كان اطهر من المباحث مش استقال
زى ما قلتى

ليلى

كنت بخبي عليه وانحملت أيام معاه أسود من قرن
الخروب لكن ما طمرش تظهر شفيقة راقصة
وهى تردد)

شفيقة

حببت اتخيمت قتل ارتاح

ليلى

انا كمان حببت واتخيمت بس ما قتلتش
لكن اتقتلت تظهر منى قادمة من بعيد ترتدى
ملابس الألعاب الرياضية تجرى فى خطوة رياضية)

منى

ايه ده انتوا قاعدين هو مش كفانة قفلة
الزنازة علينا طول الليل بالله قوموا قوموا معنا
هى دى مش فمحتنا اليومية بمقى بالله بالله
نلعب شوية رياضة منى تتحرك فى سرعة وحيوية
وهى تقوم بالألعاب الرياضية)

ليلى

والنبي انتى فايقه

منى

فايقة دى تبقى خالتى ها ها ها ها بالله نا مدام
سلوى وانتى يالله نا ليلي يالله يالله شوية
رياضة) تحاول أن تشدهم فتنهض معها سلوى
أما ليلي فترفض)

سلوى

حاتفتكرينى بشبابى نا منى

منى

الرياضة هى الشباب الرياضة بتحرك الجسم
بتفتح العقل بتوسع الشرايين بتخلى البنى آدم
يفكر تفكير سليم .

قطع سليم واسمه	ليسلى
يالله يالله هيله هوب واحد اتنين واحد اتنين سنينة تهمس لهند تشير الى منى)	منى
دى مين الشابة دى ؟	سنينة
ايراد جديد من بتوع السياسة	هند
تشير لسنينة وهند لينضموا اليها فى اللعب يالله معانا كله كله بلعب رياضة	منى
سنينة تتقدم من منى تحاول أن تلعب رياضة مثلها غير أنها تهز وسطها راقصة	
يا خسارة لو البت صرصاره هنا كانت لعبت معانا	هند
ربنا يرجعها من المحكمة مجبورة الخاطر (شفيقة تنظر الى ما يحدث فجأة تشترك معهن فى اللعب ولكنها تردد)	سنينة
حببت اتخيمت قتلت ارتاحت الجميع لعبون رياضة كما تشير لهم منى)	شفيقة
يالله شدوا الجسم افردوا الصدر دقوا الأرض بالله هيللا هوب واحد اتنين واحد اتنين خوخة تقرب من المجموعة تضحك فى مرح)	منى
يا حلاوة . ده زار الناس الهيلايه	خوخة

مسمى معانا نا معلمة معانا خوخة تحاول أن تلعب
هي الأخرى غير أنها تتوقف)

خوخة لا أنا بعد دوية حادق الدقة اللي هي وأوريكي
اللعب على أصوله

سمنية ايود نا ابنتي دقي لنا النهارده دقة الجن
الأحمر أحسن أنا حاسه بجسمي مولع نار
سنية ترقص وهي تردد كلماتها على طريقة
شفيقة عابزة أفقر أتهد أنام

خوخة لو المزاج شعث حادق لكم دقة الجن الأحمر
ورومي نجد كمان

مسمى بالله شهيق زفير شهيق زفير
(الجميع سسمعون كلام مني وينفذون ما تأمر به
ساوى بجوار ليلى تريث عليها)

سلى حاولى تفوقى نا ليلى حاولى

مسمى دلوقت حاتفنى حاتفنى واحنا بنلعب أنا
حاقول وانتوا قولوا ورانا منى تبدأ فى الغناء
ولتكن أغنية صباح الخير على الورد المفتح فى
حناين مصر فى هذه اللحظة نسمع صراخا من
الخارج صرصاره قادمة تولول سنية وهند
بتوقفان عن اللعب)

سنيه النسوان رجعت من المحكمة
هند البت صرصاره بتصوت تبقى المسكينة أخذت حكم .

(منى تتوقف عن اللعب الجميع يتجهون الى
الصراخ صرصاراً تصرح وهى تردد)

سبع سنين سبع سنين تلطم خديها

صرصاراً

تتجه اليها تأخذها فى حضنها وتريث عليها
حبيبتي يا أختى يا حبيبتي سبع سنين
بحالهم . سبع سنين

سنيبة

أهدى ب صرصاراً وبكره سنة ورا سنة
وتطلى

هنسد

لا أنا حاموت نفسى لكن أعيش فى السجن سبع
سنين لا

صرصاراً

تحاول أن تجرى غير أن خوخة تشدها)

تأخذها فى حضنها طب بس بس وبطلى
صريخ واز من بكره حاقوم لك واحد محامى
بعملك استئناف

خوخة

مفيش حاجة عادت تنفع دى خامس سابقة لى

صرصاراً

تنظر فى دهشة ورعب وتسال خامس سابقة ؟
معقول ليه ؟

سنى

دعارة بعد عنك

خوخة

تلطم خديها) ده أنا كنت نوبت وحبيب
واتجوزت واستت لكن المكتوب ما منوش مهروب
واللى جرى لى المرة دى جرى من ميالت بختى
الأسود جرى لجل أعيش العمر كله ملطوطة أنا
كان مالى . أنا كنت فى حالى كافية خير شرى

صرصاراً

وحا احكى اللى حصل مش حا أزود غير النفس
ولو القاضى مصدقنيش صدقونى انتوا
فى يوم أسود ما طلعلوش شمس كنت خارجة
رايحة بنزيون اجيب فوط وملايات قابلت سناء
صاحبتى من أمام الشقا لسه بابوسها كده
لقيتها سخنة ومفرقة يا بت خارجة ليه وانتى
سخنة كده قالت لى متزينة على تلميذ عربى
ولو ماروحتلوش حاجيب واحدة غيرى صعبت
عليا ادتها خمسة جنيهه وقلت لها روحى انتى وأنا
أروح استسمحه وروحت عشان استسمحه
شخط فيا وقالى لو قلبك على صاحبتك قومى بالمهمة
بدالها عشان ما اجيبش واحدة غيرها فكرت شوية
وبعدين قلت فى نفسى وماله أهى مرة تروح لحالها
ولا من شاف ولا من درى لكن المقدر والمكتوب
كان ورانا بالمرصاد وكانت ساعة بحس نا دوب
قلعب هدومى بوليس الآداب طب حلفت ألف
يمين انى شريفة وعفيفة ومش مومس لكن
التلميذ راح القسم واخذوا شهادته وقال انى
مومس وطبعاً جوزى جه وسمع وطلقنى
فى القسم وادنى اترميت فى السجن لأن المكتوب
ما منهوش مهروب بس أنا مش مومس أنا
مش مومس أنا ما اتولدتش مومس ده أنا
كنت بنت حاوة شعرها ناعم ومسبب كنت فى
المدرسة وبالبس مريلة تيل نادية وباحط فى شعرى
فيونكه حمرا أبويا كان بيحبنى وأمى كانت

بتموت في بنتهم الوحيدة التي طلعوا بيها من
الدينا ويوم ما جرى اللي جرى كتب يدوب
طالعة لى النبقة في صدرى وفرحانة بنفسى ويوم
امى ما شافتها زغردت وقالت بنتى كبرت وبقت
عروسة ابوبا قالها لا قبل ما تبقى عروسة تتعلم
وتطلع ابله الكل كان فرحان بيا وانا فرحانة
بنفسى لحد ما ما جاء اليوم اللي اللي تنظر
الى الجميع في ذعر ورعب وهى تسمع صوت
طائرات وقنابل اللي الطيارات كانت في السما
بتضرب بورسعيد الطيارات كان بتنظر علينا
قنابل والرصاص كان في كل مكان دب دب
دب تقلد الضرب بالرصاص ودخلنا المخبأ
واستخيب في حضن امى وجنب ابويا وفجأة
فجأة مادرتش بحاجة فوق لقيت امى وابويا
تحب الألقاض صرخ صرخ لقيت اللي اخدنى
في حضنه وقالى ما تخافيش انا معاكى جنبك
وانا وانتى بس اللي عاشين خشى في حضنى
خشى سمعت كلامه واستخيبت جوه حضنه
وفجأة حضنى بالجامد فرتك عضمى وكل
ضلوعى صرخ ماسمعنيش صرخت كتيم
نفسى صرخ كتفنى صرخ صرخت لحد
ما توهدت ومادريتش بنفسى ولما فوقت لقيتني في
المخبأ لوحدى وقال انه انا عاشة عاشة
ده انا موت موت وادفنت ادفنت مرتين مرة
لما لقيت دمي سايح بين فخادى ومرة

لسا اتهجرت وجيت مصر مقهورة ومكسورة
 كان بيتهدألى انى حالاقى اللى يفرودوا لى درعاتهم
 دلموا جروحي بحضونى ويطببطوا على ويدفونى
 لكن لكن با خسارة ويا الف خسارة مالمقتيش غير
 الشارع والخسارة هم اللى ضمونى لحد
 ما (تصرخ) سبع سنين سبع سنين (يغمى على
 صرصاره سنية وهند يحملانها ويدخلان بها الى
 عمق المسرح تخفف الاضاءة منى وسلوى يمشيان
 الى الداخل ليللى تنهض فى بطةء لتمشى
 نحوهما أن الهام تعترض طريقها)

الهام

ليللى نا مش عارفة انه اللى رماكى
 بودة دى يا حبيبتي عملتى فى نفسك
 كده تعصى أوامر جوزك وتروحي عند اللى
 سمها دى ويجرى لك اللى جرى ولسه مين
 عارف الحسية دى حاترسى على انه (ليللى تنظر اليها
 فى احتقار) ما أنا عرفت كل حاجة ما أنا اتقبض
 على بعثتكى باربعة وعشرين ساعة . كنت فى المطار
 يستقبل ناس قرايبى حتى سليم جوزك هو اللى
 لى مسمى هنا وجراالى اللى جرى
 من هنا ما نسب بفعوه عككت على وشيلتنى
 شنطة قال انه على ما تخش التواليت وبطبية قلبى
 أخذتها منها وفجأة لقيت البوليس بيمسكنى قال
 الشنطة مليانة ممنوعات . بودة اللهم احفظنا .
 بس أنا اديتلهم اوصاف البنت واكيد حايمسكوها
 ويفرجوا عنى أنا وبناتى لكن انتى يا حبيبتي

اللى غلطتى غلطة فظيعة سليم حكاى كل اللى
حصاك واننا قتلته سامحك ومايزعلش منك
واهى غلطة وتروح لحالها ويالله بقى نا ليلى ربنا
سستر وتطلعى م القضية بتاعة التخابر دى على
خير انا عارفة انك مظلومة ومالكيش فى الطور
ولا فى الطحين ليلى ما زالت تنظر الى الهام
باحتقار جرى ابه نا انتى ما ردش علينا
ليه ؟ اوعى تكونى لسه مصممة انك ما تعرفينيش.

ايوه ما أعرفكيش ومش عايزة أعرفك

تخونك آخر عزومة كتب عاملاهاك انتى وسليم
بيه رجل الأعمال سان عقد اكبر صفقة تمت بين
جوزك وجوزى فاكره ليلى فاكره ليلة
كنا فيها سوا فاكره والا الكلام يوم اللى قضيتهم
فى السجن مسحوا عقلك وخاوكى نسيتهم لكن
لو نسيتهم أفكرك

تفكرينى بابه ؟

بالصداع اللى فرتك دماغك

انتى عايزة منى ابه داوقت

عايزة أقولك انى عرفك حاجة وعرفت جوزك
رفعلك علاقة ليه حضرتك كنتى عايزة تخربى
وتقولى لجوزى مش كده

ممكن تسكتى خلاص كل شىء راح لحاله

لا نا حبيبته انتى لازم تسمعينى وبهدوء أنا
اننا قلبى عليكى يا ليلى ومن زمان عايزة أقولك

ليلى

الهام

ليلى

الهام

ليلى

الهام

ليلى

الهام

ليلى

لا تقوليلى ولا اقولك وانا مش عايزة اسمعك
خالص

الهيام

ليه عشان الغيرة عامية قلبك ومش مخلياكى تفكرى
غير فى ان فيه علاقة بينى وبين جوزك

ليلى

تنكرى ان فيه علاقة بينك وبين جوزى وانتى ست
متجوزة ؟

الهيام

لا نا حبيبتي ما انكرش

ليلى

بعنى بتعترفى اهو ان فيه علاقة بينك وبين جوزى .

الهيام

علاقة بيزنيس نا حبيبتي مصالح متبادلة عمليات
وصفقات فى مصر وبره مصر كمان وانتى اكيد
عارفة

ليلى

انا ما اعرفس اى حاجة

الهيام

ازاى بقى امال العز والأبهة اللى انتى فيهم
دول منين مش من الشغل اللى بينى وبين
جوزك انتى متصورة الفيلا اللى على البحر اللى
عاشمة فيها دى منين والثلاث عربيات اللى
عندكوا والسقتين اللى فى المعمورة والشقة اللى
فى باريس والبيت اللى فى اليونان كل ده منين
مش من شعلنا مع بعض وانا عارفة ان
جوزك مثلا كاتب معظم املاكه باسمك عشان
يهرب من الضرائب وكاتب عليكى وصل امانة
بكل اللى كاتبه باسمك عشان لو فتحتى بقك
يودنكى فى ستين داهية يعنى انتى مشتركة معنا
أهو فى كل حاجة .

ليلى

مقاطعة في انهيار) طب بس بس ماتكلميش

الهيام

لا لازم اكمل ده لسه الزيد لسه الكلام المهم
لازم تعرفى يا حلوة انى انا عارفة انك انتى عارفة
ان انا وجوزك على علاقة من زمان وانتى ساكته
وبتقولى فى نفسك اهي عيشة وضل راجل
ولا ضل حيطه وبصراحة انا طول عمري بأقول
عليكى انك سب عاقلة بتخافى على بيتك ومش
عايزة تخربى بالضبط زى جوزى.. عارف كل
حاجة من تحب لتحت وأنا عارفة انه عارف
وهو عارف انى انا عارفة انه عارف لكن ساكت
عشان ما يخرش البيت وخصوصا ان فيه عمليات
كثيره وكبيره بين جوزى وجوزك يبقى لو اتكلم
بضيع ولانه راجل عاقل ساكت لكن انتى بقى
خرجتى من طوعك وقال انه كنت عايزة تقلى عليها
واطيها وتروحي تقولى لجوزى عشان تخربى بيتى
وعشان كده سليم اضطر يرفعك علقه عشان
يفوك (فجأة ليلي تصرخ فى وجه الهام)

ليلى

بس بس خلاص مش عايزة اسمعك امشى
من قدامى غورى من قدامى

الهيام

بس كده من عنيه حا امشى من قدامك بس
حا ادفعك التمن غالى الهام تمشى غير إن ليلي
تستمر فى الصراخ خوخة قادمة عليها)

خوخة

مالك يا حبيبتي عملت فيكى ايه بتاعة الأبيض
دى . قوليلى وانا افسخها لك واكرها حتتين

(يتحول صراخ ليلي الى تشنج سلوى ومنى
قادمتان بسرعة وايضا شفيقة وسنية وهند)

اه ده مالك يا ليلي

سلوى

(تأخذ ليلي في حضنها وتهمس في أذنيها ببعض
الكلمات بسم الله الرحمن الرحيم اسم الله
يا أختي اسم الله

خوخة

مالها فيها ايه ؟

مسنى

اطمئنوا عرفت اللي فيها دي ملطوطة نا حبة
عيني

خوخة

ملطوطة يعنى ايه ملطوطة

مسنى

حا أقولك نا حبيبتي حا أقولك هي ملطوطة بانه
جن جاز العريى والا الحبشى

خوخة

ما تدقى لها والنبي نا ابلتى

سنية

نالله نا نسوان كل واحدة تجيب اروانتها وتعالوا
ساعدونى نفوق الشابة (الجميع يجرون الى الداخل
في سعادة سلوى تحاول ان تبعد خوخة عن
ليلى)

خوخة

سببها لو سمحتى

سلوى

اسببها ازاي ده حتى يبقى حرام معقول اسبب
الأسبياد تتحكم فى جنبها . لا يا أختي لازم ارضيهم .

خوخة

ليلي تتلوي في تشنيج حاد مني وسلوى بنظران
بدهشة ده الظاهر عليها الجن الأحمر

سساوى جن احمر انه بس

خوخة وجايز كمان يكون الأمير رومي نجد دستور
دستور شفيقة تتقدم من خوخة)

شفيقة لا أختي ده الظاهر انها الست رينه ام الوجهة
العظيمة

خوخة لا لا نا شفيقة ده اكيد عبد السلام الأسمر

شفيقة وياه ما يكونش حكيم باشا

مسنى كل دول عفاريت

خوخة تشهق بسم الله الرحمن الرحيم دستور
نا أسياى سامجوها ما تعرفش واللى
ما يعرفش ما تلمش السماح نا أهل السماح
ما تقوليش تانى مرة نا شابة عفاريت دول أسياى.

سساوى تشد ليلي في عنف قومي من هنا يا ليلي
(ليلي وقد زاد تشنيجها)

خوخة حرام علمكى نا شابة سبها احسن اللى فيها يجى
فيكى

سساوى تنتفض خوفا ثم تشير الى منى في حيرة) منى
ساعدينى نشيل ليلي سوا وندخلها الزنانة هي
مش حمل الخرافات دى .

الزار مش خرافات

مبنى

ايه ؟

سلوى

ده طقس شعبي تراث بقالة سنين وسنين وكل
الرقصات الجديدة امتداد للزار وأنا عايزة أنفرج
في هذه اللحظة تدخل المسجونات بحملن أواني
الطعام)

مبنى

احنا جاهزين نا ابلى

سنية

ترزق بصوت على) يا ملوك الأرضية لجل النبي
تردوا عليه ساعة ما وقعت أنا وانكفيت مالمقتش
حد سمى عليا دول قيذوني قيد حديد وعملوا
عليا دورية ساعدوني فكوني ملوك سابع
أرضية تبدأ المسجونات في الدق على الصواني
يرتفع الاقاع مع كلمات خوخة التي تعلق مع
الدق ثم تتحول الكلام الى غناء له لحن
مميز)

خوخة

بنات الهندزة حلوة وجميلة في المدرسة ست
الهوانم يا روكشة حلوة ودلوعة يا روكشة
(ليلي مستمرة في تشنجهاء . خوخة تغير من اللحن)
منزويا بابا منزو ريما نا باشا ريمة (عدد من
المسجونات يدخلن حلبة الزار يرقصن رقصات
محمومة ليلي ما زالت متشنجة تجلس شفيقة
على الأرض وتأخذ ليلي على صدرها ثم تخلع
طرحتها وتضعها على رأسها ثم تحاول مساعدة
ليلي لكي تنهض ولكن ليلي ترفض أن تنهض) .

خوخة

غيري يا خوخة . غيري الدقة ياختي .

شفيقة

تغير اللحن بلحن آخر) يا سفينة البحر يا عوامة
يا سفينة البحر يا غدار تنهض ليلي وتبدأ
الرقص ويرتفع الايقاع منى تدخل فى وسط
الراقصين ولكنها ترقص الرقصات الحديثة
سلوى مشدوهة لما يحدث والجميع يندمجون
بالرقص يرتفع الايقاع يرتفع حتى يصل
للذروة)

(سستار)

الفصل الثاني

المشهد الأول :

المكان
الزمان

حجرة المأمور بالسجن
صباحا

- المأمور جالس ويجلس أمامه سليم
- تدخل ليلي الى الحجرة بصحبة السجانة وداد
- سليم ينظر اليها ولا يتحرك من مكانه بل يتعد بنظره عنها متعمدا الغضب

المأمور

اتفضلى يا مدام مشيرا لسليم (بعد اذنك يا سليم بيه أنا حاسيبكو فى أوضتى لأن النهاردة أول يوم لزيارة السياسيات وأوضة الزيارة مش فاضية

سليم

شكرا

المأمور

اول ما تخلصوا كلام سعادتك بس تقول للسجانة اللي بره تنادى لى يخرج ومعه السجانة بنظر

سليم ناحية ليلي ليلي تقدم رجلا وتؤخر
الأخرى ثم تقف صامته سليم لا ينظر اليها ولكن
فجأة نهض ويفرد ذراعيه في عدم تصديق

سليم

معقول معقول أنا أنا مش قادر أصدق اللي
سمعتة انتي انتي تعلمي كده مستحيل
أنا من ساعة ما سمعت الدنيا كلها بتلف بيا ورجليه
مش قادرة تسيلني ليلي تنظر اليه في صمت
الوش الملائكي ده بخدعني الخديعة دي كلها

ليلى تتمتم في خوف (خديعة

ليلى

(في عصبية) ايوه خديعة ما أنا خلاص عرف
كل حاجة يا سب هانم انكشف لي المستخبي ومش
أنا وبس لا وللمسؤولين كمان كل شيء ظهر
وبان ومع ذلك لحد دلوقت مش قادر أصدق
معقول نبقى عايشين تحت سقف واحد وأنا
أنا معرفش المستخبي مش ممكن ده أنا من
ساعة ما سمعت وأنا مش قادر أقف على رجليه
مش شاف حاجة قدامي من ساعة ما سمعت
عقلي ضاع وفكرى اختل للدرجة ان رجليه
اتحكمت في وخذتني من غير ما أحس وودتني على
المأذون وطاقتك وأنا مش دريان بأعمل ايه
لكن غصب عنى كان لازم أعمل كده لانى مقدرتش
اتحمل الصدمة ما قدرتش اتحمل الخديعة

سليم

خديعة ا مش فاهمة حاجة ان
بتتكلم عن ايه ؟

ليلى

: ما انتش عارفة باتكلم عن ايه ؟

سليم

ليلى لا أنا ما عملتس حاجة تستحق كل الكلام اللي
أنت بتقوله ده

سليم ايوه ايوه بص لى وبراءة الأطفال فى عينيكى
طبعا اللي خلاكى خدعتينى السنين دى كلها
بخليكى تخدعيني داوقت كمان

ليلى أخدعك فى به ما تتكلم على طول فيه انه ؟

سليم مانتى عارفة انه

ليلى لا طبعا

سليم والتنظيم السرى

ليلى تنظيم سرى ؟

سليم اللي حضرتك فيه بقالك سنين

ليلى أنا

سليم ايوه انتى يا دكتورة أمينة

ليلى أمينة

سليم طبعا يا سب يا زميلة ما أنا عرفت عرفت انى
كنت عايش مع الراس المدبرة لكل التدمير اللي
حصل فى البلد وأنا مش دريان يقف للف
ويدور حول ليلى فى ثورة مصطنعة مش عيب
مش عيب تدمروا البلد مش حرام تكسروا
المنشآت مش عيب تحرقوا مت كلاب بتاع ست
غلبانة قليل ان ما راح فيها مس عيب تدسوا
سمومكوا فى ودان الناس الفلابة وتفضلوا

دودو دودو والدوى ع الودان أقوى من السححر
لحد ما قومتهم ضد الحكومة وخطوهم حرقوا
البلد ولحساب مين ؟ لحساب جهات أجنبية
كمان

ليسلى (فى رعب) جهات أجنبية ؟

سليم ايه مش قضيتك أنتى والست اللى اسمها سلوى
والمفوضة اللى اسمها منى قضية تخابر برضة

ليسلى فى ذهول تخابر

سليم مش كفاية مش كفاية تبقى فى تنظيم سرى وكمان
تشتغلى لحساب جهات أجنبية وأنا عاش معاكى
طرطور ومش فاهم أى حاجة ولا عارف أى حاجة
معقول نا ربى ؟

معقول أبقى رجل أعمال ومراتى جاسوسة ؟

ليسلى فى عصبية وخوف لا لا يا سليم لا ماتقولش
الكلام دد لا أنا ماعرفش أى حاجة من اللى
بتقولها دى

سليم امال مين اللى يعرف ؟

ليسلى ماعرفش ماعرفش

سليم أنا بقى قلبى ما جنبنيش ما هى العشرة ما تهونش
غير على ولاد الحرام وبعد ما فوقت من اللى
سمعته . جريرت وقومت لك اكبر محامى

في البلد ولما راح وشاف التحريات وقرى
التحقيق قالى على كل حاجه . حتى بالامارة انتى
رفضتى تدلى النيابة على شخصيتك ولا حتى
ادتيهم عنوانك لكن التحريات جابت كل تفاصيل
تحرركاتك انتى واللى كنتى بتشتغلى معاهم وحضرتك
طبعاً متصورة انهم ما يعرفوش عنك حاجة ومش
على بالك انهم مراقبينك

أنا ما عملتش أى حاجة ما عملتش أى حاجة

ليلى

ازاى ؟ امال الست اللى اسمها سلوى اعترفت فى
التحقيق عليكى وقال انك معاهم فى التنظيم السرى
من سنين طويلة ليه ؟

سليم

فى ذهول وعدم تصديق سلوى قالت كده ؟

ليلى

وأكثر كمان دى قالت انك انتى اللى هربتى
الدكتور كمال جوزها

سليم

إننا

ليلى

ايود انتى امال أنا ؟ عقلى ضاع منى وما درتش
بنفسى غير وأنا عند المأذون ليه مش من اللى
سمعتة من المحامى ومش بس المحامى
لا يا ست هانم دى المباح كلمتنى وجابتنى على
ملى وشى وقال لى مراتك بتشتغل ضد مصلحة
البلاد

سليم

فى قمة غضبها وخوفها (لا يا سليم لا أنا
ما عملتش أى حاجة . لا . أنا كل غلطى ان بعد

ليلى

ما أنت رفعتنى العلقه بسبب السب اللى اسمها
الهام وقلت عليا الباب أنا كسرتة وروحت
لسلوى

ليه عثمان تشتكى لها منى وتقوليلها ضربنى
من نارى

يعنى عصيتى اوامرى ؟

من نارى يا سليم

ما تعرفيش ان طاعة الزوج من طاعة الرب

غلطة وبادفع تمنها غالى

ولسه حاتدفعى صحيح انا عملت الاستحيل
والناس الطيبين بتوع المباحث اللى تحطوا على
الجرح برد لما رحتم لهم ولقونى باضرب كف على
كف وبأقول مرانى لا يمكن تعمل كده وعدونى
(بسكت ليلى تسأله فى لهفة)

وعدوك باه ؟

بانك او لو يعنى او حبيبتى تثبتى انك فعلا
أى دعوى ساس دول وانك مش
تنفليم السرى وتثبتى لهم حسن نيتك جاز
جاز يعنى بخرجوكى

عاشنى أعمل انه مش فاهمة ؟

ابدا تسمعنى الكلام اللى يامه قلت لك عليه وتبعدى
عن الناس اللى فى دماغها براغيت وتعرفى انهم ناس

سليم

ليلى

سليم

ليلى

سليم

ليلى

سليم

ليلى

سليم

ليلى

سليم

مخربين واعداء للوطن بهم بيدمروا المنشآت
اللى اتعملت من عرق بس الغلابة الطيبين اللى
عملوها بدمهم قصر الكلام تبعدى عن الناس
اللى بتبث العصيان فى نفوس الشعب لحد ما خرج
بصرخ فى الشوارع ويكسر ويحرق زى المجنون.. فى
الحالة دى جايز جاز نفرجو عنك

خلاص خلاص عدتش أعرفهم وروح قولهم
كده (ينظر فى خبث)

ايوه بس بس القضية لسمة شغالة
قضية ؟

طبعا قضية أمال أنا حاتجنن عليكى ليه ما هى
الحكاية مش فونى زى ما انتى فاهمة

احطف لك باباه انى ما عملتش حاجة

أنا عارفة ومتأكد ولما سمعت ما صدقتش لكن
هم هم بصدقوا ازاي واللى اتسبب فى كل
اللى حصل ده هرب ووقعتى انتى

قصدك الدكتور كمال جوز سلوى

طبعا هو عرفوا طريقه واناكدوا انه مش
انتى اللى هربتيه يبقى جايز جايز بخرجوكى

واو عرفوش طريقه

بقى أكيد حاتحكم عليكى

يتحكّم عليا

ليلى

سليم

ليلى

سليم

ليلى

سليم

ليلى

سليم

ليلى

سليم

ليلى

وللأسف مش اقل من عشر سنين

يا مصيبتى

هى مش مصيبتك انتى لا دى مصيبتى انا
يا حبيبتى

حبيبتك

طبعا يا ليلى حبيبتى انتى ما تتصوريش انا من
غيرك حالتى شكلها ايه ده انا ماشى أكلم نفسى وويلى
ويلاين ويل بعدك عنى وقعدتك فى السجن والويل
التانى تدمير شقا العمر

شقا العمر ؟

طبعا يا حبيبتى هى لما مراتى تبقى متهمه فى
جاسوسية وتعمل احساب جهات اجنبية

وانا جوزك حاسموا فيا ايه ؟ حابطبطوا عليا
لا طمعا حانقلولى كل شركاتى ويدمروا كل مشاريعى
ويوقفوا شغلى انا مش عايز أزعلك يا حبيبتى
ده من ساعة ما اتبفض عليكى وكل بضاعتى
اللى فى الجمرک اتصادرت وحطولى العقدة فى
المنشار وقالولى مش معقول مراتك تبقى ضد الوطن
واحنا سيبك تكسب ده احنا حاندمرك بعنى
ثروتنا اللى عملناها بكدنا حاتروح يا ليلى ثروتنا
اللى عوضتنا عن اننا ماجبناش اولاد وقولنا هى ولادنا
وكل حياتنا ثروتنا دى من دلوقت ما بقتش ثروتى
ولا باسمى .لا . وادى وصل الأمانة اللى كنت كاتبه
عليكى لما كتبت كل املاكى باسمك يا حبيبتى
اهو . اهو يخرج من جيبه وصل ويمزقه ويقذف

سليم

ليلى

سليم

ليلى

سليم

ليلى

سليم

به في سلة المهملات بجوار مكتب المأمور) يعني كل
ثروتى دلوقت بقت باسمك لوحدهك حلوة
خروجك من السجن بالسلامة انشاء الله

تنظر اليه في دهشة ثم في حزن) خروج ايه هو
معقول بعد اللي قلته ده كله حيبقى فيه خروج

طبعا حبيبتي ما هم اول ما يعرفوا مكان
اللى اسمه كمال ده ويتأكدوا ان مش انتى اللى
مهرباه حايخرجوكى على طول وعشان كده نا حبيبتي
او بعنى عرفتى مكانه

مقاطعة في حدة ودهشة حاعرف مكانه منين
بس ؟

دام مش انتى اللى مهرباه فعلا يبقى اكيد
مراته عارفة مكانه وانتم أصحاب وجايز تقول
قدامك هو فين وفي الحالة دى لو يعنى حصل
وعرفتى مكانه بدوب بس تبعى لى عن طريق
ضابط المباحث اللى هنا في السجن وأنا أروح أقع
في عرضهم وأقولهم أهى مراتى أثبتت حسن نيتها
وأنها فعلا بريئة وأنها فعلا مش من الناس المخربين
اللى ضد الوطن (تقترب من ليلى يمسكها من
كتفها) في الحالة دى آجى أجرى عليكى وأخذك من
أيدك ونخرج سوا ومن السجن على المأذون ومن
المأذون على بيتنا يرب عليها مدعى الحنان
ويمسح على وجهها ثم على شعرها ثم على رقبتها
بهمس في أذنها) وحشتينى نا ليلى وحشتينى
قوى يا حبيبتي

(ظلام)

ليلى

سليم

ليلى

سليم

المشهد الثاني :

المكان

ساحة السجن

الزمان

ظهرا

حين تضاء الأنوار نرى الهام جالسة على حافة
السلام الدائرى حولها أربعة فتيات واحدة تقوم
بوضع المانكير فى يد والأخرى تضع المانكير فى
اليـد الأخرى واثنان كل منهما تمسك قدما وتضع
المانكير لالهام

على الجانب الآخر تقف ثوانى على عامود السلام
كما رانها فى أول المشهد الثانى من المسرحية
تدندن ببعض الأغانى

الهـام

(تهمس للفتاة التى تقوم بعمل المانكير فى يدها
اليمنى) انتى متأكدة يا بت يا كاميليا ان اللى
اسمها ليلى دى عندها زيارة النهاردة

كاميليا

السحانة وداد قالت لى اقوك ان جوزها هو اللى
جه زارها والمأمور ساب له أوضته وبقالهم مع
بعض مدة طويلة كمان .

الهيام
تجز على اسنانها في غيظ) طب نا سليم الكلب
أن مأموريتك بتقول انك مش بتحبها امال جاي
تثيل لها آيه هنا دلوقت

كاميليا
بتقولى حاجة يا مدام

الهيام
قصصى ضفر رجلى الكبير ونضفيه كويس
(من بعيد يظهر العسكري مع السجنان مران الى
الداخل)

العسكري
مش معقول أنت كل يوم بتصلح الماسورة من
هنا تخسر من هنا

السجين
كله بتمنه نا شاويش

العسكري
النهاردة آخر يوم ح اخرجك واجيبك سجن
النساء

السجين
ولو المعلوم زاد

العسكري
افكر

سنية
تري السجين تغنى في صوت عالى) عودت عيني
على رؤياك وقلبي سلم سلم لك امره

الهيام
كاميليا تنظر لسنية في غيظ والهيام تلاحظ.
هذا) اشخطى في البنت دى خليها تخرس

كاميليا
ما تبس نا بت نا سنية

سنية
بت لما بتك

كاميليا
دماغنا وجعنا من الصبح وانتي هات يا تجعير
وصوتك ولا صوت الحمار .

- سمنية**
 حمار يطبق على روحك يا صوتى ده مفلحك
 ومولك منى نار صوتى بشهادة كل المعجبين
 سوبرانو مش زى صوتك يا مزميزل معزة
- كاميليا**
 شاففة يا مدام البنب دى بتقول عليه انه ؟
 من يوم ما دخلنا وهى قرشة ملحتك
 كانت متصورة انها احلى بنت فى السجن
- الهيام**
 لكن انت من ساعة ماجيتى لقيتك اجمل منها.
 (تنهض نوال وهى تكاد تبكى تتمتم تمشى الى
 بعيد)
- نوال**
 اهو الكلام ده اللى ودانه فى داهية
 البت بتبرطم تقول ايه
- الهيام**
 مش عارفة بقالها كام يوم ش على بعضها
 (كاميليا تتجه الى نوال) مالك يا بت يا نوال ؟
- كاميليا**
 مالى انه كل ما باسمعها تقول جمالكووا
 وحلاوتكووا افتكر المصيبة اللى احنا فيها
- نوال**
 مصيبتك انت لوحدك يا نونو ناختى طول
 ما انا جنب المدام الهام وانا عاشة فى النعيم كله
- كاميليا**
 انا بقى دخلت جهنم برجليه انا اللى افتريت على
 جوزى لما سمعت كلامها وعنيه زغللت باللى بيلمع
 واللى بيضوى . لحد ما خربت بيتى وسبب
 عيالى .

كاميليا

سبتهم من ايه مش من فقر جوزك مش من
القرش اللي كان بirmهولك كل اول شهر وبقيت
الشهر بتكلى عيش حاف

سؤال

وهو ذنبه ايه ده كان بيدنى ماهيته وماياخدش
غير مصروف ايدته

كاميليا

من خيبته ده بيشتغل فى الجمرک معنى ممكن
نكسب ذهب لكن هو اللي مش راضى بفتح مخه

سؤال

جوزى طول عمره شريف لا عمره سرق ولا عمره
نصب ولا عمره مد ائده لرشوة

كاميليا

واما انت عارفة كده عينك حاتخرج على الفساتين
الى مللعة فى الفتارين ليه ؟

سؤال

من غلبى هم معنى اللي بيلبسوهم احسن منى

كاميليا

شفتى شفتى انك ما تقدرش على الفقر

سؤال

ومش قادرة على السجن وعابزة اصرخ واقول
توبت وارجع لجوزى ولولادى

كاميليا

دخول الحمام مش زى خروجه يا نانو انت
ناسية اننا لسه ما حققناش اللي نفسنا فيه
انت ناسيه باب ان شاء الله لما نخرج حاتسفرنا .
ولما نرجع حاتعمل لكل واحدة منا شقة وتجب
لكل واحدة عربية انا شخصيا خطيت اول خطوة
ولا يمكن حاتنازل غير لما احقق كل احلامى
ده انا عابزة اجهز بيت من مجاميعه من اول

التلاجة الخمستاشر قدم لحد الفيديو كاست
عشرة سيستم

طب كفاءة أحلام نا هبله ده احنا في سجن
ومش عارفين حانخرج منه ولا ما نخرجش

سؤال

طول ما احنا مع المدام الهام على سنه ورمح
ما تحمليش هم وعلى رأى المثل من جاور السعيد
سعد وانت عارفة مدام الهام مسنودة على روس
كبيرة قوى

كاميليا

(السجنانة و داد قادمة فتقترب من الهام تهمس
لها تخرج ورقة من فمها وتضعها في بد الهام)

به دى ؟

الهيام

ما أعرفش أمانة وادست فى أيدى ومعاها ورقة
حمراء مصححة

السجانة

من مين ؟

الهيام

من من تهمس لالهام) وبيقولك ماتقليش هو
حايعمل اللازم ويومين بالكثير حاتخدى افراج
(الهام تبتسم فى ثقة منى قادمة من عمق المسرح
مرتدة ملابس الرياضة تتجه الى سنية

السجانة

سنية هى مدام سلوى لسنة فى الزيارة ؟

مسنى

آه

سنية

طب يالله يالله معنا انت للرياضة اليومية

مسنى

تقترب من منى وتهمس لها) ما قدرش يا عمل	سنيية
ليه ؟	مسنى
رجليه متمسرة هنا لحد الماسورة ما تتصلح	سنيية
ماسورة ايه ؟	مسنى
ماسورة قلبى	سنيية
مش فاهمة	مسنى
الواد الحليوة المسبب بتاع كل يوم جه من شوية	سنيية
انتى بتهزرى معنا يا سنية ؟	مسنى
أفك الهم من على القلب شوية وعن اذنك حا أخش اطمئن على الماسورة اتصلحت ولا لا تتجه الى الداخل منى تقوم بألعابها الرياضية سلوى قادمة يبدو عليها الحزن منى تتوقف عن اللعب وتجرى نحو سلوى)	سنيية
ايه ده مالك يا مدام سلوى	مسنى
مفيش	سلوى
مفيش ازاي انتى كنتى فى زيارة يعنى شفتى مامتك وولادك يبقى لازم ترجعى سعيدة وفرحانة.	مسنى
أنا تعيسة تعيسة	سلوى
معقول معقول انتى تقولى كده يا مدام سلوى ؟	مسنى
أول لحظة أحس بانى فى السجن يا منى	سلوى

- مسئله
 حاصل ان ان (سلوى تبكى)
 مسئله
 ايه يا مدام سلوى خضتيني اتكلمى فيه حاجة
 حصلت للدكتور كمال ؟
 لا
 مسئله
 امال ايه ؟
 مسئله
 هدى هدى بنتى
 مسئله
 مالها فيها ايه ؟
 مسئله
 قال انه مخصمانى - وحضرتها رفض تيجى
 تزورنى
 مسئله
 مخصماكى ليه ؟
 مسئله
 تتمالك نفسها ثم تقول فى ثورة) لأنها مابتفهمس
 لأنها مابتعرفش يعنى ايه أم تخاف على بنتها
 متصورة أنها تغلط وأنا أطبب عليها
 مسئله
 (وقد شعرت بما تعانى منه سلوى تريث عليها
 طب اهدى وتعالى نقعد هناك وتقوللى فيه ايه
 ده لو ماكنش سر
 مسئله
 (وهى تجلس على حافة السلم) أنا حاقولك يا منى
 وانتى فى سن هدى واحكمى بينا بس على شرط
 ماتتحيزيش لهدى لأنكو من سن بعض
 مسئله
 اطمنى .. انا حاحكم بالحق .. المهم ايه الحكاية .

سألوى

فى بوم جانى تليفون وصوت بيقولى بنتك هدى
فى بيت شاب اسمه هشام واللى اتكلم وصف لى
البيت طبعا عقلى شاط مادرتش بنفسى
ماصدقتش ان هدى بنتى ممكن تعمل كده جريرت
زى المجنونة على العنوان ضربت الجرس لقيت
هدى اللى بتفتح الدنيا لفت بيا مادرتش بنفسى
وانا بشدها من شعرها وهات يا ضرب

ضرب ؟

مبنى

سألوى

طبعا كان لازم اضربها وأموتها كمان بنتى - بنتى
أنا تغاط غلطة بشعة بالشكل ده

وبعدين

مبنى

سألوى

لقيت اللى اسمه هشام ده جاى من جوه وفى منتهى
جرود بيقولى انفضلى يا طنط طنط
عايزة أمسكه من زماره رقبته وأموته هو كمان
لولا لولا ان أمه جات تجرى على صوتى
أمه كانت فى البيت

مبنى

سألوى

بصراحة ساعتها بلعت ريقى لكن من كسوفى
شدت هدى ولسة حاخرج بيها لقيت الأم
بتقعدنى وبتدنى درس فى الحنية

الحنية ؟

مبنى

سألوى

قال أنا مش فاضية لبنتى وعشان كده هى بتروح
بيت زميلها ده عشان أمه هى اللى حنينة عليها

: آه . كده أنا فهمت .

مبنى

سـالـوى

فهمتى ايه ؟

مـنـى

هدى محرومة منك ومن حنيتك زبى تمام

سـالـوى

زبك ؟

مـنـى

برضه محرومة من أمى بس بشكل مختلف
نهائى ماما ست بب طببة وحنينة آه بس
للأسف مش بتفهمنى وسفيش بينى وبينها لفنة
مشتركة وساعة ما قابلتك هنا اتمنيت من قلبى
ان ماما كانت تبقى زبك

سـالـوى

برضىكى يا منى أنها تروح لشباب فى بيته
افرضى ان أمه مش موجوده كان ممكن يحصل
ايه

مـنـى

تناقض

سـالـوى

تناقض ؟

مـنـى

اسمحتى لى أقولك انك عايشمة تناقض غريب
حضرتك ست تقدمية وبتناضلى من أجل قضية
الوطن ومع ذلك عايشة تناقض فظيع انتى ست
متحررة فعلا والا لسة شايفة ان هدى بنت
وخايفة على غشاء بكارتها

سـالـوى

غشاء بكارتها ايه اللى جاب سيرة غشاء بكارتها
دلوقت ؟

مـنـى

لو سألتى نفسك وبصراحة حاتلاقى هو ده الموضوع
المستخبى جواكى وعمرك ما واجهتبه وعلى فكرة

التحجر مش كلام يا مدام سلوى لا ده فعل واكيد
انتى عارفة كده

سلاوى كمال جوزى قال لى الكلام ده فى يوم من الأيام
وانا رفضت اسمعه

منى بلاش المرة دى تسمعيه المهم فكرى فيه
لان أنا وهدى فى أشد الحاجة ان اللى زيك بمد
ايده لينا ويفهمنا - صدقيني يا مدام سلوى
احنا محتاجينكو... بس محتاجينكو شخصية واحدة
متكاملة مش مقسومين نصين (ترمى سلوى على
صدر منى وتجهش بالكاء) معقول معقول انتى
بتعيطى ؟

سلاوى ماتتصوريش با هدى أنا قصدى نا منى

منى كملى أنا برضه هدى

سلاوى ماتتصوريش نا منى انا تعبانة قد ايه من نوم
ما عملت العملة دى وأنا حاسمة انى فعلا اتسرعت
واتصرف غلط

منى بس الكلام الحلو ده بقى اكتبه لهدى فى جواب
وقوليهولها فى منتهى الصراحة زغرودة من عمق
المسرح على اثرها نرى خوخة قادمة تحمل طفل
انصاف وشفيقة من ورائها تحمل المبخرة تتصاعد
منها البخور عدلات فى ندها طبق به كميات من
الحلوى والملح مهلبية قادمة تحمل جرن خشبى
بدلا من الهون) .

يا الله يا ستات جمعوا بعض عشان نعمل سبوع
ابن انصاف

خوخة

(قادمة في ملابس بيضاء تبدو عليها السعادة
اللهي ما اتحرم منك يا ريستنا يا ملبسانه الغالي
وماكلانه الشهد

انصاف

قادمة تحمل صينية (الصينية دي زي الفربال
هاتي الواد نعطه فيها

هنسد

ما اسموش واد نا هند ده اسمه الدكتور عاطف .

انصاف

تربي في عزك يا انصاف

عبداللات

لا من دلوقت قولولى يا أم الدكتور عاطف اللى
ربنا نزرع في قلبه العطف والحنية على أمه الغلبانة
الشقيانة

انصاف

خل (استمنى والنبي نا ابلتى ماتعمليش السبوع
غير لما اجيب البت صرصاره تحضره معنا

سنيية

طب نا ريت تسيب ززانتها وتخرج منها
حاجيها وآجى حالا

خوخة

سنيية

بت سنية دي حنينة قوى من ساعة صرصاره
ما اخدت الحكم وهى قلبها عليها مولع

شيفيفة

ولاد كار واحد وقلبهم على بعض مش زي اللى
ماتسمماش بتاعة الأبيض اللى حتى مابتقولش
صباح الخير الهام قادمة ومن ورائها البنات
الأربعة تتجه الى سور السلم وتجلس البنات

خوخة

يجلسن بجوارها) يالله يا بت يا مهلبية اطلعى
انتى وهند هاتوا الشمع والبنديق واللوز من الجناح
بتاعى عشان نعمل السبوع

هند ومهلبية : حاضر نا أبلتى

هند ومهلبية تتجهان للداخل سلوى تنظر بمين
ويسار ثم تسأل منى)

سلاوى هى ليلى فين ؟

منى من ساعة ما رجعت من زيارة جوزها دخلت
الزنزانة وقفلت عليها

سلاوى ليه ؟

منى مش عارفة حاسة كده انها مهمومة من حاجة

سلاوى يبقى مش جاى عشان بصالحها زى ما هى اتصورت
أكيد جاى عشان حاجة تانية

منى حاجة تانية زى ايه ؟

سلاوى مش عارفة نا منى أنا قلبى مش مطمئن للى اسمه
سليم ده خالص

منى ليه ؟

سلاوى زمان كان بيشتغل فى الباحث وطلع فى التطهير بعنى
ليلى مش حملة (تتجه للداخل)

منى رايجه فين ؟

سلاوى : المفروض مانسيبش ليلى وحدها .

منى
طب خليكى وانا أروح أنادى لها على الأقل تحضر
معانا السبوع (تتجه الى الداخل تقترب انصافاً
من سلوى)

انصاف
حاضرى معانا السبوع يا ست سلوى ؟

سلوى
طبعاً وحامسك شمع كمان (سنية قادمة ومعها
صرصارة بملايس السجى يبدو عليها الانكسار
سنية تلاعبها)

سنية
فوقى بت با صرصارة فوقى وهاتى طرحتك
لما اتحزم وافرجك الرقص اللي على أصوله
سنية تربط وسطها استعداداً للرقص تدخل
ليلى مع منى يبدو عليها الحزن والآسى ، ساوى
تجرى اليها)

ساوى
هه نا ليلى طمنينى سليم كان جاى ليه ؟

ليلى
تنظر الى سلوى ساهمة ثم تتمم فى اقتضاب
عايز يرجعنى

ساوى
وبعدين اتفقتوا

ليلى
لما أخرج يبقى بجلها ألف حلال

ساوى
تنظر الى ليلى فى شك (طب يالله تعالى نحضر
السبوع سوا

تدخل هند ومهلبية تحملان سلة بها البندق واللوز
وظليات السبوع وتوزعان على كل واحدة حفنة
بندق وشمعة) .

شفيفة خلاص يا معلمة كل الحبايب جم يا الله ابتد
السبوع (خوخة تتمشى بالطفل شفيفة تضع
المبخرة على الأرض كي تمر انصاف فوقها عدلات
ترش الملح تشعل كل واحدة شمعتها منى أيضا
تشعل شمعتها كطفلة سلوى تأخذ شمعة تعطيها
ليلي ثم تشعلها لها)

خوخة يا الله نا نسوان قولوا ورايا حالقاتك برجالاتك
الجميع حالقاتك برجالاتك الجميع بغنون مع
خوخة المسرح يتحول الى الطقس المعروف
بالسبوع عدلات ترش الملح)

عدلات تجرى من هنا وترمح من هنا
انصاف بعد الشر الهى ما بجرى غير فى بيت أبوه
شفيفة دقى الهون يا بت يا هند

هنيد حاضر يا أبلتى (تشد سنينة الحزام على وسطها) .
سنينة طبلى يا بت انتى وهى حارقص لعاطف يوم سبوعه
ويدنى طولة العمر وأرقص له يوم فرحه بس
أرقص بهدومى عشان مايتقبضش عليا تانى
الجميع بضحكن

انصاف أردهالك يوم فرحك ثوانى يا انس الليالى
(المسجونات بدقون على الصوانى سنينة ترقص
ولكنها تلاحظ صمت صرصاره فتشدها)

سنينة قومى ارقصى معانا يا صرصاره وانسى الهى ينساقى
يا حبيبتى . تنهض صرصاره لكى ترقص

الجميع يصفقن ويلتفنن في شكل دائري حولها
صرصارة ترقص كما الطير المذبوح انصاف تزغرد
في سعادة فجأة تدخل بخيطة السجانة وقد بدأ
عليها الحزن)

السجانة

بس بس يا ستات وقفوا الطبل دلوقتي

انصاف

ليه يا بخيطة المعلمة واخدة اذن من الادارة بالسجوع
يبقى نوقف الفرغ ليه ؟

السجانة

على عيني يا انصاف على عيني حبيبتي
اصل اصل

انصاف

اصل ايه ؟

السجانة

جوزك جاى عشان

انصاف

(فى فرح) عشان انه جاى لى زيارة

السجانة

على عيني يا حبيبتي على عيني

انصاف

اتكلمى

السجانة

ده عند المأمور جاى ومعه امر من النيابة سستم
ابنه

(الجميع يتوقفن فى صمت انصاف تصرخ)

انصاف

يا مصيبتى لا لا تجرى على خوخة تأخذ
منها الطفل) لا لا ما حدش ياخذ ابنى منى لا
تتقدم عسكري ومعه الأمر فى بده

العسكري

ياالله يا بخيطة هاتى الولد .

انصاف

يا مصيبتى حاتاخذوا ابني منى لا لا الهى
بخليك يا حضرة الشاويش روح قوله ده لسه
طفل رضيع واللبن بيحن فى صدرها وحرام
ناخذوا منى حرام حرام

العسكرى

بتقدم فى تأثر يقدم لها الأمر) ده أمر من المحكمة
بمعنى أمر الله ونفذ

انصاف

بمعنى ايه ؟ حاتاخذوا الدكتور عاطف منى
لا لا

العسكرى

أبوه أولى بيه من السجده حرام ابنك بتربى هنا

انصاف

يتربى فى حضنى

العسكرى

ما هو أصله كمان

انصاف

كمان ايه ؟

العسكرى

جوزك طلقك فى القسم وورقة الطلاق عند البيه
المأمور وبعد شوية تعسالى استلميهما
(انصاف تنظر الى الجميع فى ذهول بخيطة تقترب
تأخذ الطفل منها انصاف مستسلمة فى ذهول
بخيطة تمشى فى خطا حزينه النساء لتفغن حول
انصاف وهى تولول)

انصاف

ابنى ضنايا النساء جميعا يبكين ويربتن
على انصاف ليلى تبكى فى تشننج مكتوم سلوى
تتجه الى انصاف تربت عليها منى تتأثر وتبكى ،
انصاف تلطم خديها) .

قلبي كان حاسس قلبي كان حاسس
 حاطلقنى وحانقول شرفى لكن قولولى نا ستات،
 كان شرفه فين لما كنت باخرج كل يوم من طلعة
 النهار اتلطم فى الشقق المفروشة ده انا كل يوم
 كنت باشتغل فى بيت.. طول الأسبوع وأنا مكفية على
 المسح والغسيل والطبخ ما أنا كان لازم اشتغل
 ولادى صغيرين محتاجين اللقمة والهدمة وأنا لازم
 اشتغل وأساعده ما هو جوزى غلبان وماكنش بقدر
 على مصاريننا لوحده كنت أرجع من الشغل
 آخر النهار مهدودة وتعبانة وهو كمان نا حبة عيني
 كان يرجع مهدود وتعبان كنت احط قرشه على
 قرشى ونجيب عشا للعيال.. وساعتها كان بططب
 عليا ويقولى على عيني تعبك وشقاكى نا انصاف
 مسير العيال تكبر وأريحك نا حبيبتي لكن لكن
 لما حصل اللى حصل نسي تعبى وشقايا واقتكر
 شرفه وكرامته وتهيأله ان حد لسنى لكن وحياة
 السامعين أبدا عمر ما حد لظ جتتى ولا قرب
 منى لكن هو لا يمكن حاصدق وعشان كده
 طلقنى وحرمنى من ضنايا آه نا ضنايا ولسة
 حايرمنى من بناتى آه نا حبابى نا بناتى
 ده أنا ربتهم بشقايا وصحتى آه آه يا صحتى.

تقرب من انصاف تشدها لتنهض اهدى
 نا حبيبتي اهدى نا انصاف وقومى معانا وبكره
 لما تخرجى انا حابعتك لصبيانى بره يشفلوكى
 معاهم وشفلتنا شريفة ومافيهاش العيب .. المهم

خوخة

تبقي مفتحة كويس للكار وبعد كده تكسبي
ذهب

انصاف

تلطم خديها) حاكسب لين حاكسب لين
ولادى اللي كنب باشتغل عشانهم خلاص
اتحرمت منهم آه ناولادى انصاف يفمى
عليها الجميع يلتفون حواها ويسندونها للداخل .
سنية تخرج معهم ليلي تتمم في عدم فهم)

ليلى

اللى بيحصل ده مستحيل مستحيل

سلوى

بس بيحصل نا ليلي وأكثر منه كمان
(نسمع سنية تصرخ)

سنية

(فجأة سيبى أيدى يا بنت الكلب سيبى
أيدي

كاميليا

قادمة تشد سنية من يدها وهى تنادى بصوت
عال) يا شاوشش نا شاويش
فيه ايه يا كاميليا ؟

الهيام

البنب قليلة الأدب البجحة دى ضبطها وهى بتبوس
المسجون اللي بيصلح الماسورة

سنية

سيبى أيدى بأقولك سيبى أيدى

الهيام

لا يا كاميليا ماتسيبهاش لحد لما يجى العسكري
عشان يربيهما السفلة الحفيرة دى
خوخة تنظر الى ما يحدث في استفزاز ثم تتقدم
من كاميليا في تحفز)

خوخة : سيبى ايدها يا بت

وان ماسبتهاش حانعملى ايه ؟

حا أفسخك حنتين

لو سمحتى ابعدى أنتى عنها لحد ما يجى
العسكرى وتسلمها له تاخذ جزاءها

ولو مابعدتش يا بتاعة الأبيض حانعملى ايه

مش حانعمل حاجة يا بتاعة الأسود لكن
يناتى هم اللى حانعملوا ويعرفوكى أنتى
بتكلمى مين

طب خلى انتها واحدة تقرب من المعلمة كده وشوفى
احنا حانعمل ايه (بنات خوخة) يتقدمن من بنات
الهام غير أن خوخة تفرق بينهم فى صرامة
وحسم

بت يا مهلبيةة الضرب مايقاش لبنات بتاعة
الأبيض لا لكن الضرب يبقى للمعلمة بتاعتهم
ومش اتتوا اللى تضربوا كمان لا ده أنا اللى
(تهجم على الهام وتشدها من شعرها فى عنف
تنشب مشاجرة تتدخل المسجونات سننية
تتقدم تشد الهام من بد خوخة)

سبينى عليها أنا يا معلمة

(وهى تتخلص من يدي خوخة تباعد وهى تحذر
سنية لو مدتى ابدك عليا يا سافلة يا حقيرة
حانتلك هو انه خلاص مايقاش الا المومسات
كمان تمد ايدها على اسيادها (الجميع يبعدن

كاهيليا

خوخة

الهام

خوخة

الهام

مهلبيةة

خوخة

سننية

الهام

سنية عن الهام غير أن سنية تنظر في خجل
تتوقف عن الضرب في حزن خوذة تقترب من
سنية تهمس لها في غضب)

خوذة

كان لازم تعملي عملتك السوداء دي عشان واحدة
زي دي تهزأك (تبتعد عن سنية وهي تتجه الى
الداخل اسفخص عليكى وعلى دناوتك

الهام

دى مش دناوة لا دى حقارة وقله أدب تشد
بناتها وتتجه لتمشى غير أن سنية تشدها من
ملابسها في عنف)

سنية

تعالى هنا يا س هانم باللى لابسك الشفتشى
مش أنا لوحدى الللى حقيرة ده انتى احقر منى
انتى الللى بتاجرى فى السم الهارى الللى بيشتروا
منك المهاطيل وييجونى نهشوا فى لحمى ويدفعوا
وأنا بابيع لهم برخص التراب بايعة لانه اتباع
من زمان (سنية تقف فى وسط المسرح وكأنها
لا ترى أحد تسترسل فى الكلام) اتباع يوم القرش
ما شح فى اند أبويا وقعدنى من المدرسة عشان
يقدر يصرف على الصبيان حرمنى من التعليم
وحرمنى من كل شىء كنت باحلم بيه يومها
عيط لمرات أبويا قالت انتى حلوة وزى القمر بكره
يخيلك ابن الحلال الللى سعدك ويعوضك عن
الفقر الللى احنا فيه ابن الحلال جه راجل اكبر
منى بخمسين سنة باعونى له بخمس تلاف جنبه
يومها أبويا بص لى وقالى على عينى يا بنتى لكن
أعمل ايه الضرورة لها أحكام واستحلمى عشان

خاطرى وأستحملت ورضيت وربنا ما يورى حد.
 اللى جرالى ساعة ما دخلت أوضة النوم وأنا جسم
 كله بيترعش من الخوف راجل غريب وبيتقفل علي
 وعليه باب واحد فى ايده ورقة جواز وبيقول
 حلالك متجوزك أهو على سنة الله ورسوله وباسم
 الحلال ده هجم عليا زى الوحش الكاسر كتمد
 نفسى وغمضت عنيه ما أنا اتباع والشارى لازم
 ياخذ حقه واستحملت ورضيت بالعلب لكن الغلب
 مارضيش بيا وفى يوم لقيت الراجل اللى هو قال
 ايه جوزى جاى وجايب لى معاه راجل أكبر منه
 وقالى (تقند الرجل العربى) والله ولد عمى يريدك
 وأنا خلاص ما عندى مانع اطلعك وتتجوزى بدل
 ما ترجعى لأهلك يا ب الناس صرخت فى وشه
 وسبتها مطبلة على دماغه وخليته طلقنى ورجعت
 لأهلى اند ورا واند قدام رجعت مجروحة
 ومقهورة وحزينة لقيت أبويا مات والمعاش اللى
 سايبه ما ناكلش عيش حاف أول حاجة مرات أبويا
 قالتها عندى لك عريس مصرى أغنى من الأولانى
 كمان كان تاجر شنطة زمان ودلوقت بقى تاجر
 عربيات حانكتب لك شقة وزلمكة وحايرف عليكى
 بدل الجنيه الف بيكسب ذهب واخوانك محتاجين
 يتربوا وانتى دلوقت مسئولة عنهم بس العريس
 يا حبيبتى عايز تتجوزك فى السر وحايدفع
 فيكى كل اللى تأمرى بيه يعنى بيع وشرا تانى.
 لا يبقى أبيع نفسى بطريقتى وعنهما وابتديت

المشوار الطويل جمالى قصر المشوار وعملم ثروة
وبقى عندى شقة مفروشة واللى بيعوزنى بييجينى
هو بيدفع وأنا بادى جتسه باردة والدم
هرب منها

فظيع فظيع معقول ندى جسمك لرجالة
مفيش بينك وبينهم أى مشاعر

منى

تفهقه عالية فى أسى (مشاعر ما شاء الله
يا مشاعر ما نا قفلت عليها من زمان ورميت
المفتاح فى النيل قفلت على مشاعرى وسمكرت
البلكونة اللى كنت بابص منها على أول حب فى حياتى
قفلت على قلبى وسلمت جنتى للى يسوى واللى
مايسواش واشتغلت لحساب نفسى قطاع
خاص وصرفت على اخواتى لحد ما كبروا
واتخرجوا لكن ساعة ما انقبض عليا
اتبروا منى وقالوا مانعرفهاش دى لطح اسم
العيلة فى الطين ودلوقت أنا أهو عايشة بحكمه
بتقول واحد وواحد اتنين وعمرهم ما يبقوا تلاته
أنا بادى للرجالة اللى هم عايزينه وهم بيدفعوا
اللى أنا عايزاه كان ممكن اتجوز راجل ما بجهوش

سنية

هو يكذب عليا وأنا أكذب عليه والكذب حرام
وبيدخل النار ما هو الرجالة اللى بييجونى بيدفعوا
وهم عارفين بيدفعوا ليه وأنا باخد وعارفة باخد
ليه وبأقولها أهو بالمفتشر لكن الدور والباقى بقى
على ستات كتير عايشين فى بيوت مقفلة على بلاوى
متلثة لا يبحبوا اجوازهم ولا يطيقوهم لسكن

عائشين معاهم بس عشان بيصرفوا عليهم
 وبيأتلوهم اللقمة وبيضحكوا على نفسهم ويقواروا
 ضل راجل ولا ضل حيطه ، كده ولا لا كده
 ولا لا (تقع سنية على الأرض باكية اضاءة على
 وجهه ليلى مع موسيقى تعبر عن السجن فى أعماقه
 تمشى فى خطوات بطيئة وقد بدأ عليها الدهول
 اظلام تدريجى مع مزج لاضاءة فى المستوى الآخ
 من المسرح من خلال الفجوة التى فتحت من قبل
 نقه ليلى نرى سليم وهو نخلع جاكتته هاجم
 على ليلى ليلى فى رجاء)

ليلى بلاش

سليم ليه ؟

ليلى تعبانه

سليم كل ليلة ؟

ليلى مش فادرة

سليم بس أنا قادر

ليلى مش عايزة

سليم أنا عايز

تخف الاضاءة من خلال سولويب نرى ليلى
 وقد أسامت جسدها لسليم بفتور نسمع
 صوت ليلى كالحيوان الذبيح وقد وضعت ملاءة
 فى فمها كى لا تخرج أصواتا)

(اظلام)

المشهد الثالث :

المكان

زنزانة السجن

الزمان

الساعة الثالثة ظهرا

– اضاءة تدريجية تبين سلوى راقدة على سريرها
تقرأ في كتاب

– منى تقف على سريرها وتكتب على الحائط
بخطف واضح أجمل انام العمر

– ليلي ولازال الملاءة في فمها تحاول أن تفيق من
كابوسها في شجن

– سلوى تلاحظ هذا تنهض من على سريرها
تتجه اليها تسألها في حنان

مالك يا ليلي

سلوى

(تنظر ناحية منى ثم تهمس لسلوى) بتحبى جوزك
يا سلوى

ليلى

(فى دهشة) هه . طبعاً .

سلوى

ليلى	لحد دلوقت
سلاوى	احنا بنحب بعض من ايام الجامعة
ليلى	والحب زى ما هو ؟
سلاوى	كل مرحلة حبها له طعم
ليلى	وحشك
سلاوى	جدا
ليلى	هو فين ؟
سلاوى	هو مين ؟
ليلى	جوزك
سلاوى	ما أعرفش بالضبط بس النهاردة ماما جابت لى ورقة فيها كلمتين
ليلى	بيقولك ايه
سلاوى	باحبك
ليلى	قالك باحك ؟
سلاوى	دى اول كلمة
ليلى	والثانية
سلاوى	خدى بالك من لىلى
ليلى	قالك لىلى
سلاوى	آه ما هو عرف كل اللى حصل
ليلى	: عرف منين هو مش هريان ؟

سـلوى

هربان آه بس موجود بيتصل بماما وبىكلم
الأولاد ويشوف كل طلباتهم كأنه معاهم
بالضبط

ليـسـلوى

ايه اللى غضبكوا ؟

سـلوى

على ايه ؟

ليـسـلوى

على انتوا بتعملوا

سـلوى

الحب

ليـسـلوى

الحب ؟

سـلوى

آه

ليـسـلوى

ازاى

سـلوى

لما تحبى بلدك وتحس انها بتتجرح قدام عنيكى
تعملى ايه مش تعرفى ايه سبب جرحها وتعرفى
ايد دواها ولما تعرفى يبقى ماتسكتيش

ليـسـلوى

أسكتش

سـلوى

طبعا وأنا وكمال حبيبى وزينا كثير عمرنا
ماسكتنا وآهو نحاول (سلوى تتذكر بسعادة)
تعرفى نا ليلى من يوم ما دخلت السجن وأنا عاشة
فى ذكرى أيام حياتنا الأولى اتقبض علينا احنا
الاتنين فى يوم واحد هو دخل سجن الرجال وأنا
دخلت سجن النساء كنا نبعث لبعض جوابات
صارحنا بعض بحبنا ولما خرجنا اتجوزنا

ليـسـلوى

دخلتى السجن كام مرة ؟

سـلوى

: ثلاثة . منهم مرة كنت حامل فى هيثم حبيبى .

سأوى اسألك سؤال محرر ليللى

بين الأصدقاء مفيش أسئلة محررة ليللى تجمع
شجاعتها وتحاول أن تسأل فى جراحة يبدو عليها
القلق والتردد ثم تسأل)

عمرى نمتى مع جوزك وانتى مش عايزه ليللى

(فى دهشة ثم سم لا طبعاً سساوى

ولا مرة ليللى

عمرى سساوى

مش معقول ليللى

اللى مش معقول انه يحصل غير كده لحظة الحب سساوى

من أجمل لحظات العمر ولازم تتعايش انتهى
الصدق والدفء يعوزها الاثنين يعيشوها الاثني

وغير كده يبقى فظيع يبقى فجز سع
ليللى يديها على عينه شج سساوى

تربت عليها بحنان ليللى نا حبيبتي

أنا كمان سؤال من ساعة سليم ما حالك
وانا حاسسة انك طبيعي ليللى

فيه ايه

سساوى ساوى بركبى ومتسألنيش ليللى
مالى

بلاش اسألك نا ليللى بس أنا متأكد ان حاتيبي سساوى
اللحظة اللى حاتقوليللى فيها انب ليه عنيكى زانغة
ومش بتبثتيها فى عنيه . وحاتيبي اللحظة اللى

ليلى
حانقوليلي فيها الهام تبقى لك ايه بالضبط
سلوى أرجوكني ما تسألنيش عن أى حاجة اى
حاجة (ليلي تبكي)

ساوى
خلاص بقى عيطى زى ما انتى عايزة (منى لازال
تكتب غير انها تتوقف عن الكتابة وتطل براسها
على سلوى وليلي)

منى
اه اللي حصل بعد الهمس الجميل اللي كان بينكم .
ليه العياط ؟

سلوى
ساعات كثير الدموع بتغسل الهوم

منى
بقى او سمحتى نا ابله ليلي خلصى الدموع
بسرعة عثمان تشوفي أنا كاتبه ايه بصى نا مدام
سلوى قوليلي ايه رانك فى خطى سلوى تنظر
الى ما كتبت منى)

سلوى
بصراحة الى أحلى من خطك الكلام اللي انتى
كتباه قومي بصى نا ليلي اقري شوفي منى
كاتبه ايه

ليلى
تطل براسها على الكلام المكتوب كل منهن تقرا
جملة)

منى
أجمل ايام العمر لم نعشها بعد

ساوى
وأجمل الأزهار لم تنبت بعد

ليلى
وأجمل اطفال العالم لم تولد بعد

(ليلي تنظر فى دهشة ثم تسأل فى براءة) .

ليلى
الكلام ده منى جايباه منين ؟

ده جزء من قصيدة لناظم حكمت	سلوى
مين ناظم حكمت ده ؟	ليلى
شاعر تركى	سلوى
يعنى اجنبى	ليلى
باقولك تركى	سلوى
الشاعر ده كتب القصيدة دى لما كان فى السجن .	منى
فى السجن ليه ؟	ليلى
زيننا كده كان لسانه مفلوت (ليلى تسمع صوت سليم)	منى
دول ناس اعداء للوطن سلوى تقرا القصيدة صدى صوت سليم تتردد ويختلط صوت سلوى بصوت سليم وايضا صوت منى بيستمعوا عقول الناس .	ص سليم
اجمل ايام العمر لم نعشها بعد	ص سلوى
بيعملوا لحساب جهات اجنبية	ص سليم
واجمل الأزهار لم تنبت بعد	ص منى
بيخربوا البلد	ص سليم
واجمل اطفال العالم لم تولد بعد ليلى تمسك راسها فجأة وتجلس على طرف السرير وكان الحجرة تدور بها تفيق على صوت سنية قادمة مندفعة) .	ص سلوى

مزميزل منى مزميزل منى فيه	سسنية
فيه ايه با سنية ؟	منى
الحقى يا حبيبتى الحقى بسرعة خبر ح نفرحك بس الأول ادنى بطانيتك وأيدك على هدومك كاي ولو معنى معاكى كمان بدرة أحمر وروج أنا أولى من غيرى ليه فيه ايه ؟	سسنية منى
فيه افراج نيابة حبيبتى ليسا	سسنية منى
امال ليا ؟	سسنية
(فى دهمة ايه ؟	ليلى
الف مبروك با منى افراج عنها لوحدها	ساوى ليلى
ودلوقت السجاز جانة تقوايك	سسنية
تدخل مندفعة مزميزل منى حضرى نفسك افراج حبيبتى واندك ع الحلوة	بغيتية
افراج عنها هيه بس لا وكمال المزميزل حومان والمزميزل سهام والمزميزل نورا اللى قاعدين فى عنبر اتنين خارجين دلوقت (ليلى ساهمة تفكر سلوى تجرى على ورقة وقلم وتكتب شيئاً ما منى تجمع ملابسها فى سرعة سنية تقرب منها)	ليلى بغيتية
بسرعة شوفى حاتدنى ؟	سسنية
خدى بنظاون جينز اهو .	منى

أنا عايزه حاجة مشخلة	مسنية
ماتلقهاش عندي	مسنى
طب باقولك انه حاطب منك طلب بس مكسوفة.	مسنية
اطلبى يا سنينة عايزة ايه	مسنى
أمانة فى رقبته لما تخرجى أول راجل اسمه حسن تقابليه تبوسيه	مسنية
أبوسه ؟	مسنى
آه وتقوليله البوسة دى من سنينة حبيبتك بتاعة زمان	مسنية
ضاحكة مش وقت هزار سنينة وانفضلى دلوقت	سلاوى
حاضر بس حاخذ البنطلون ده عشان اتعلم بيته العفة تأخذ البنطلون وتخرج مندفعة سلاوى تترب من منى)	مسنية
منى يا حبيبتى أنا أنا ليا عندك طلب	سلاوى
تحت أمرك	مسنى
ده عنوان بيت ماما عايزاكى أول ما تخرجى ترو تقابلى هدى بنتى وتقوليلها ماما بتقولك ماتزعليش منها لأنها غلظت معاكى	سلاوى
الله عليكى لما تعترفى انك غلظتى	مسنى
لما اخرج أكيد حانبقى اصدقاء يا منى	سلاوى
: وهدى كمان حاتبقى صديقتك .	مسنى

سلوى

أكيد ما هى قفلة السجن على خلتنى أعيذ نظر
حاجات كثير منها علاقتى بهدى وأهو كاتبة
الكلام ده هنا (تعطى رسالة لمنى تدخل بخيطة

بخيطة

بالله يا زمزويل بالله عشان تخرجى مع زميلاتك
هم خلاص خارجين دلوقت على طول

سلوى

آه مش سامعين زميلاتهم بيغنوا لهم

بخيطة

(فى دهشة بيغنوا لهم

ليلى

ايوه يا ليلي ده تقليد عند السياسيين لما حد
بيخرج منهم بنغنى له كلنا

سلوى

بتقولى ايه ؟ صوت من بعيد للغناء ونشيد بلادى
منى وقد أمسكت حقيبة ملابسها تقه
من ليلي)

ليلى

ابلة ليلي انا حبيتك قوى ولما تخرجى عايزة
أبقى أشوفك (منى ترتدى على صدر ليلي فى حنان
ليلي كما المنومة تقبل منى منى ترتدى على
صدر سلوى تقبلها كلها يومين وحاجيب هدى
ونيجى نزورك سلوى تقبل منى ثم تمسح دموعها
التي سألت منها رغما عنها منى تخرج وسلوى
تجربى تنظر من النافذة ليلي أثناء ذلك تنظر معها
الغناء مستمر من بعيد بلادى بلادى لكى حبي
وفؤادى ليلي تنزل وتترك النافذة تجلس على
حافة السرير فى دهشة وعدم فهم

منى

ليه منى تخرج واحنا ما نخرجش ؟

ليلى

سلاوى
منى خرجت افراج نيابة يعنى النيابة مالقتش عليها
أى ادلة لأى اتهام

ليلى
وانت

سلاوى
مسيرى برضه أخرج أنا من يوم ما انقبض عليا
ماحصلش معنا غير تحقيق واحد وده لأن النيابة
ماعندهاش أى أدلة ضدى يبقى ضرورى
حاخرج

ليلى
تنتفض فجأة فى عصبية مستحيل

سلاوى
مستحيل ؟

ليلى
آه مش انتى متهمه فى قضية تخاير يعنى
جاسوسية ؟

سلاوى
تبتسم فى سخريه (دى طبعاً مجرد شوشرة
وادعاء ضدك وأكيد زملائنا بره رفعوا قضانا على
الجراند المأجورة اللى كتبت الكلام الفارغ ده
وبكره الحقيقة تبان

ليلى
لأبقى الجرايد لا يمكن تكتب الكلام ده غير لو كان
حقيقة

سلاوى
(فى ذهول) حقيقة ؟

ليلى
اكيد

سلاوى
معقول تقولى كده نا ليلي انتى اكيد اتجننتى

ليلى
أز اتجننت يوم ما جيتلك ومين عارف مش جايز
انتى كمان تخرجى وأنا أفضل هنا كان يوم
أسود يوم ما جيتلك . ضيعتنى ضيعتنى

سلوى

(تهجم على ليلي في عنف تمسكها من كتفيها وهي
في قمة ثورتها) لأبقى مش أنا اللي ضيعت
انتى اللي ضايعة وجاهلة كمان

ليلى

جاهلة

سلوى

يوه جاهلة ومش بتفكرى وعاشمة تابعه

ليلى

أنا أنا تابعه ؟

سلوى

ايوه تابعه ومالكيش أى شخصية ما أنا خلاص
فاض بيه منك من ساعة ما تقبض علينا
وأنا مستحمالكى وساكته لكن لا لا انتى لازم
تفوقى وكفانة غيبوبة الجهل اللي انتى فيها دى
ليلى ساهمة من هول ثورة سلوى) وأنا
متأكدة ان سليم لما جالك النهارده الصبح قالك
الكلام اللي نتى بتردد داوقت وأكيد طلب
منك فى أقرب تحقيق تبىرى منى وتقولى توبت
وعمرى ما أعرفها (ليلي تشيح بوجهها عن سلوى
سلوى تقترب منها وتغير قليلا من ثورتها
وعصبيتها) أنا حاسة بيكى نا ليلي وعارفة ومتأكدة
ان سليم جالك مخصوص عثمان يقولك اننا
متهمين فى قضية تخاير وبتعمل لحساب جهات
أجنبية وان احنا اللي حرقنا البلد ومين عارف
مش جاز كمان يكون أوهمك انك انتى متهمه
معانا وده طبعاً عثمان بخوفك ويعدلك عننا ما هو
عارف انك بتسمعى كلامه من غير ما تناقشيه

ولا تفكرى فيه لانك ما تعرفيش غيره عيشك جوه
قمقم حياته وشكلك بطريقته ومسح عقلك وخلالكى
مسح لبنى آدم مسلوبة الارادة

تصرخ فجأة فى وجهها) بس بس كفاية كفاية .

ليلى

سلوى

لا مش بس نتي لازم تسمعيني للأخر لازم
تعرفى انى كاتمة فى قلبى من ساعة ما شفتك ومش
قادرة أواجهك بحقيقتك ومش راضية اقولك
ان ليلى اللى قدامى ليلى اللى كنب أعرها
ليلى زمياتى بتاعة زمان تقترب من ليلى تربت
عليها فى حنان بادور عليها ومش لقيها
ليلى اللى كانت ذكية وشقية ليلى اللى كانت
بتطلع الأولى على فصلها فاكرة ؟ نا ليلى لما
مرة غشمتى سامية عباس زميلتنا وأنا زعلت منك
وخاصمتك وقتلك اللى بيغشمش زى اللى بيغشم تمام
يوميه فضاتى تعيطى لحد ما صالحتك ولما ابلة
كريمة ضربتنى عشان وقف فى وشها لما طردت
خديجة السنوانى لأن جزمته مقطعة انتى عيطى
بدالى (ليلى تشيح بوجهها عن سلوى سلوى
تلاحقها) ليلى أنا واثقة انك ما نستيش ليلى بتاعة
زمان وليلى الحقيقية لسه جواكى ليلى اللى
كانت بتحب أبوها أبوها اللى كان أستاذنا كلنا
فاكرة نا ليلى لما كان بيقعد معانا ويكلمنى عن
المستقبل عن الحلم وعن الأمل كنت انتى
بتكلمى بلسانه وبتفكرى بعقله ولما مات روحتى
سلمتى نفسك لسليم وانتى مغمضة فتحى
يا ليلى وبص حواليكى بص جنبك وبص وراكى

وبص قدامك وأعرني اللي بيحصل فتع
يا ليلي فتحي نا حبيبتى (نفتح الباب تدح
منى ومعها حقيبة ملابسها سلوى وليلى
ينهضان فى دهشة) ايه اللي رجعتك يا منى

منى

تبتسم فى مرارة وسخرية النيابة افرجت عنى
من هنا وصدر امر باعتقالى من هنا

ليلى

(دهشة وتهمس لنفسها) هيه ايه الحكاية بالضبط.
انا الظاهر مش فاهمة حاجة

(اظلام)

المشهد الرابع :

١٦١

(م ١١ - سجن النساء)

ساحة السجن	المكان
ظهر - ساحة السجن شبه خالية صرصاره قادمة وراها سنية تترنجان وتجريان في انحاء الساحة	الزمان
يا شاويش يا شاويش	صرصاره
يا شاويش يا شاويش تصدمان ببعضهم ثم تستفرقان في الضحك (عايزة الشاويش ليه يا بت	سمنية
احكى له حدوته وانت عايزاه ليه ؟ جبلى حسن	صرصاره
حسن حسن مين ؟	سمنية
يا حسن يا خولى الجينية يا حسن	صرصاره
قوللى بت هيه ليلى فين ؟	سمنية
بح طار في الهوا شاشى وانت ما تدراشى يا حسن .	سمنية

- صرصارة** انتى مش أذيتها البلبوعة
- سننية** ووصلت فوق ملكة وعلى راسها تاج السطل
- صرصارة** طب هيه فين
- سننية** تسأل الشاويش يا شاويش
- صرصارة** نا شاويش
- ليلى** قادمة تتبختر وكأنها فى عالم وحدها (نا شاويش
قولى رايح على فين (سننية وصرصارة نفجران فى
الضحك ليلى تتماثل)
- صرصارة** الحقنى نا شاويش
- سننية** يا بب يا مهبوشة عايزة الشاويش ليه
- صرصارة** سمعنى وانا بانكلم فى السياسة
- سننية** ينيلك وانت مالك ومال السياسة تعرفى فيها ايه
يا بنت المخطولة
- ليلى** يحزم تعرف كل حاجة انا سياسية وبأقولك
أهو هى تعرف كل حاجة قولى نا صرصارة
قولى كل حاجة عايزة تقوليها ما تكتميش فى
قلبك حاجة
- صرصارة** تعد على !صابعها ينعل أبو فلان وعلان
وترتان وينعل أبو كذا كذا كذا
- وينعل أبو الفقر والجوع والحرب الأونطة ينعل
أبو الرصيف والشوارع اللى كانوا بياخدونى منها.
وينعل أبو . ليلى فى ذروة ضحكها)

يا بت فوقى يُخرب بيتك	سئنية
طب انشاء الله ببقى لى بيت ويتخرب	صرصارة
سببها تقول خليه يقبضوا عليها فى السياسة اشمعى انا	ليسلى
سياسة ما يحكمش	سئنية
لا يحكم اخش غير السياسيين واعيش السبع سنين شريفة وعفيفة وانسى انى مومس	صرصارة
ينيلك ايه بس اللى فكرك ده احنا مبلعين عشان ننسى	سئنية
احنا مبلعين تضحك حلوة بابا وانا مبلعة ؟ بص على من فوق كرسىك العالى وشوف سنورتك وهى مبلعة وحشتنى عايزه أجيلك بابا	ليسلى
نتى ابوكى فىن ؟	سئنية
فوق فوق فى العلالى	ليسلى
طب ما تيجى نروح له	صرصارة
تضحك) بس ده فوق قوى قوى فوق السحاب بكتير	ليسلى
نروح له	صرصارة
لا انا حاروح على بيتنا فى شارع السد الجوانى ما هو برضاه بعيد فوق السحاب بكتير	سئنية
انا زايجة على بيتنا فى بورسعيد .	صرصارة

- سمنية** ياللى بيننا اركبى حصانك وانا حاركب حصانى
(كل منهما تتخيل انها تركب حصانا)
- ليلى** ان حصانى جناحات بيرفرف درجن
درجن
- صرصاره** درجن درجن يشعران كأنهما بطيران فوق
المسحاب يبدان فى الغناء)
- ليلى** اتمخبرى واتمايل نا خيل وارقصى ويا عرايس
الليل
- الثلاثة** اتمخبرى يا خيل اتمخبرى نا خيل
- سمنية** الله الله الله بص نا ليلى بص ناب نا صرصاره
- صرصاره** قوليلى نا عواطف
- سمنية** تعالى نا عواطف بص شافين الشمس مفتحة
ومنورة فى السما ازاي ؟
- صرصاره** لون السما فى لون بحر بورسعيد
- ليلى** كده حنتأخر والليل حيخش علينا ناللا بينا
درجن درجن
- سمنية** توقف حصانها ! بس اقف هنا عن اذنك نا عواطف
بيتنا هنا
- صرصاره** طب عن اذنك أحسن انا لسه مشوارى طويل على
ما أوصل بورسعيد درجن درجن
- سمنية** : وبلكونتنا آهى وبلكونة حبيبي حسن آهى
تتوقف) بس وصلب بيتنا هنا

صرصارة

انا آهو دخلت حضن امى وقعدت جنب ابويا
وانا فى البلكونة بانشر الفسيل يو الجبل انقطع
نزل طرفه فى بلكونة حسن (سنينة تعيش عالمها من
جانب وصرصارة تعيش عالمها من جانب آخر)

صرصارة

امه امه ايه اللى بيوجعنى فى صدرى ده
صرصارة تزغرد وكأنها امها) طلعت لك النبقة
يا ضنايا خلاص كبرتى وبقيتى عروسة

سنينة

حسن نا حسن بصيب له عنيه قالت لى
كلام كثير وانا قلت اكثر عنيه كانت سودا وبتبرق
كانت حلوة ولسه شافاها قدامى نا حسن
يا حسن امسك طرف الجبل شد الجبل من
تحت واشد انا من فوق هو يشد وانا اشد
هو يشد واذا اشد ساعتها حسيب وكان جسمى
كله قاد نار وخدودى تولعى منها الكبريت ورجليه
سابت والدنيا لغت بييا اتهاىلى انى فى الجنة

صرصارة

وشعري الناعم مسهبب والمريلة مكوية ومستنينة
والمدرسة جرسها بيضرب وامى عايزة تجوزنى
وابويا عايز تعلمنى وانا عايزة الاتنين

عايزة اخرج العب مع العيال ليه خافه على نا امه
ابويا بيقول ما تاخفيش بنتى جدعة

سنينة

بنحلم بييب صفر ونحط على بابيه كف عثمان
نتحفظ من الحسد ونزرع جواه لبلاية ونجيب
عيال كثير . كثير .

صر صارة

اشترى لى عروسة يامه يا بت عيب ده اثنى
كبرتى مش حاسسة انك بلفتى عايزة اروح
الجينية فيها بيت اسمه بيت ججا الشاطر
اللى كان بخشه ويعرف يخرج منه

وانا يامه دخلت بيت ججا ويامه خرج منه

سسية

استنى نا سوسنة حا اخرج واشتغل ونتجوز
ابويا مش قادر يصرف علينا نا حسن وحاجوزنى
معقول كل الحب ده بضيع مش بس الحب اللى
ضاع نا حسن ده انا كمان ضعت ضعت
ضعت

صر صارة

يا ثوانى

سسية

لا انا اسمى سوسنة

صر صارة

احما قلبناها غم ليه ؟

سسية

قطع الغم والهـم ناله نا ليلى غنى معاها الدنيا ربيع
والجو بديع قفلى على كل المواضيع ليلى جامدة
تتطوح فى ايديهم وهى ذاهلة)

سسية

بت نا عواطف ليلى باشها وصلب لأبوها

ليسلى

بتسمة ابتسامة غريبة) وصلت

صر صارة

شايفاه

ليسلى

بزيه وجبروته وحشتنى ازيك نا حبيبى
ما تزعلش منى تضحك انا مبلبعة مش قادره
اطلع لك . لانك فوق .

كرسيك العالى كلمنى لا ما تتكلمنى اسمعنى
انت اتكلمت كثير وعمرك ما سمعنى انا مبلعة
وعثمان كده حا اتكلم وانت حتسمعنى انت عمرك
ما بليعت كنت دائما فايق وبتتكلم ولسانك طويل
وكلنا ماشيين عليه

كنا بنشوف بعضيك وبنسمع بودانك وصوتك على
وجميل وقاسى وبعيد ياما حاولت اطلع ابقى فى
حضنك اشم ريحتك او اسمع نبض قلبك بس
انت كنت بعيد دائما بعيد

(تضحك وهى توشك على البكاء شفت نا بابا
ايه اللى جرى للسنيورة لما انت غيب عنها قال
سنيورة قال ده ببغفان بيردد الكلام والبغفان
ما يعرفش يقول لا ولو قال حد حاسمعه
سليم كان بيقول نفس كلامك نفس صوتك ولما
تمكن منى واخذنى وبقيت طوع اده شال صورتك
من على الحيطه مسح كل كلامك واحلامك باستيكة .

وعثمان كده درجن درجن البغفان بيقول
درجن بأداء بطيء تزايد والدنيا ربيع والجو
بديع قفلى على كل المواضيع قفل قفل (سنينة
وصرصارة تندفعان معها فى الغناء الذى ينقلب
لحالةحاداة من الانخراط الجماعى فى البكاء
لىلى تصرخ بس كفاة سيونى ناه كنت فىن ؟
آه يا دماغى انا تعبانه (بصوت مجهود) سيونى
لوحدى سيونى .

باللى بينا يا صرصاره احسن دى حاتفوقنى	سئنية
تدخل) انتى قاعدة لوحدك ليه نا ابله ليلى ؟ (سئنية وصرصاره بخرجان)	مبنى
مش عايزة اقعد مع احد	ليلى
يعنى اسيبك لوحدك ؟	مبنى
لو سمحتى	ليلى
حاسة انك زعلانة من مدام سلوى	مبنى
تتمتم سلوى فتحب دماغى فلقتها نصين نص يها بيثلب دم والنص التانى راح منى بعيد بعيد	ليلى
راح منك فين يعنى ؟	مبنى
لعمرى اللى فات	ليلى
از مش فاهمة انتى بتتكلمى عن ايد ؟	مبنى
لما انا افهم ابقى اقولك	ليلى
طب حاروح المكتبة مدام سلوى هناك تيجى معنا ؟	مبنى
اعمل فى المكتبة انا باقرا ولا بافهم فى اللى انتو بتقروه	ليلى
اللى ما يفهمش يفهم	مبنى
منى سيبينى لوحدى لو سمحتى	ليلى
: حاضر تمضى متجهة الى المكتبة تاركة ليلى وحيدة	مبنى

(شفيقة قادمة تحجاً كعادتها)

(وهى تردد) حيث اتخيمت قتلت ارتاحت.
حيث اتخيمت قتلت ارتاحت

شفيقة

حين ترى شفيقة تنهض وتشدها من يدها
رجاء شفيقة تعالى اقعدى معايا شوية

ليلى

انا ؟

شفيقة

آه عايزة اتكلم معاكى

ليلى

بس كده عنيه (تجلس بجوار ليلي) عايزه تتكلم
في ايه

شفيقة

حد يقتل حبيبته

ليلى

بخونك اما بخمك لما نزلك من على
عرشك ويرميكي في سبع ارض لما يقعد واحدة
مطرحك لما بخليكي "طاطي راسك وتعيش القهر
وقلت الحيلة لما اكسر قلبك في اعز ما عندك

شفيقة

اعز ما عندك

ليلى

على جسدها وتهز صدرها (جسمي
جمالى شبابي لما ناخذك لحم ويرميكي عضم
لما يصبح شعره ويسبب حواجه وتخشى عليه
تلاقية اسم الله على مقامك بيتمرغ في حضن بنت
من سن عياله بنت رقاصة من اللى انا علمتهم
هزة الوسط وشغلتها في الفرقة بتاعتى وجوزتها
!بنى.. ضبطه في حضنها بلبوس زى امه ما ولدته.

شفيقة

بعيد عنك فط الدم في دماغى ما شفتش حاجة
قدامى وساعتها اتهملى ان لو ابنى شاف المنظر
ده حايقتلهم الاتنين يبقى انا اولى بقتل الخاين
ودب وبأيدالهون دشدشب له دماغه ومن ساعتها
وانا بأقول حبيب اتخيمت قتلت ارتاحت

ارتحتى ؟

لىلى

طبعا ما انا لما قتلت اتغسلاب من العذاب وارتحت
وخرجت من السجن

شفيقة

خرجتى ازاي دا انتى دخلتى السجن أهو واخذتى
مؤبد كمان

لىلى

لا نا نظرى لا مش ده السجن نا ضنايا لا السجن
هو الضلمة يا حبيبتى اللى تبقى فيها الست منا
السجن كسرة القلب وغدر الزمان السجن هو
الحيرة والقهرة لكن اول ما بتكشف المستور
قدامك وتشوفى كل حاجة عينى عينك بجبلك
الافراج انا من ساعة شبابى ما دبل وجسمى
اترهل وأنا حاسمة بعين الزانفة وعشت جوه سجن
الغيره من ساعة ما تلتته عاشمة فى
السعادة وراحة البال

شفيقة

السعادة هنا فى السجن

لىلى

ما انتى نا حبيبتى لما تزيجى الهم من على القلب
وتغسلابى عارك باندك وتاخدى بتارك تبقى سعادتك
بعد كده فى اى مكان جوه السجن أو براه ومش
مهم بعد كده كله يهون وتمشى تتمخبرى زى

شفيقة

وتقولى (تحجل راقصة وهى تردد) حيث اتخيمت
قتلت (نسمع صراخا وضجة آتية من الخارج
عدد من السجنانات يحملن عدلات حتى الساحة
عدلات مغمى عليها المسجونات قادمات من كل
جانب صرصارا وسنية وهند وانصاف وانصاف
سلوى بنى وخوخة قادمة ومن حولها بناتها)

بسم الله الرحمن الرحيم فيه ايه نا بخيته ؟ هو
اتحكمم عليها ؟

اخذت اعدام همسات من المسجونات (

نا مصيقتى اعدام

طبعنا اعدام مش قطعت جوزها حتت حتت

من انه ما هو من قهرة قلبها وقسوته عليها
ده كان بيضربها لحد جسمها ما يشلب دم

برضه ماتقتلش (المسجونات يحطن بعدلات
(عدلات تنهض تقف فى وسط الساحة اظلام
تدريجى ثم اضاء وجهة نظرها على بقع
ضوء فى أماكن متفرقة من الساحة
الاضاءة تتركز على عدد من القضاة فى أماكن
مختلفة من الساحة وكأن السجن كله قد تحول
الى ساحة قضاة ثم الاضاءات تتركز على قاضى
واحد عدلات تقرب منه وتوجه كلامها له وكأنها
لا ترى احدا بالساحة غيره)

اعدام يا سعادة القاضى طيب اعدام ليه ده انا
قتلته مرة واحدة لكن هو قتلنى ميت مرة

خوخة

بخيته

سنية

هند

انصاف

هند

عدلات

ذة أنا من يوم ما تجوزته وهو مطفحنى الدردي
 وبقيت أقول استحملى يا بت أهو بياكل
 ولادك اليتامة اللي أبوهم سابهم لى دعدع
 واتحملت ضربه واهانته وزفارة لسانه اتحملت معاه
 أيام أسود من قرن الخروب ودقت المر ومر المر
 وكنت مستحمله لكن لكن لما سمعت ابني
 ضنايا بيصرح وهو قافل عليه الدكان اللي مشغله
 فيه ودخلت أجرى وكسرت الباب وشفته وهو بارك
 على ابني زى الوحس الكاسر ويععمل فيه الشيء
 الفلانى جتتى كلها ولعب نار ومادرتش غير
 وأنا بانشرله جتته اللي كان بارك بيها على
 ابني نشرتها بالمنشار اللي بينشر بيه الخشب
 نشرت جتته اللي كان بيبرك على بيها ويضربني لحد
 ما جسمى يشلب دم يضربني أنا آه لكن يعمل
 في ابني كده لا كان لازم اقلته وانشر جتته
 أنا ما فرطش في شرف ابني وكان لازم أخذ
 بتاره وبتار سنين الشقا اللي عثمتها في
 سجن عذابه قفلت عليه ثلاث أيام لحد ريحته
 ما فاحب وجم قبضوا عليه واعترفت
 ودلوقت أنا رايحة على جبل المشنقة وأنا
 متشوقة لدنيا غير الدنيا متشوقة لجنة
 ماعثتهاش ونفسي اعيشها وعشان كده
 يالله يا سمات زفونى وعلى جبل المشنقة
 وودونى.. طبلوا لى زغردوا لى تقف كالعروسة
 تمشي في وسط الجميع على عمق المسرح
 تمشد طرحتها وتضعها على راسها كما طرحه

الزفأف تغنى) اتمخطرى نا حلوة يا زينة نا وردة
من جوه جنينة (الجميع يدقن على عمدان الساحة
وهم بزفونها في زفة جنازية)

اتمخطرى يا حلوة نا زينة يا وردة من جوه جنينة
(المسجونات يمشن في الزفة حتى عمق الساحة
ليلى تتكور على نفسها في حزن شديد خوخة
جالسة حزينة من حولها بناتها نسمع زغرودة
آتية من الخارج سرعان ما تبين ان التى تزغرد
هى السجانة وداد)

نا ست الهام نا ست الهام الهام قادمة ومن
حولها بناتها)

فيه انه يا وداد ؟

ايدك الأول على الذى منه ورقة صحيحة

فيه ايه

افراج يا حبيبتى

افراج

(الجميع ينتهن لهذا الخبر)

كوسه

بيقولوا القضية تحفظت واننى طلعتى براءة وگل
بناتك كمان

براءة

تنظر الى ليلى في تعال) طبعا امال اننى ممتصورة
ايه ؟ اكيد قبضوا على البنات الى ضحكك علينا
واديتنى الشنطة .

الجميع

السجانة

الهام

السجانة

الهام

السجانة

الهام

خوخة

السجانة

ليلى

الهام

السجانة

ايود ايوه قبضوا عليها وهي بره بتفتش

الهام

تقترب من ليلي (مش عايزة حاجة من سليم
جوزك نا ليلي ما انا ضروري حا اقبله واى حاجة ؟
انا تحب امرك ليلي تنظر لها ولا تجيب بلاش
انا عملت بأصلى معاكى

السجانة

بالله يا سب الهام روحى البسى وحضرى شنطتك
والحقينى بالمعوم (الهام تمضى الى الداخل وبناتها
من حولها)

خوخة

حقة بطلوا ده واسموا ده عيشنا وشفنا بتوع
الأبيض بيخرجوا براءة وبتوع الأسود بياخدوا
مؤبد

مهليسة

اكيد وسايطها كثير يا معلمة

بخيتنة

قادمة ومعها سعدية فتاة ريفية يبدو عليها انها
خادمة يبدو عليها الخوف بخيتنة تجلسها
على حافة السجن (اقمدي هنا يا بت لما اشوف
حا اسمكناك فى انهى عنبر (سعدية تتكور على نفسها
فى خوف ليلي تنظر ناحيتها. يبدو عليها انها
تعرفها تتجه اليها وتساها فى دهشة

ليلى

ابه ده ؟ مش انتى سعدية اللي كانت زمان بتشتغل
عند الهام ؟

سعدية

تنظر الى ليلي فى دهشة (ست ليلي يا مصيبي
هو انتى كما مسموكة مع الست الهام

ليلى

: (فى استنكار) لا طبعا .

- سعدية
 أمل أيه اللي جابك كفالله الشر ؟
- ليسلى
 قوليلي الأول انتى ايه اللي جابك ؟
- سعدية
 (فى تردد وخوف هه قسمتى ؟
- سنية
 (خوخة تقترب منها ومعها سنية وصرصارة
- سعدية
 دعارة يا شابة ؟
- سعدية
 لا
- خوخة
 ولا مخدرات
- سعدية
 بعد الشر ده انا كنت فى المطار بودع واحدة
 من قرابى أبويا ورايحة تحج بصيب لقيت مزميل
 بتناولنى شنطة وشاورت لى على واحدة يسب
 واقفة فى الطابور وقالت روحى ادى الشنطة
 دى للسب اللي واففة هناك دى رحى للسب دى
 اديها الشنطة لقيتها السب الهام
- ليسلى
 انتى اللي اديتى الشنطة اللي فيها الهيروين
 لالهام .
- سعدية
 ما انا ما أعرفش فيها ايه انا يدوب أخذتها من
 الشابة واديتها لها وبس
- خوخة
 ده مين يا بت اللي حفظك الكلمتين الهبل دول ؟
- سعدية
 هه ماحدث حفظنى حاجة ده اللي حصل
- سنية
 يبقى فيها مؤبد يا فالحة .

سعدية مؤبد ؟
خوخة مش اعترفتى يا هبله طبعاً يبقى مؤبد

سعدية مؤبد
خوخة وجايز تاخدى اعدام كمان

سعدية يا مصيبتى

الهام وهى قادمة ومن حولها بناتها مجرد أن ترى
سعدية تنظر اليها فى احتقار (انمسكتى يا سفلة
يا حقيرة حضرتك كنتى عايزه تودينى فى داهية
جايه تدينى شنطة وتقوللى واحدة بعتهالك
سعدية تنظر لها فى ذهول السجانة قادمة)

السجانة يالله يا سب الهام العربية مستنية والظابط معاه
اوراق الافراج

سعدية افراج لا لا (سعدية تجرى على الهام تمسكها
من ملابسها أنا لايمكن حاسيبك تخرجى
لا هاتولى النيابة هاتولى البوليس ما دام الحكاية
فيها مؤبد واعدام يبقى لازم اتكلم لازم اصرخ
بعلو صوتى لحد ما تيجى النيابة وأقول اللى حصل
وانتى بقى نا ست ليلى أول واحدة لازم تعرفى
آه ما هو سليم بيه جوزك هو اللى رمانى الرمية دى .

ليلى (فى ذهول) سليم جوزى

سعدية آه ما هو جه لأمى وادها عشرة الاف جنيه (ليلى
فى عدم تصديق)

امى شافتهم من هنا جالها لطف من هنا وقالتله
طلباتك امر نا سليم بيه عايز ايه ؟

قالها انا بس هاحفظ سعدية كلمتين تروح تقولهم
فى النيابة عشان الست الهام تخرج من القضية
اللى واقعة فيها قضية ايه يا بيه ونيابة ايه ؟
قال انتى كلتى عيش وملح عند الست الهام
وهى عايزة منك خدمة بسيطة حاتروحي النيابة
تقولى ان الشنطة اللى اتمسكت معاها فى المطار
انتى اللى كنتى ادتيها لها وانا حاوقف لك محامى
يخرجك زى ما حيخرجها ونزل من هنا والبوليس
جه من هنا قبض عليا وانا خارجة ورجليه بتلف
على بعضها من الخوف امى طبطبت عليا وقالت
لى اوعى تنسى ولا كلمة من اللى حفظها لك
سيدك سليم دول عشر تلاف جنيه يا ضنايا
لو اشتقلت انا وانتى واخواتك وابوكى لو كان
لسة عايش العمر كله مش حانقدر نجيب ربهم
سمعت كلامها ورحت زى الهبله واعترفت فى
النيابة وماكنتش اعرف ان فيها مؤبد ولا اعدام
تلطم خديها)

نا ضنايا يا بنتى لبسوكى القضية بعشر تلاف
جنيه ده احد ما بندفمش فى قضية زى دى اقل
من ميت الف جنيه يا خايبة

لا ما انا مش حاسكت يا بوليس يا نيابة
يا حكومة

(تاخذ سعدية فى حضنها) يا مجنونة اللى بتعمله

ده مش حايئفغ واسمعبنى اسمعبنى أنا قلبى عليكى
تعالى بس نتفاهم أنا وانتى (تاخذ سعديّة
لبعيد ، لتهمس لها ليلى تشد الهام وتسألها
فى هلع)

الكلام بتقوله سعديّة ده صحيح ؟

ليلى

الهام

تهمس لها ثم تشدها لبعيد) وطى صوتك
نا ليلى عثمان العقربة اللى اسمها سلوى
ما تسمعكيش

(فى ذهول ما تسمعش ايه وتسمع ايه ؟ سليم
بروح لسعديّة ؟

ليلى

الهام

عثان الشنطة اللى اتمسكت معانا بالهروين بتاعته
ولو ما عملش كده أنا حاعترف عليه وأودنه فى ستين
داهيّة عرفتى بقى عمل كده ليه

ليه هو سليم بيتاجر فى الهيروين

ليلى

الهام

وفى السلاح كمان نا حبيبتى سليم جوزك بيتاجر
فى كله وبكله

مستحيل مستحيل

ليلى

الهام

نعم جرى انه نا لولا انتى حاتسعبطى تكونيش
كنتى نامّة على ودانك ولا عاميّة ما بتشوفيش
الخواجات اللى كل يوم والتانى عندكو لعقد
الاتفاقيات والصفقات واللى مسمين ، نفسهم
رجال أعمال وحضرتك كنتى بتقفى بنفسك بتعملى
لهم العزايم بايدك اظن كل ده كان بيحصل
وانتى ماتعرفيش يانغة .

ليسلى

لا ماعرفش ولا عمرى حتى كنت أتصور ان ده
بيحصل

الهام

يبقى من خيبتك يا لولا سعدية تحاول تتخلص
من بين بدى كاميليا)

كاميليا

يا ب اسمى كلامى اللي جرى جرى وأمك
معاها العشر تلاف جنيه وصدقيني كده القضية
حانفسد وانتي كمان حانطلعى براءة وتعالى بس لما
أقولك كاميليا تشد سعدية لبعيد تهمس لها
بكلام غير مسموع منى تقترب من سلوى)

منى

مستحيل اللى بيحصل ده مستحيل

سلوى

فى حزن وشجن بس بيحصل

منى

ليه ؟

سلوى

ليه دى شرحها بطول ليه دى عايزه مننا
واقفة طويلة مخبش عليكى يا منى وأنا بره كان
بيتهيالى اننا عارفين كل حاجة وشايفين كل
حاجة لكن من ساعة ما جيت وأنا حاسه
اننا لازم نعيد حسابتنا فى حاجات كثيرة
لازم نحط ابدنا على العفن اللى بيتسرب حوالينا
واحنا مش شايفين والخوف أحسن بعد شوية
نتعود على ريحته لحد ما تسمنا من ساعة
ما دخلت السجن وأنا حاسة ان المركب بتفرق
واحنا كده كل مادا فى النازل كل مادا فى النازل.

خوخة

خوخة تزعق فى سعدية) ما تصدقيهاش يا بت

نت لايمن تاخد براءة دى بتكذب عليكى

سمنية

والاعتراف سيد الأداة زى ما يقولوا يا أخه
وضرورى حاتاخذ مؤبد ويمكن اعدام كمان

سعدية

تصرخ (تجرى من كاميليا) لا لأمش حاسيبها
تخرج لا (ليلى تتحرك كالمذهولة من هول
ما سمعت كاميليا تقترب من الهام)

كاميليا

شوفى طريقة وسكتى البنت دى يا مدام

الهام

سببها تهوهو ما خلاص القضية بالنسبة لى
اتحفظت (الهام تقترب من ليلى وتهمس لها) ليلى
يا حبيبتى نصيحة منى لك لما تخرجى اتشجعى
مرة فى عمرك واسألى سليم جوزك هو معيشك فى
العز اللى انتى بتتمرغى فيه ده منين تتجسه
لتخرج السجنانة تخرج معها غير أن سعدية
تنقض عليها فى جنون وتشددها من ملابسها)

سعدية

لا لا لا يمكن حاسيبك تمشى لا يمكن (سعدية
احكمت الامساك بالهام الهام تنظر الى السجنانة
وداد ثم لها وكأنها تقول بسك عليه
تنقض السجنانة على سعدية وتمسكها من شعرها
تلفه على يدها فى قسوة ليلى تندفع وتشد سعدية
من بد السجنانة أن السجنانة تضرب ليلى
ليلى لا تستسلم بل تتمكن منها وتظل تضرب فيها
بنات الهام يشدون الهام كى تخرج من المكان غير
أن بنات خوخة بمنعونها من الخروج السجنانة
تخرج صفارتها وتصفر على اثر صفارتها بحضر
عدد من العساكر يشدون ليلى من على السجنانة
فى عنف تتدخل سلوى ومنى يشدون ليلى من
أندى العساكر سلوى ومنى لا يستسلمان
تدافعان عن ليلى بنات خوخة يضربن بنات
الهام خوخة تمسك الهام من يدها كى لا تتحرك

ليلى تتمكن من الخروج من تحت أيدي العساكر
وتشد الهام من شعرها تقوم مشاجرة بين الجميع
تنتهى بأن تتمكن العساكر من الإمساك بليلى بعنف
يلويان ذراعها - سلوى ومنى يتصدیان للعساكر
بشجاعة

سلوى استنى عندك اسمع اللى حصل

عسكرى ١ اللى حصل وصل وأنا شفتها بعينى وهى بتضرب
الموظفة وده اثناء تأدنة عملها

عسكرى ٢ يبقى بالله على التأدب

عسكرى ١ ومن الصبح النيابة تيجى تحقق يشد ليلى
ودلوقت على الحبس الانفرادى بالمسجونة

سلوى تقف فى طريقه لو سمحنا شاويش مفيش
داعى تكبر الموضوع

مسنى مش ليلى اللى ابتدت بالضرب ده ال

العسكرى الكلام ده قولوه فى التحقيق

ليلى تنظر الى العساكر فى هدوء وشجاعة حامش

معاكوا وفى هدوء كمان بس مفيش داعى تشد أيدي

(عسكرى ١ بحكم القبض على يد ليلى من جانب

عسكرى ٢ بحكم القبض عليها من جانب آخر

ليلى وهى بين أيدي العساكر تتكلم فى هدوء وارنياح

وهى ناظرة الى سلوى فى ثقة وحب)

ليلى ما تخافيش عليا نا سلوى انا خلاص ما يهمنيش

الحبس الانفرادى ولا يهمنى السجن كمان تنظر

الى الهام) وانتى يا ست الهام اخرجى قولى

لسليم بيه ليلي مش عايزة تخرج من السجن هن
طريقك (سلوى تنتبه وتسالها)

عن طريقه طريقه ازاي يعنى ؟

ما هي لعبته الحقيرة خلاص انكشفت ومش اتتوا
اعداء الوطن يا سلوى

اعداء الوطن ؟

ما هو لما جاني طلب منى اني اتجسس عليكو واعرف
كمال جوزك هريان فين وأول ما أعرف طبعا ابلغه
عن طريق ضابط المباحث اول ما بلغه
حاينخرجني وقال ايه لو انا عملت كده
أبقى باخدم البلد تفهقه أمي زمان دايمما
كانت تقول ربنا يخليكي يا شدة ياللي بتبينى العدو
من الحبيب والعدو الحقيقي هما دول (تشير
على الهام) اللى بيتاجروا فى السموم اللى بيتاجروا
فى السلاح والننى بيتاجروا فى كله وبكله بس العيب
مش عليهم لا العيب على اللى بيسبوهم يعملوا كده
ما هو العيب مش على الظالم لا العيب على اللى
بيسكت على ظلمه وعشان كده يا سلوى من دلوقت
انسا مش حاقول يا قهرة قلبى على عمرى اللى
اتسرب من بين صوابى زى الميه لا انا اللى
استاهل انا اللى رضيع وعشت عامية وأنا باشوف
طرشة وأنا باسمع خرسة وأنا باتكلم
ومن دلوقت باقولها بعلو الصوت اهو على الطلاق
من حياتك نا سليم واى حياة زى حياتك ولو كنت
دخلت السجن المرة دى عن طريق الصدفة
المرة اللى جايه حادخله لانى مش حاسكت على اى

منى

ليلى

سلوى

ليلى

شكّل من أشكال الظلم ولا الزيف ولا الكذب الكذب
اللى خلانى لبست باروكة صفرة عشان أبقي جوة
الفرمة لا الباروكة أهى تخلع الباروكة الصفراء
واذا بشعرها أسود ناعم تفرده وتهزه فى زهو)
وشعرى الأسود أهو وعمرى ما فرطت فيه

سلوى

تشير على ليلى فى سعادة) ليلى الشقية الذكية
قلبى حمامة بيضة وطائرة فى سما صافية طائرة
فى دنيا واسعة كانت تايهة منى وانا تايهة منها

ليلى

ليلى ليلى الشقية الذكية اللى كنت باجها
زمان

سلوى

حائرجمى تحببىنى يا سلوى - لأن انا كمان
حا اجبى تانى يا منى
(سلوى تحضن ليلى)

ليلى

وحشتينى يا ليلى وحشتينى

سلوى

وانا كمان وحشتنى وحشتنى قوى قوى
(العساكر يشدون ليلى سلوى وخوخة وسنية
وانصاف يلتفون حول ليلى منى تندفع اليها
وتقبلها فى حب)

ليلى

ليلى تقف فى مواجهة الهام ثم تبصق عليها فى حدة
العساكر يشدون ليلى ويهبطون بها الى الصالة .
ترتفع أغنية النهاية

ستار

للمؤلفات

مشرحة - المرجحة - سنة ١٩٦٧

مشرحة - البامبور - سنة ١٩٧٢

مشرحة - بلا اقنعة - سنة ١٩٨٢

مشرحة - البين بين - سنة ١٩٨٥

رقم الايداع ١٩٩٣/٢٤٧٣

I.S.B.N. 977 — 01 — 3278 — 5 الترقيم الدولي

مطابع الهيئة المصرية العامة للكتاب



فتحية العسال من الكاتبات العربيات القليلات ، بل
النادرات ، اللائى تجران على اقتحام عالم المسرح .
فالمسرح بطبيعته المقتصدة التى تكرة التزيد والثثرة ،
ليس فنا نسائياً ، وعدد الكاتبات اللائى نبغن فيه قليل
جدا على مستوى العالم كله ..

ومسرحية « سجن النساء » تقدم لنا نماذج عديدة من
النساء المسحوقات المنتهكات إلى جوار عدد قليل من
المناضلات الصامدات ، ومن خلال التصوير الفنى
الناضج ، والمواقف الحية المتدفقة ، والحوار الحى
الساخر ، والتصادمات الساخنة المتنامية ، تتكشف لنا
حقيقة الأوضاع المسيطرة على مجتمعنا والصراع
الرئيسى الغالب عليه بين قوى الخير والتقدم والتحرر
وقوى الشر التى نتاجر بكل شىء ..

ومن الطبيعى أن تنحاز الكاتبة إلى جانب قوى الخير
والتقدم .. مع اقترابها من مزيد من النضج الفنى ورحابة
الفطره الانسانية ، شأن كل عشاق الحياة وبنائها .

فؤاد دواره

يناير ١٩٩٣